

थुर्मांमिकु खारी

येशू पाहीथो कोम्सिडिम

१ द्वादिबुड डाचो थियोफिलस,
येशूका सीमु नुड खारी बोमु
चोम्मिडिम आरेम, २ नुड गुमी उनी त्वाका
डां थुटिमडिम थुर्मांमिननुड गुमीका
माम्चुनी-पेललाम ज्वाडिम, मा पाहीथो
कोम्सिडिम थारीसम्मकाम खोत्ले
ल्वा गो गानीलाई *डादोम किताबडा
ज्याक्तोम बु। †३ क्रूसडा सिडिम
चड्डा गुमीका हापा ल्वामिमलामका
मेर्मिमकु डादोडा सिमुलाम बम्पोडिम
ज्वाक्पा रेम्बेड्डी। मेर्मिमनुड गुमी ब्ल-
धुम(४०) नेमसम्म ल्वालाम्पोम्सिड्डी, मा
माम्चुनीकु-किब्दीकु दुथाम सीटिमडी।
४ कोलेम येशू उनी सीसिपामिमनुड गुला
पेण्डा गन्मिडीलो गुमीका आरे ज्वाडिम
बाईडा, “माम्चुनीका गानीलाई हाम
ग्वानीनी ज्वाडिम बाईडा, मेरामकु
दुथाम गो गानीलाई डादो डा ज्वाडडोम
बु, गानी यरूशलेमडाम वाडथो
मेलक्साका लन्थाटनी। ५ य्हन्नाका
ने कु-रुदुम ग्वाक्तुमी, लावो आनेपकु
कोलेम-नलेमका गानी माम्चुनी-पेलकु
रुदुम रनी।” ६ मे थुर्मांमि खोम्सिड्डीमा
येशूनुड हिलाबेड्डी, “ए डाचो, हाम
गानी *इसाएल किब्दी डादोम होप्पाम
डा बनेबोनीमिम?” †७ गुमीका मेर्मिमनुड
ज्वाड्डी, “माम्चुनीका उनी त्वाकु
साखामलामका ज्वाडिम थारीकु दुथाम
गानी थेन्मुम बुमु मेबासी। ८ लावो
माम्चुनी-पेल गानीगोडा योमीमा युम

ल्वानी। मेकोतिमा यरूशलेमडा, खोत्ले
यहूदियाडा, सामारियाडा, मा सुबु
बिर्खोपसम्म गानी आमा दुथाम सोपा
दुम्नी।” ९ येशूका ओराम ल्वा ज्वामु
डुम्मिडीमा मेर्मिमका रेप्मिडी होड्डा
गुमी धामुथो कोम्सिड्डी, मा खासेडा
मेर्मिमकु मिक्सीलामडा दाम्मिडी। १० येशू
मेम्साका लडिम मे उनी सीसिपामिमका
रेप्मिडिम-रेप्मिडिम डा बेड्डी।
मेकोतिलोडा बुबुया ये फतासिट्पा
नले मुचु कोचोति मेर्मिमकु डादोडा
रेम्बोसक्ची। ११ मेकोतिमा मेर्चिपका
मेर्मिमनुड ज्वाक्ची, “ए गालीलडाम
मुचुनी, गानी हेडा येम्तासिनीमा धामुथो
रेम्थानीमिम? गुमी गानीगोलामका
पाहीथो कोम्सिड्डी, ओम्लो गानी येशू
हेसाका ओलामका पाहीथो कोम्सिडिम
ल्वान्नी मेम्साका डा आथा वो गुमी
योमी।

यहूदाको खोमडा मतियास थुटिमडिम

१२ मेकोतिमा मेर्मिम *जैतून ज्वाक्मा
पोपचडलामका यरूशलेम रूलोम्सिड्डी।
यरूशलेमलामका ओराम पोपचड
को किलोमीटर को-कोडा बेडु।
†१३ मेकोतिमा मेर्मिम शहरगोनो
हुम्डीमा मेर्मिम बाथाल्पा नेमडलाम
बाखोपडला हुम्डी। मेर्मिम पत्रुस,
य्हन्ना, याकूब, अन्द्रियास, फिलिप
नुड थोमा, बारथोलोमाइ नुड मती,
अल्फयसकु तारापाचो याकूब, *सिमोन
कनानी नुड याकूबकु तारापाचो यहूदा

†१:२ *लूकाका ज्याक्तुम जोपा-सेलाकु किताब।

†१:६ *याडका रोमीकु साखामलाम वाड दुम्मु, मा वाडमिमका ने ख्रीष्ट योमीमा साखाम थोमी
ज्वाक्साका लन्थाटिमडी।

†१:१२ (*शब्दावलीडा रेप्नी)

मेसिन्डा बाम्थाल्मिडी। †१४ येशूकु माम मरियम, येशूकु ल्वाकमिम नुड वाडमी मेसेममिम खोत्ले कोले नकाम दुम्साका हेल्लो लोवो सोम्दी बेम्थाल्मिडी।
 १५ मेकोतिमा पत्रुस कोसड न-धुम(१२०) थोरलुपामिमकु थेतोडा येम्स्तामा ज्वाक्ता, †६ “वा-ल्वाकनी, माम्चुनीकु सीजेम रोम्थिमुडा बासिट्पा बाईडा, मेराम सीजेम येशू चुम्पामिमलाई क्रिपा यहूदाकु दुथाम दाऊदकु सिलाम डादो डा माम्चुनी-पेलका जेम्डिम बाईडा।
 १७ हेडालोने मेराम वो गुईनुड डा डास्ताम बाईडा, मा ओराम लाले-पाडकेडा डा मेरामका वो दोदोवा डास्तुम बाईडा।
 १८ मेरामका मेजोपा खारी बेसाका कोले ब्याडसी ब्रेयुडु, मा मेसिन्डा सिसिर दुम्साका आल्स्ता, मा ऊ ख्वाचेप बिडा। मेकोतिमा खोत्ले ऊ चिङ्गेल डा लुक्ता। †९ ओराम ल्वा यरूशलेमडा बाट्पा खोत्लेका थोम्डी। मेकोतिमा मेर्मिमका मेराम ब्याडसीकु नड उनी ल्वालामका “आखेल्लामा” जुल्मिडी। आखेल्लामा ज्वाक्ता सिसिकु ब्याडसी सो। २० पत्रुसका ज्वाक्ता, “हेडालोने कोमु काम्सोकु किताबडा आरेप्पाम ज्वाक्ता बु, ‘मेरामकु बाखोप ज्याङ्गो-ज्याङ्गो दुम्नु, मा मेसिन्डा सु वो मेदुम्मीनु, मा मेरामकु खुन्चुम वाडमिमका ख्मिसिमीनु।’ (भ.सं.६६:२५; १०६:८) २१ मेम्मिमका गुईगोडा बाट्पा कोले आरेप्पाम मुचु थुमु बासिट्पा बु, मेराम मुचु ने गुई येशूनुड लाम्दीडिलो नुड २२ यहून्नाका कु-नुदुम ग्वाक्तुम थारीका मा येशू गुईलाम पाहीथो कोम्सिम्डिम थारीसम्म गुईनुड बाट्पा दुम्मुबासी। मेम्मा येशू सिमुलाम बेम्गोम्डिम ल्वापा दुम्मुबासी।” २३ मेकोतिमा मेर्मिमका

नलेकु नड जुल्मिडी। मेर्चिप बारसाबास ज्वाक्ता योसेफ नुड मतियास बाच्ची। (योसेफलाई युस्तस वो ज्वाम्थाल्मिडी) २४ मेकोतिमा मेर्मिमका आरे ज्वाम्डिमा सोम्दी बेम्डी, “खोत्ले मुचुमिमकु न-गो ल्वापा माम्चुनी, ओर्चिपगोडा गानी उहेमलाई छोट्टेनम बु, मेराम गुकुनुड रेम्बेनी। २५ मेराम लाले-पाडकेडा नुड थुर्मासिमकु खारीडा रोमु चाप्सुनु, उहेम लाले-पाडकेलामका यहूदा ख्लोस्तामा ऊ त्वाकु खोमडा सिडा।” २६ मेकोतिमा मेर्चिपकु नडडा चिट्ठा ओप्पिडी, मा मतियासकु नडडा दुस्ता, मेम्मा मेराम को-कोड(११) थुर्मासिमनुड काम्सिड्डा।

पेन्तिकोसकु चाडकाम थारीका माम्चुनीकु-पेल योम्डिम

२ *पेन्तिकोस चाडकामनेम थोरलुपामिम खोत्लेडा कोदेप खोम्सिम्डिम बाईडा। †२ मेकोतिलोडा कोचोत्ति पाहीलामका डोक्पु ब्लोजु फुट्पा होङ्गा ज्वाक्पा कोड लोलाम थोम्डी, मा मेर्मिम बाम्डिम नेम डा मेरामका ज्वाप्पा कुरू। ३ लेममिम होप्पाम मुकु भुल्लु मेर्मिमकाडा रेम्बेसिम्डी, मा दोसिक्साका मेर्मिम खोत्लेडला भुम्डी। ४ मेकोतिमा मेर्मिम खोत्ले माम्चुनी-पेलका लुन्सिम्डी, मा माम्चुनी-पेलका ग्वाम्डिमिम जेसी होम्साका मेर्मिम वाडसामामिमकु ल्वाडा जेम्डी। ५ मेकोतिलो सुबुडाम खोत्ले किब्दीलामका माम्चुनीकु डिम जुल्पा खोत्ले यहूदीमिम यरूशलेमडा रोम्डिम बाईडा। ६ थोरलुपामिम जेम्डिम थोम्डीमा मेसिन्डा छोम सर्पा मुचुमिम खोम्सिम्डी। मे थोरलुपामिमका सर्पा मुचुमिमकु उनी ल्वाडा जेम्डिम थोम्डिमका सर्पा मुचुमिम

†१:१३ *ओराम सिमोन ज्वाक्ता रोमीकु साखामलामका वाड दुम्मु काल्वा बेपा यहूदीमिम गोडाम कोले सो।

†२:१ *पेन्तिकोस ज्वाक्ता डो-धुमनेमलाई ज्वाकी, ओराम ख्वाम्ल्यामुनेमकु(येशू सिम्डिमकु)डो-धुम चङ्गा बेडु। शब्दसूचीडा आथा वो रेप्नी :

डाडाया दुम्मिडी। ७ मेर्मिम छोम डाडाया दुम्तो ज्वाम्डी, “हाम, ओ जेपामिम खोत्ले गालीलडा बाट्पामिम डा मेएँ मा? ८ मा हेसाका ओर्मिमका ईकी त्वाकु ल्वाडा जेमिमिम गुई थोत्तोडा बिई? ९ गुई आसिन्डा पार्थीमिम, मादीमिम, एलामीमिम, मा मेसोपोटामियाडाम, यहूदियाडाम, कापाडोकियाडाम, पोन्टसडाम नुड एशियाडा बाट्पा बुई। १० फ्रिगिया, पामफिलिया, मिश्र नुड कुरेनीडाम लिबियाकु याड-याड देललाम नुड रोमलामका रोकितम यहूदी नुड यहूदीदुम्पामिम खोत्लेडा बुई। ११ क्रेट नुड अरबडा बाट्पामिम वो बुई, मा हेसाका गुई ईकी त्वा-त्वामिम ल्वाडा मेर्मिमका माम्चुनीकु छोम डोकपु युमखारीकु दुथाम सोमिम बुमीमिम गुई थोसिमिम बुई। १२ जोहोमका थोसिमिथेटिमवामका मेर्मिम खोत्ले डाडाया दुम्मिडीमा हाम ज्वामु-ज्वामु दुम्तो त्वाप-त्वापडाडा आरे ज्वा बेम्डी, “ओर्मिमका हाम डे ज्वामिमिम?” १३ लावो वाडमिमका मेर्मिम छोम डुका सेड्डुमिम बु ज्वाक्तो रिम्साम्डिमी।

पत्रसका सेर्पा मुचुनुड सीजेम दोस्तुम

१४ पत्रस मे को-कोले(११)

थुर्मामिमनुड येम्स्तामा डोकपु लोलामका ज्वाक्ता, “यहूदिया नुड यरूशलेमडा बाट्पा खोत्ले वा-ल्वाकनी, गानी ओराम ल्वा चनी, मा गो ज्वाडुमिम ल्वा जोहोमका थोनी। १५ गानी मिम्नीमिम होड्डा ओर्मिम छोम डुका सेड्डुमिम मिबु, हेडालोने ओम्लो मालो नेमछेमुकु गु(९) जेस्ताम कोड्डा बु। १६ लावो माम्चुनीलाम-जेपा योएलका आरेसाका ज्वाक्ताम बु: १७ “हुक्पाथारी बिली आरेप्पाम दुम ज्वाक्साका माम्चुनीका ज्वामी, गो खोत्ले मुचुमिमडला आमा पेल थुरु, मा ईनी जाउमो तारापाचोमिमका

माम्चुनीलाम-जेमी, मा स्वाला ईनी चोमिमका मिक्सीलाम ल्वामी, मा ईनी डाउमिमका डिमा म्वामी। १८ मेम्लोका गो आमा डुल्चो डुल्चुमेमिमडला आमा पेल थुरु, मा मेर्मिमका माम्चुनीलाम-जेमी। १९ गो उगेले धामुडा युमखारीमिम रेम्बेउ, मा उधालु सुबुडा सिसि, मु नुड मुसिकपा कुयुकुमिमकु छेखोपमिम रेम्बेउ। २० माम्चुनीकु छोम डोकपु युम-भवाक्सी रोमु थारी डादो नेप्सुड केकेया दुम, मा र्लोमु सिसि होप्पाम लालाया दुम। २१ लावो उहेमका माम्चुनीकु नड रडु, मेराम सेल्सिम ल्वासु।” (योएल २:२८-३२) २२ “इसाएलडाम मुचुनी थोनी, माम्चुनीका नासरतडाम येशूलामका युमखारीमिम, हेल्लो वो मेल्वाम्मा खारीमिम मा छेखोपमिमलाम ईनीमा थेतोडा बेम्डिम गानी चनीमिम डा बु। ओर्मिम खारीलामका गुमीलाई ईनीमाडा माम्चुनीका थुर्मिडिम ज्वाक्पा रेम्बेम्डिम बु।” २३ येशू गानीलाई ग्वामु माम्चुनीकाम डादो आथाममिम उनी मुलु नुड न बाईडा। मेम्मिमका गानी गुमीलाई मेजोपा मुचुमिमलाई ग्वाक्साका कूसडा चेसाका सेन्बेटनी। २४ लावो गुमीलाई माम्चुनीका सिमुकु दुखालामका फ्वाक्साका फम्बेम्डी। हेडालोने सिमुका गुमीलाई बन्थामु मेचाप्सुवा। २५ दाऊदका येशुकु दुथाम आरे ज्वाक्ताम बु, “माम्चुनीलाई हेल्लो लोवो आमा डादोडा गो ल्वाउतोमी, हेडालोने गो आमा डिमुका मेरुडीनु ज्वाक्साका गुमी आमा जोपलाम बुमी। २६ मेम्मिमका आमा न गेर्सिक्पा बु, मा आमा लेम थोर्सिद्वाक्ता, मा आमा मिरोम वो गुमीडा डा बु। २७ हेडालोने गानी गोलाई सुलुमगोनो मेर्पाजोल्डिनी, मा गानी ईनीमा नडका साट्माकु मिरोम भिम्मु मेग्वाणी, २८ गानी गोलाई त्वारोमकु लाम्दी रेम्बेट्टिडरीनिम बु, गानी गोनुड दुम्निमा छोम गेर्सिबेन्डिनी।” (भ.सं.

१६:८-११) २६ “वा-ल्लाकनी, ईकी डाउ-खुउ दाऊदकु दुथाम गो मेडिसाका गानीनुड ज्वाडु, गु सिडामा क्लुमिडी, मा ऊ सुलुम ओम्लो वो आसिडा बु। ३० लावो दाऊद माम्चुनीलाम-जेपा कोले मुचु बाईडा। मेमिमका ऊ चो-चुसुमिमगोडाम डा कोलेलाई ऊ गन्खांपडा आच्छाडा गटपु ज्वाक्साका डादो डा माम्चुनीका ज्वाडिम ल्वा गुका चडुम बाईडा। ३१ ओ ख्रीष्ट सिमुलाम बम्गोमुकु दुथाम डादो डा दाऊदका ल्वास्तु। मेमिमका गुमीलाई सुलुमगोने मेपाजालिमिवा, मा उनी मिरोंम वो मेभिप्सावा ज्वाक्साका ज्वाक्ता। ३२ ओराम येशूलाई डा माम्चुनीका सिमुलाम फम्डी, मेराम गुकु खोत्लेका ल्वात्तोकोम बु। ३३ माम्चुनीका येशूलाई कोम्डीमा उनी जोपलाम जुलिमिडी, मा डादोडा माम्चुनीका ज्वाडिम होम्साका येशका माम्चुनी-पेल रम्डी। मेराम पेल अडिम डा ओम्लो गानी ल्वानीमिम थोनीमिम सो। ३४ हेडालोने दाऊद ऊ त्वाप ने पाही मेलक्सावा, लावो ऊ त्वाका डा आरे ज्वा, ‘मिप्रडमा माम्चुनीका आमा माम्चुनीनुड ज्वाडि, ३५ गाँ ईमा मिक्सीकु पीमिमलाई ईमा फेमखेलगोयु मेबेथुमसम्म गाना आमा जोपलाम बाया’।” (भ-सं- ११०:१) ३६ “मेमिमका इस्राएलडाम खोत्ले मुचुमिमका जोहोमका चमीनु, गानी क्रुसडा चेटिनम येशूलाई माम्चुनीका डाचो नुड *ख्रीष्ट बनेबेम्डी।” १३७ ओराम ल्वा थोम्डीमा मेर्मिमकु न-गो ख्राण्डा, मा मेर्मिमका पत्रुस नुड वाडमिम थुर्मामिमलाई, “ए वा-ल्लाकनी, गुकु हाम बोमु बासी?” ज्वाक्साका हिलाबेम्डी। ३८ पत्रुसका मेर्मिमनुड

ज्वाक्ता, “ईनी छुलमिम ईनी नगोलाकमा डा मिम्सिटनीमा रूलोन्सिटनी, मा ईनी छुल हेम्मु येशू ख्रीष्टकु नडडा गानी खोत्लेका कु-रुदुम रनी। मेकोतिमा गानी ज्वाब्लावा ल्वानी, मेराम ने माम्चुनी-पेल सो। ३६ हेडालोने ओराम ईनीमा लागि, ईनी चो-चुसुमिमकाम लागि, मा माम्चुनीका येन्मिमिम वाडथो बाट्पामिम खोत्लेकाम लागि गुमीका ग्वानीनी ज्वाडिम बु। ४० पत्रुसका वाडमिम वो हापा ल्वामिमलामका उनी न छयाक्सात्तो आरे बुडुमी, “छुलचोमिमका ल्वापा देन्दडाम वाड बासाका सेल्सिटनी।” ४१ उहेम-उहेमका पत्रुसकु सीजेम उनी नडा रम्डी, मेर्मिमका कु-रुदुम रम्डी, मा मेनेम डा सु-धुमसड(३,०००) कोती मुचुमिम मेर्मिमनुड काम्सिट्डी।

थोरलुपामिमकु सामा ग्रोम्सी

४२ मे थोरलुपामिम थुर्मामिमकु सीसिडा, सामा ग्रोम्सीडा, *येशूकु गुलाडा नुड सोम्दी बेपडा कोयो दुम्थालिमिडी। ४३ मे थुर्मामिमका युमखारीमिम नुड छेखोपमिम रेम्बेडिमका मेर्मिम खोत्ले माम्चुनीनुड डिम्डी। ४४ थोरलुपामिम खोत्ले कोयो ग्रोम्थालिमिडी, मा मेर्मिमनुड बाट्पा खोत्ले सोजाम बोम्थाम दुम्थाल्ला, मा खोत्लेका खोत्लेडा मोमु ल्वाम्थालिमिडी। ४५ मेर्मिमका उनी त्वाकु ये-द, खाप्चीमिम खोत्लेडा ब्रेटिमिडी। मेकोतिमा उहेम-उहेमलाई हा-हाडको चाहेदुस्ताम मेराम होम्साका दोम्थालिमिडी। ४६ मेर्मिम खोत्ले कोले नकाम दुम्साका *सोरनेमडा कोयो-कोयो ग्रोम्थालिमिडी, मा मेर्मिमका उनी

१२:३६ *मुचुमिमलाई सेल्मु लागि माम्चुनीका थुटिमडिम मुचु ग्रीक ल्वाडा ‘ख्रीष्ट’ ज्वाक्सा नुड हिब्रू ल्वाडा ‘मसीह’ ज्वाक्सा कोले डा सो। शब्दवलीडा आथा वी रेप्नी:

१२:४२ *ग्रीक बाइबलडा सोबेम चमु ज्वाक्साका ज्याक्सा बु /थोरलुपा दुम्साका कोयोडा पोमु-डुमु /येशू मिम्साका कोयोडा पोमु-डुमु वो सो।

नेम-नेमडा जोपा न-गो नुड गेर्सिद्व्वाक्तो गुला पेम्थाल्मिडी, †१७ मा माम्चुनीकु नड कोक्तो खोत्लेनुड द्वादिबुडकाम दुम्साका बाम्थाल्मिडी। माम्चुनीका सेल्लिक्वामिम खोत्लेलाई हेल्लो लोवो मेर्मिमनुड काप्मिडिम बाम्डी।

खेल ब्लेट्पा मुचु सस्ताम

३ कोलेम पत्रुस नुड यूहन्ना सोरनेमथो लक्तोडा बेच्ची। मेकोतिलो नेम्फुम सुक जेस्ताम बाईडा। मेराम थारीका मेर्मिमका सोम्दी बेम्थाल्मिडी। २ मे सोरनेमगोनो हुपा मुचुमिमनुड बिमु गस्तालोम आडेम डा ऊ खेल ब्लेट्पा कोले मुचु वाडमिम मुचुका कुर्साका हेल्लो लोवो मेसिन्डा रेन्थाल्मिडी। मेकोतिमा मे सोरनेमकु 'जोपा लाम्चोकोडा' जुल्थाल्मिडी। ३ पत्रुस नुड यूहन्ना मे सोरनेमगोनो हुतोडा बेच्चिम ल्वास्तुमा मेरामका मेर्चिपनुड बिमु चोम्डु। ४ मेर्चिपका मेरामलाई रेप्चिम-रेप्चिम डा बेच्चीमा पत्रुसका ज्वाक्ता, "गुचुकुथो रेण्डा!" ५ मेरामका मेर्चिपलाम हाम-हम ल्वापा नका जोहोमका मेर्चिपथो रेण्डु। ६ मेकोतिमा पत्रुसका ज्वाक्ता, "सोना, मतो गोनुड मिबु, लावो हाम गोनुड बु, मेराम डा ग्वानी। नासरतडाम येशु ख्रीष्टकु नडडा लाम्दीया!" ७ मेकोतिमा पत्रुसका मेरामकु ऊ जोप ल्वाडा भेड्डुमा फक्तु। मेकोतिलोडा मेरामकु खेलकु मिक्सी नुड खेलचिपडा सो बेड्डु। ८ मेराम हुचुबक्साका येम्स्ता, मा लाम्दीमु चोम्डु। मेकोतिमा लाम्दीत्तो, प्रोक्तो, माम्चुनीकु नड कोक्तो मेर्चिपनुड डा सोरनेमगोनो हुडडा। ९ खोत्ले मुचुमिमका मेराम लाम्दीत्तो लेड्डुम नुड माम्चुनीकु नड कोक्तोडा बुडुम ल्वाम्डी। १० मेर्मिमका सोरनेमडाम 'जोपा लाम्चोकोडा' बाट्पा

मा बिपा मेराम डा ज्वाक्साका छेटिमडी। मेकोतिमा मेर्मिमका मेराम हेल्लो वो मेल्वामिवाम डा ल्वाम्डीमा डाडाया दुम्मिडी।

सोरनेमडा पत्रुसका सीजेम दोस्तुम

११ मेराम मुचुका पत्रुस नुड यूहन्नाकु ल्वाडा जेसाका लाम्दीडाम ल्वाम्डिमका खोत्ले मुचुमिम डाडाया दुम्मिडी। मेम्मा 'सोलोमनकु डोकपु पिन्दी' ज्वाक्माडा कोयो-कोयो डा मेर्मिमकाडा ओन्तो रोम्डी। १२ मेराम ल्वास्तुमा पत्रुसका मेर्मिमनुड ज्वाक्ता, "ए इस्राएलडाम मुचुनी, ओराम लाम्दीडाम ल्वान्नीमा हेडा गानी डाडाया दुम्नीमा गुचुकुथो रेन्थानीमिम? गुचुकु आचिमा युमका नुड माम्चुनीकु सोरलोले जोहोमका बेच्चोकोमका ओराम मुचु लाम्दीडाम ज्वाक्पा मिन्थानीमिम?" १३ अब्राहाम, इसहाक नुड याकूबकु माम्चुनी, ईकी बेब-पापकु माम्चुनीका उनी त्वाकु डुल्चो येशुलाई उनी युम-भवाक्सीडा कोम्डी, गुमीलाई गानी चुम्बेटिनमी। मेकोतिमा पिलातसका गुमीलाई डिन्मु न बुडु, लावो गानी गुमीलाई ऊ डादोडा डा रमु मेबिन्सिट्नीवा। १४ लावो गानी ने *माम्चुनीकु नडका साट्मा नुड *माम्चुनीकु न-गोनुडमा येशुलाई डिन्मु मेबिन्सिट्निवा, मा मुचु सेट्पालाई डिन्बेट्नी, †१५ मा त्वारोम ग्वाक्पा डाचोलाई गानी सेट्नी, गुमीलाई माम्चुनीका सिमुलाम फम्डी, मा गुकु मेराम आकी मिक्सीका डा ल्वात्तोकोम बु। १६ उनी नडडा बुडुम थोरका नुड उनी नडका डा गानी ल्वान्निम नुड चनीम ओराम मुचुलाई सो ग्वाक्तुम बु। येशुडा बुडुम थोरका ओराम मुचुलाई गानी खोत्लेकु डादोडा जोहोमका सबेड्डुम बु। १७ वा-ल्वाकनी,

†२:४६ *माम्चुनी, देउतामिमकु बाखोप, मेर्मिमकु मूर्ति बाट्पा नेम।

†३:१४ *ओराम ने यहूदीमिमका मसिह ज्वाक्साका थिसिथेट्पा नड बाईडा। *मसिहकु नड।

गानी मेचक्सका मेम बेन्नी ज्वाक्पा गो चक्पु, मा ईनी साखामचोमिमका वो मेम डा बेम्डी। १८ ख्रीष्टका दुखा ल्वामुबासी ज्वाक्सका माम्चुनीका खोत्ले माम्चुनीलाम-जेपामिमकु सिलामका जेम्डिम सीजेम आरसाका रोक्थिडडा। १९ मेमिमका ईनीमा छुल न-गोलामका मिसिटनीमा ख्लोन्सिटनी, मा ईनीमा छुल हेम्सीनु। मेकोतिमा ईनीमा गेसिमु थारी माम्चुनीलाम रोनु, २० मा गुमीका ईनीमा लागि डादो डा थुटिमडिम ख्रीष्ट थुर्मी, मेराम ने येशू डा सो। २१ माम्चुनीका माके आथाम डा उनी नडका साट्मा गुमीलाम-जेपामिमकु सिलामका जेम्डिम खोत्ले ल्वा होम्साका दुम्मुथारी मेरोक्थुम ख्रीष्ट पाहिला बुमु डा बासी। २२ मोशाका आरे ज्वाक्ताम बाईडा, 'मिप्रडमा माम्चुनीका ईनी वा-ल्वाकमिमगोलामका ईनीमा लागि गो होप्माडा माम्चुनीलाम-जेपा थुमी। मेकोतिमा गुमीका गानीलाई हाम-हाम ज्वामी मेर्मिम खोत्ले गानी थोमुबासी। (व्य १८:१५,१८) २३ लावो मेराम माम्चुनीलाम-जेपाका ज्वामीमिम मेथोपा ने माम्चुनीकु मुचुमिमलामका वाड दुम्साका सिमी।' (व्य १८:१६) २४ "शमएल नुड उमा चडडा रोक्पा खोत्ले माम्चुनीलाम-जेपामिमका ओर्मिम थारीकु दुथाम डा जेम्डिम बु। २५ गानी मे माम्चुनीलाम-जेपामिम नुड माम्चुनीका सोरखेप्मिडिम बेप-पापकु चो-चुसु डा बुनी, उहेम सोरखेप्सी अब्राहामनुड आरे ज्वाम्डीमा खेप्मिडिम बाईडा, 'ईमा चो-चुसुलामका डा सुबुडाम खोत्ले मुचुमिमका जि ल्वामी।' (उत् २२:१८) २६ खोत्ले ईनी मेजोपा खारीलामका ख्लोक्सका जि ग्वामुलाई माम्चुनीका उनी त्वाकु डुल्चो थुटिमडीमा डादो ईनीमाडा डा थुर्मिडी।"

पत्रुस नुड यूहन्ना डोक्पु ग्रोम्दीकु डादोडा

४ पत्रुस नुड यूहन्ना सेर्पा मुचुमिमनुड जेतोडा बेच्चिलो डुम्लाचोमिम, सोरनेमडाम कप्तान नुड सदुकीमिम मेसिन्डा रोम्डी। २ येशू सिमुलाम बम्पोम्डिम ल्वा ज्वाक्चो, मा सिपामिम वो येशूडा बम्पोट्मी ज्वाक्सका पत्रुस नुड यूहन्नाका सीट्चिमिमका मेर्मिमकाम छोम उनी छोक्चो बक्ताम बाईडा। ३ मेकोतिमा मेर्मिमका पत्रुस नुड यूहन्ना चुम्मिडिमा ऊ दिकामसम्म चम्डिची, हेडालोने मेकोतिलो दुडमा ज्याक्ल्याड्डाम बाईडा। ४ लावो मेर्चिपकु सीजेम थोपामिमगोडा हापाका डा थोर लुम्डी, मा मे थोरलुपा मुचुमिम डो-धुमसड(५,०००) कोती दुम्मिडी। ५ ऊ दिकामनेम यहूदीमिमकु साखामचोमिम, डाउमिम नुड उनी डुम्ला सीपा पातुम्मीमिम यरूशलेमडा खोम्सिमिडिम बाईडा। ६ डोक्पु डाउ डुम्लाचो हन्नास, कैयाफा, यूहन्ना अलेक्जेन्डर नुड डोक्पु डाउ डुम्लाचोक् नेप्डामिमिम खोत्लेडा मेसिन्डा खोम्सिमिडिम बाईडा। ७ मेकोतिमा मेर्मिमका पत्रुस नुड यूहन्ना उनी डादोडा येम्सिबेटिमडीमा हिलाबेम्डी, "उहेम युमका डे सुकु नडडा डे गाची ओ खेल ब्लेट्पा मुचुलाई सबेच्चिम?" ८ पत्रुस माम्चुनी-पेलका लुन्स्तामा मेर्मिमनुड ज्वाक्ता, "ए मुचुमिमकु साखामचो नुड डाउनी, ९ ऊ खेल ब्लेट्पा कोड मुचुडला न-थोम रेम्बेसाका जोपा खारी बेच्चोकोम बु। मेराम हेसाका सस्ताम ज्वाक्पा दुथाम आनेप गानी हिलाबोचिकिनी माला, १० इस्राएलडाम खोत्ले मुचुका नुड गानी खोत्लेका चनी, गानी क्रूसडा चेटनी लावो माम्चुनीका सिमुलाम फम्डिम मेराम नासरतडाम येशू ख्रीष्टकु नडडा डा ओराम मुचु सस्ता, मा ईनी डादोडा येम्तासिमिम बु। ११ गुमी

‘मेराम लुड डा सो, उहेमलाई गानी नेम बनेपामिमका पार्निम बाईडा, मेराम ओम्लो नेमकु फारगोयुम डोकुपु सुरलुड दुस्ताम बु।’^{११}(भ.सं. ११८:२२) ^{१२}येशू स्त्रीष्टका कोड्डा सेल्लु चाप्सामी, वाडमिम सुका वो सेल्लु मेचाप्सा, हेडालोने सुबुडाम मुचुमिमगोडा गुई सेल्लिसमुलाई उहेम वो नड ग्वाक्मा मिबु।^{१३} मेर्मिमका पत्रुस नुड यूहन्ना थेट्पा-चक्पा मुचु ने मेएँ ज्वाक्पा चम्डी, लावो मेचिप मेडिसाका जेच्चिम ल्वाम्डीमा मेर्मिम डाडाया दुम्मिडी। मेकोतिमा मेचिप येशूनड बाथाल्ची ज्वाक्पा वो मेर्मिमका चम्डी। ^{१४}लावो मे सस्ताम मुचु मेचिपनुड येन्तासिट्पा ल्वाम्डी, मा मेर्मिमका हाम वो ज्वामु मेचाप्मिवा। ^{१५}मेर्मिमका पत्रुस नुड यूहन्ना मे डोकुपु ग्नोम्दीलामका पाखाथो थुर्बेट्मडी, मा मेर्मिमका आरे ज्वाक्पा मुलु बोमु चोम्मिडी, ^{१६}“ओर्चिपलाई गुई हे बिई? हेडालोने यरूशलेमडाम खोत्ले मुचुका ओर्चिपका बेच्चिम हेल्लो वो मेल्वाम्मा खारी ल्वाम्डिम बु, मा मेराम गुई मेएँ ज्वामु मेचाप्सी। ^{१७}लावो ओराम ल्वा वाडथो मेफोन्सीनु ज्वाक्साका ‘आनेपडाम्मा ओराम नडडा गाची सुनुड हाम वो मेज्वाक्ची वो’ ज्वाक्साका डिमसान्मुची बासी।” ^{१८}मेकोतिमा मेर्मिमका पत्रुस नुड यूहन्ना येट्मडिची मा “मामासो! आनेपडाम्मा येशूकु नडडा को सि वो मेजेची, मा हाम वो मेसीचिमी वो” बेम्डीची। ^{१९}लावो पत्रुस नुड यूहन्नाका मेर्मिमनुड ज्वाक्ची, “माम्चुनीका ज्वामीमिम थोमु डिसाका गानी ज्वानीमिम थोमु माम्चुनीकु मिक्सीलामडा हाडकोम जोपा दुम गानी ईनी त्वाका डा मिम्नी। ^{२०}हेडालोने गुचुकु ल्वाच्चोकोम नुड थोच्चोकोम ल्वा मेसोसाका बुमु डा मेचाप्चुकु।” ^{२१}मेर्मिमका मेचिपलाई

देन्दे ग्वामु मेजोपा ल्वा हाम वो मेल्वामिवामका डिम साट्मडीचीमा थुर्सोम्डिची। हेडालोने हाम खारी दुस्ताम बाईडा मेरामकु दुथाम खोत्ले मुचुमिमका माम्चुनीकु नड कोम्डिम बाम्डी। ^{२२}उहेम मुचु युमखारीलामका सबेच्चिम बाईडा, मेरामका ब्ल-धुम(४०) थ हेम्डुम बाईडा।

उनी सो हन्मु थोरलुपामिमका बेम्डिम सोम्दी

^{२३}पत्रुस नुड यूहन्ना यहूदीमिमकु डोकुपु ग्नोम्दीलामका लुकुचोमेरे उची त्वाकु डोप्सोमिमकाडा रोकची। मेकोतिमा डाउ डुम्लाचोमिम नुड डाउमिमका ज्वाम्डिम खोत्ले ल्वा मेर्मिमनुड सोच्ची। ^{२४}मेराम ल्वा थोम्डीमा मेर्मिम खोत्ले कोले न-थोमकाम दुम्साका डोकुपु लोलामका सोम्दी बेम्डी, “सुबु, पाहो, दिरिदिन नुड मेसिन्डा बाट्पामिम खोत्ले प्रडपा माम्चुनी, ^{२५}आकीमा डाउ-खुउ ईनीमा डुल्चो दाऊदकु सिलामका गानी ईनी पलका आरेसाका जेन्नी, ‘वाडसामामिम हेडा उनी छोकचो बक्ता, मा हेडा मुचुमिमका हाम ना हामकाम मुलु बेम्डी? ^{२६}मिप्रडमा नुड गुमीका थुट्मडिम मेराम उनी चो *मसिहकु कोर्थोलाम सुबुडाम हपमिम बम्डी, मा साखामचोमिम कोदेप खोम्सिम्डी।’ (भ.सं. २:१-२) ^{२७}हेडालोने गानी थुट्नीमा ईनी नडका साट्मिम ईनी डुल्चो येशूकु कोर्थोलाम हेरोद नुड पन्तियास पिलातस, वाडसामामिम नुड इस्राएलीमिम ओराम शहरडा डा खोम्सिम्डिम बाईडा। ^{२८}ईनी न नुड युमका डादो डा हाम दुम्नु ज्वाक्साका गानी बेन्निम बाईडा, मेर्मिमका मेमडा बेम्डी। ^{२९}मेर्मिमका माम्चुनी, मेर्मिमकु डिमसासी मिम्नी, मा ईनी डुल्चोमिमलाई

^१४:२६ * स्त्रीष्ट

मेडिसाका ईनी सीजेम दोपा बनेनिमी।
 ३० नोपासिम सबेन्मुलाई ईनी ल्वा
 हम्नी, मा ईनी नडका साट्मा नुड ईनी
 डुल्चो येशूकु नडडा छेखोपसिम नुड
 युमखारीसिम रेम्बेनी।” ३१ आरेसाका
 मेर्मिमका सोम्दी बोमु डुम्मिडी, मा मेर्मिम
 खोम्सिडिम बाय रुड्डु। मेकोतिमा मेर्मिम
 खोत्लेडा माम्चुनी-पेलका लुन्सिम्डी, मा
 मेर्मिमका माम्चुनीकु सीजेम मेडिसाका
 डा दोम्डी।

थोरलुपासिमकु बोम्थाम खाप्ची

३२ थोरलुपासिम खोत्ले कोले न-
 गोकाम दुम्मिडिम बाईडा, मा मेर्मिमगोडा
 सुका वो उनी त्वाकु खाप्चीसिम ओराम
 आमा मेज्वाम्थाल्मिवा, लावो मेर्मिमनुड
 हा-हाम बाट्पा खोत्लेडा खोत्लेका
 दोसाका मोम्थाल्मिडी। ३३ थुर्मासिम छोम
 सोनुडमा दुम्तो येशू सिमुलाम आच्छाडा
 बमोम्डिम डा ज्वाक्सका हेल्लो
 लोवो सोमु चोम्मिडी, मा मेर्मिमडला
 माम्चुनीकु *दिदाम छोम डोकपु बाईडा।
 †३४ मेर्मिमगोडा सुलाई हामकाम वो
 खेरेला मेदुस्थालावा, हेडालोने सु-सुनुड
 ये-द, नेम-कम बाईडा, मेर्मिमका
 ब्रेटिमडीमा मेर्मिमकु थि थुर्मासिमकाडा
 रेन्थाल्मिडी। ३५ मेकोतिमा थुर्मासिमलाई
 ग्वाम्थाल्मिडी, मा सु-सुलाई हा-
 हामकाम खेरेला दुस्थाल्ला मेराम
 होम्साका मेर्मिमलाई ग्वाम्थाल्मिडी।
 ३६ साइप्रस नेब्दीडाम लेवी दोचोडाम
 कोड योसेफ नडकाम मुचु बाईडा।
 मेरामलाई थुर्मासिमका बारनाबास
 ज्वाक्सका डान्थाल्मिडी, (बारनाबास
 ज्वाक्मा सो हन्बेट्पा तारापाचो सो)
 ३७ मेरामका ऊ ये-द ब्रेसाका मेरामकु थि
 रेड्डुमा थुर्मासिमकु ल्वाड्डा ग्वाक्तुमी।

हननिया नुड सफीरा

५ हननिया ज्वाक्मा कोड मुचु नुड ऊ
 नाईमे सफीराका वो किचो उची
 य-द ब्रेट्ची। २ लावो गुका ऊ नाईमेकु
 मुलुलामका मेरामकु थि किचो उमा
 त्वाकाम लागि थक्सका जुल्स्ता।
 मेम्मा घलेट्पा थि रेड्डुमा थुर्मासिमकु
 ल्वाड्डा ग्वाक्तुमी। ३ लावो पत्रुसका
 ज्वाक्ता, “हननिया, हेडा ईमा न-गो
 शैतानलाई ग्वाक्सका माम्चुनी-पेलनुड
 लिमा थेटना, मा ईमा ये-द ब्रेटनाम
 खउलुड किचो जुल्सिट्ना? ४ मे ये-द
 मेब्रेथुम वो ईमा त्वाकाम डा बाईडा,
 मा ब्रेटनाम खउलुड वो ईमाडा बाईडा,
 मा आरेप्पाम खारी बेपा ल्वा हेसाका
 ईमा नड्डा रोकता? गाना मुचुनुड मेएँ,
 माम्चुनीनुड लिमा थेटनाम बु।” ५ ओराम
 ल्वा थोस्तुमा हननिया क्वायु भास्ता,
 मा सिडा। मेकोतिमा ओराम ल्वा थोपा
 खोत्लेडा छोम डिम्डी। ६ स्वालामिम
 रोम्डीमा मेरामलाई साइखीमका
 दिल्लासाका पाखाथो कुर्मिडीमा रल्लुम्डी,
 मा मेरामलाई क्लुम्मिडी। ७ हाम दुस्ताम
 बाईडा, मेराम ऊ नाईमेका मेचक्सका
 डा सुक घण्टा चडडा गु वो मेसिन्डा
 रोकता। ८ मेकोतिमा पत्रुसका मेरामनुड
 वो हिलाबुडु, “गोनुड सोया, गाची ये-द
 मेकोतिडाडा ब्रेटिचम?” मेकोतिमा गुका
 ज्वाक्ता, “मेकोतिडाडा।” ९ पत्रुसका
 ज्वाक्ता, “गाची निफीका हेसाका
 डे माम्चुनी-पेलनुड लिमा थेन्मु मुलु
 बेच्ची? रेण्डा, ईमा वोचुलाई क्लुम्पासिम
 लाम्चोकोडा डा रोम्फाम्डिम बु, मा
 मेर्मिमका गाना वो मेम्साका डा कुर्नामीमा
 पाखा लनामी।” १० मेकोतिलोडा मे
 सफीरा पत्रुसकु खेल फार्डा भास्ता,
 मा सिल्याड्डा। मेकोतिमा स्वालामिम
 मेगोडा रोम्डी। मेराम सिप्ल्याक्पा
 ल्वाम्डी, मा कुर्साका पाखा रल्लुम्डी।

†४:३३ * नेपाली अनुग्रह

मेम्मा ऊ वोचु फार्डा क्लुम्मिडी।
११ खोत्ले मण्डली नुड आराम ल्वा थोपा
खोत्ले छोम डिम्डी।

थुर्मामिमका हापा मुचुमिमलाई सबेटिमडिम

१२ थुर्मामिमकु ल्वालामका हापा
छेखोपमिम नुड युमखारीमिम
मुचुमिमगोडा दुम्मु चोम्डु, मा
थोरलुपा खोत्लेडा 'सोलोमनकु डोकपु
पिन्दी' ज्वाक्माडा खोम्सिडिम
बाईडा। १३ मुचुमिमका थुर्मामिमकु
दुथाम जोपा डा जेम्थाल्मिडी,
लावो थुर्मामिमकाडा रोमु मेर्मिम
डिम्थाल्मिडी। १४ माम्चुनीडा थोरलुपा
वोस्चो-मेसेममिम हापा डा मेर्मिमनुड
काम्सिम चोम्मिडी, १५ मुचुमिमका
नोपामिमलाई लाम्दी-गुदुबाडे रेटिमडी,
मा पत्रुस रोलो ऊ पेल कोड्डा
लोवो मेर्मिमगोडाम कोड-कोडडला
दुम्मु ज्वाक्साका उनी अम्खोप नुड
खाटबाडे जुल्थाल्मिडी। १६ यरूशलेमकु
होनोला-आथोलामबाडेम शहरलामका
वो हापा मुचुमिमका नोपामिम नुड मुनाड-
पेलका दुखा ग्वाक्पामिम मेसिन्डा
रेन्थाल्मिडी, मा मेर्मिम खोत्लेडा
सम्थाल्मिडी।

थुर्मामिमलाई दुखा ग्वाम्डीमिम

१७ डोकपु डाउ डुम्लाचो नुड गुनुड
बाटपा सदुकीमिम उनी नो मेनुयावामका
थुर्मामिमकु कोर्थोलाम बम्डी।
१८ मेकोतिमा मेर्मिमलाई चुम्मिडीमा
खोत्लेकु चखोप भ्यालखानडा चम्डी।
१९ लावो माम्चुनीकु कोले पाह्नीचोका
सिन्था मे भ्यालखानकु लाम्चोकोमिम
होल्साका मेर्मिमलाई पाखानो
ख्लुक्तुमी, मा ज्वाक्ता, २० "लक्नीमा
सोरनेमडा लाले त्वारोमकु दुथाममिम
खोत्ले ल्वा मुचुमिमलाई थोबेटनीमी।"
२१ ओराम थोम्डीमा मेर्मिम नेमसोसोका

डा सोरनेमगोनो हुम्डी, मा सीमु
चोम्मिडी। डोकपु डाउ डुम्लाचो
नुड गुनुड बाटपामिम घोम्दीनेमडा
रोम्डी, मा मेर्मिमका डोकपु घोम्दी
मेराम ज्वाक्मा- इस्राएलमिमकु खोत्ले
डाउमिमकु घोम्दी येटिमडी, मा मे
थुर्मामिमलाई भ्यालखानलामका रेन्मु
ज्वाक्साका मुचुमिम थुर्मिडी। २२ लावो
मे सिपाहीमिमका थुर्मामिमलाई
भ्यालखानगोडा मेडोमीवामा
ख्लोसिक्साका रोम्डी, मा ज्वाम्डी,
२३ "भ्यालखान जोहोमका ख्लुन्थाट्मा,
मा सिपाहीमिम लाम्चोकोडा
येम्तासिट्पा डा गुकु डार्तोको। लावो
लाम्चोको होल्लोकोलो मेगोनो सुवो
मेडार्कुमिवा।" २४ सोरनेमडाम कप्तान
नुड डाउ डुम्लाचोमिमका ओराम ल्वा
थोम्डीमा डाडाया दुम्मिडी। मेकोतिमा
ओराम चड्डा हाम दुम ज्वाक्साका
मिम्मिडी। २५ कोले मुचु रोकतामा
मेर्मिमनुड ज्वाक्ता, "थोनी, गानी
भ्यालखानडा चक्नीमिम मुचुमिमका ने
सोरनेमगोडा येम्तासिट्मीमा मुचुमिमलाई
सीमिहोम बुमी।" २६ मेकोतिमा कप्तान
नुड सिपाहीमिम लम्डीमा थुर्मामिमलाई
मेयाल्साका फिटिमडी, हेडालोने
मुचुमिमका लडका ओम्किमी
ज्वाक्साका मेर्मिम डिम्डी। २७ मेर्मिमका
मे थुर्मामिमलाई डोकपु घोम्डीडा
रेटिमडीमा येम्सिबेटिमडी, मा डोकपु
डाउ डुम्लाचोका मेर्मिमनुड हिलाबुडु,
२८ "येशूकु नडडा हाम वो मेसीनीमी
ज्वाक्साका गुकु गानीनुड ज्वाक्तोकोम
मेएँ? लावो ईनी सीसिका ने खोत्ले
यरूशलेम डा लिबेटनी, मा मे येशूलाई
गानी सेटिनम ज्वाक्साका आकीमा
बुईडला उन्मु माल्नी।" २९ लावो पत्रुस
नुड थुर्मामिमका ज्वाम्डी, "मुचुमिमका
ज्वामीमिम ने मेएँ, माम्चुनीका
ज्वामीमिम डा गुकु थोमु बासी। ३० गानी
कूसडा चेटिनमा सेटिनम येशूलाई ईकी

डाउ-खुउकु माम्चुनीका सिमुलाम फम्डिम बु। ३१ इस्राएलीमिमकु छुल उनी न-गोलाम मिस्सिक्साका र्लोसिबेन्मु लागि मा उनी छुल हेम्सामुमी ज्वाक्साका माम्चुनीका गुमीलाई कोम्डीमा उनी जोप ल्वालाम जल्साका हप नुड सेल्पा दुम्बेटिमडी। ३२ गुकु ओर्मिम खोत्ले ल्वा आकी मिक्सीका डा ल्वात्तोकोम बु, मा गुमीका ज्वामिमिम थोपामिमलाई माम्चुनीका ग्वाम्डिम उनी पेलका वो मेराम सोमी।” ३३ मेर्मिमका ओराम थोम्डीमा छोम उनी छोक्चो बक्ता, मा थुर्मासिमलाई सेन्मु न बेम्डी। ३४ लावो यहूदीमिमकु दुम्ला सीपा नुड मुचुमिमका डोक्पु मिम्थाल्मिडिम गर्मालेएल ज्वाक्मा फरिसीका डोक्पु घोम्दीडा येम्स्तामा थुर्मासिमलाई घरिकोड पाखानो थुर्नी बुडुमी। ३५ मेकोतिमा गुका डोक्पु घोम्दीडाम मुचुमिमनुड ज्वाक्ता, “इस्राएलडाम मुचुनी, ओर्मिम मुचुलाई गानी हाम बोमु खाम्नीमिम बु, मेराम ईनी त्वाका डा जोहोमका मिम्नी सो! ३६ हेडालोने ओरामडाम किचो डादो वो थूदासका डोक्पु मुचु लिस्तामा बल सड(४,००) कोती मुचुमिम मेरामनुड लाम्दीम्डी । चडडा मेराम मुचु सेटिमडी, मा गुनुड लाम्दीपामिम खोत्ले डा फोन्सिम्डी, मा मेकोतिडा दाम्मिडी। ३७ मेकोतिमा ओराम मुचुडाम चडडा मुचुमिम डार्मुथारीका गालीलडाम यहूदा ज्वाक्मा रोक्ता, मा हापा मुचुमिम गुनुड लाम्दीम्डी। मेकोतिमा मेराम वो सेटिमडी, मा मेरामनुड लाम्दीपामिम फोन्सिम्डी, मा मेकोतिडा दाम्मिडी। ३८ ओम्लो दुम्पा ल्वाकु दुथाम गो गानीनुड ज्वाडु, ओर्मिम मुचुडाम वाड बानी, मा ओर्मिमलाई डिडनी, हेडालोने ओराम खारी मुचुमिमका उनी नका बेम्डिम माला ने मेकोतिडा दाम्मा ल। ३९ लावो ओराम माम्चुनीलामिमिम माला

ने गानी भोम्मु मेचाम्नी, मेएँ माला गानी ने माम्चुनीकु कोर्थोलाम बनीमिम दुम।” ४० मेर्मिमका गुका ज्वाक्ताम ल्वा बिस्सिम्डी। मेर्मिमका थुर्मासिमलाई गोने येटिमडीमा याल्मिडी, मा “आनेपडाम्मा येशूकु नडडा को सि वो मेजेनी वो” बेसाका डिन्सोम्डीमी। ४१ माम्चुनीका मेर्मिमलाई येशूकु नडडा नाप्छुन्ला सोम्सिमु घेटपा दुम्बेटिमडी ज्वाक्तो गेर्सिक्तो मेर्मिम मे डोक्पु घोम्दीलामका लम्डीमा लम्डी। ४२ मेर्मिमका हेल्लो लावो सोरनेमडा नुड नेम-नेमडा येशू डा ख्रीष्ट सो ज्वाक्साका सीमु नुड जोपा-सेला दोमु मेडिड्मीवा।

थोरलुपामिमगोडा र्लोपा येत्ले मुचु थुटिमडिम

६ मेमबिली येशूडा थोरलुपा मुचुमिम छोम हापा दुम्तो लम्डी। मेकोतिलो हिब्रू ल्वा जेपा थोरलुपामिमकु कोर्थोलाम ग्रीक ल्वा जेपा थोरलुपामिमका सुम्बुर्मा किन्मु चोम्मिडी। हेडालोने हेल्लो लावो पोमु दोम्थाल्मिडीलो मेर्मिमगोडाम उनी वोचु सिपा मेसेममिमडला चोमिक्सी बेम्थाल्मिडी। २ मेकोतिमा मे को-न(१२) ले थुर्मासिमका खोत्ले सीसिपामिमलाई येटिमडीमा ज्वाम्डी, “गुकु माम्चुनीकु सीजेम दोमु डिसाका पोमु-डुमु ग्वामुमीथो लमु जोपा मेदुम। ३ मेम्मिमका ए वा-ल्वाकनी, खोत्ले मुचुमिमका द्वामीमिम नेप्चीनुडमा नुड माम्चुनी-पेलका लुन्सिपा येत्ले मुचु गानीगोलामका डा छेनिमी, मा मेर्मिमलाई गुकु ओराम खारी बोमु थुकु। ४ मेकोतिमा गुकु ने सोम्दी नुड सीजेमकु लाले-पाडके डा बोमुम बुमुबासी।” ५ ओराम ल्वा खोत्लेकु नडा लस्ता, मा मेसिन्डा खोम्सिट्पा खोत्लेडा बिस्सिम्डी। मेम्मा माम्चुनी-पेलका लुन्सिपा नुड खोत्लेका थोरलुम्डिम स्तिफनस, फिलिप, प्रखरस, निकनोर, तीमोन, पर्मिनास नुड एन्टिओखियाडाम

चडडा यहदी दुम्पा निकोलाउसलाई मेर्मिमका छेटिमडी। ६ मेकोतिमा मेर्मिमका ओर्मिम मुचु थुर्मासिमकाडा रेटिमडी, मा थुर्मासिमका मेर्मिमडला ल्वा जुल्मिडीमा सांम्दी बेम्डी। ७ माम्चुनीकु सीजेम खोत्लेथो फोन्सिक्तो लस्ता। मेकोतिमा सीसिपामिम यरूशलेमडा छोम बर्मिडी, मा डुम्लाचोमिमगोडाम वो हापाका मेराम माम्चुनीडा थोरलुम्डी।

स्तिफनसलाई चुम्मिडिम

८ स्तिफनसकाडा माम्चुनीकु दिदाम नुड युम छोम बाईडामका मुचुमिमगोडा छोम डोकपु-डोकपु छेखोपामिम नुड युमखारीमिम बुडु। ९ लावो याड-याड ने स्तिफनसकु कोथोलांम बमु चोम्मिडी। मेर्मिम *फवाक्मा डुल्चोमिमकु सामा घ्रोम्दीनेमडाम मुचोमिम, मा कुरेनी, अलेक्जेन्ड्रिया, किलिकिया नुड एशियाडाम खोत्ले मुचुमिम बांम्डी। १० लावो उहेम नेप्चीका नुड पेललामका स्तिफनस जेस्ता, मेर्मिमका गुनुड हाम वो जेमु डा मेचाप्मिवा। ११ मेकोतिमा मेर्मिमका लिबावा मुचुमिमलाई कोम्डीमा आरे ज्वाबेटिमडी, “ओरामका मोशा नुड माम्चुनीलाई डक्साका जेस्ताम गुकु थोत्तोको।” १२ आरेसाका मेर्मिमका मुचुमिम, डाउमिम नुड यहदीमिमकु डुम्ला सीपा पातुर्मीमिमलाई कोम्डी। मेकोतिमा स्तिफनसलाई चुम्मिडीमा मे डोकपु घ्रोम्दीडा रो-रोन्थुत्तो रेटिमडी। १३ मेर्मिमका मेरामकु दुथाम लिमाथेट्पामिम मेसिन्डा रेटिमडी, मा मेर्मिमका आरे ज्वाम्डी, “ओरामका माम्चुनीकु नडका साट्मा सोरेनेम नुड डुम्लाकु कोथोलांम जेमु मेडिडु। १४ हेडालोने ओरामका आरे ज्वाक्ताम गुकु थोत्तोकोम बु, ‘नासरतडाम येशूका ओराम सोरेनेम फाल्मी, मा मोशाका गुईलाई ग्वाक्साड्डाम डुम्ला वो वाडमी

डा दुम्बेन्मी’।” १५ मेकोतिलो मे डोकपु घ्रोम्दीडा बाट्पा खोत्लेका स्तिफनसलाई रेप्मिडिम-रेप्मिडिम डा बेम्डी, मा स्तिफनसकु डाली पाहीचोकु डाली होप्पा डा ल्वाम्डी।

स्तिफनसकु सीजेम

७ मेकोतिमा डोकपु डाउ डुम्लाचोका स्तिफनसनुड हिलाबुडु, “हाम मेर्मिमका ईमा बुईडला उट्टिमडिम ल्वा आच्छाडा डा?” २ स्तिफनसका ज्वाक्ता, “माम-पाप नुड वा-ल्वाकनी, आनो थोनी। ईकी डाउ-खुउ अब्राहाम हारानडा बुमु डादो मेसोपोटामियाडा बाईडालो गुनुड युम-भवाक्सीकु माम्चुनी ल्वाला सांम्सिडिम बाईडा। ३ माम्चुनीका अब्राहामनुड ज्वाम्डिम बाईडा, ‘गाना ईमा नेब्दी नुड ईमा मुचुमिम डिड्जोला, मा उहेम बाय गो रेम्बनी मेसिन्डा लक्सा।’ ४ “मेकोतिमा अब्राहाम कल्दीमिमकु नेब्दीलामका लुक्साका हारानडा रोकतामा बाईडा। मेसिन्डा ऊ पाप सिडामा चडडा मेलामका माम्चुनीका ओम्लो बात्तोडा बिईमिम बायडा रेटिमडिम बाईडा। ५ मेकोतिलो माम्चुनीका अब्राहामलाई ओराम नेब्दीडा ऊ खेल देम्खोपसम्म वो बाय मेग्वाक्मिवा। लावो माम्चुनीका ‘ओराम नेब्दी गाना नुड ईमा चो-चुसुमिमलाई ग्वानिनी’ बेम्डिम बाईडा। माम्चुनीका आरे ज्वाम्डिलो अब्राहामकु चो मेदुथेडा बाईडा। ६ माम्चुनीका अब्राहामनुड आरेसाका ज्वाम्डी, ‘ईमा चो-चुसुमिम वाडमिमकु नेब्दीडा लमीमा बुमी। मेसिन्डाम मुचुमिमका मेर्मिमलाई डुल्चो जुल्मी, मा ब्ल-सड(४,००) थसम्म छोम दुखा ग्वामी।’ ७ माम्चुनीका ज्वाम्डी, ‘लावो उहेम सामाका मेर्मिमलाई डुल्चो जुल्मी, मेराम सामालाई गो देन्दे ग्वाक्पु। मेकोतिमा

१६:६ *फवाक्मा डुल्चो: शब्दावलीडा रेप्नी

ईमा चो-चुसुमिम मेलामका लुमीमा आसिन्डा रोमी, मा मेर्मिमका आमा नड कोमी।^१ गुमीका अब्राहामनुड खिरिरी-क्रिप्सीकु सौरखेप्मिडीमा अब्राहामकु तारापाचो इसहाक दुस्ता, मा लेतले नेम अब्राहामका इसहाककु *खिरिरी क्रिप्साड्डु। इसहाककु तारापाचो याकूब दुस्ता, मा याकूबकु ऊ चोमिम को-न(१२) सामा दुम्मिडी।^{१६} मेर्मिमगोडाम कोले योसेफ बाईडा। योसेफकु वामिमकाम उनी नो मेनयावामका योसेफलाई मिश्र नेब्दीडा ब्रैट्मिडी। लावो माम्चुनी योसेफनुड बाम्डी।^{१०} माम्चुनीका खोत्ले ऊ दुखालामका वाड बेम्डी, मा न-थोम रेम्बेसाका योसेफलाई मिश्रडाम हप फारोकु न छल्वापा नेच्ची ग्वाम्डी। मेम्मा फारोका गुलाई मिश्र नेब्दी नुड ऊ ओगानेमडाम खोत्लेकु साखामचो थुड्डु।^{११} मेकोतिमा मिश्र नेब्दी नुड कनान नेब्दीडा खोत्लेथो डा मा-के हक्तामा छोम डोकु दुखा दुस्ता। मेम्मा ईकी डाउ-खुउमिमका पोमु मेल्वामिवा।^{१२} याकूबका मिश्र नेब्दीडा मा-के बु ज्वाक्पा थोस्तुमा ईकी डाउ-खुउमिमलाई डादोम थारीका मेसिन्डा थुस्तुमी।^{१३} मेकोतिमा मेरामकु चडडा घ्रोम्मिडिलो योसेफ ऊ वामिमनुड छेलासोसिड्डा, मा योसेफकु वामिम वो फारोका छेड्डुमी।^{१४} मेकोतिमा योसेफका उमा त्वाकु पाप याकूब नुड उमा वा-ल्वाकमिम मा मेर्मिमकु न्पडाममिमलाई उमाडा येड्डुमी। मेर्मिम खोत्ले येत्-डोले(७५) बाम्डी।^{१५} मेकोतिमा याकूब मिश्र नेब्दीयु लस्तामा मेसिन्डा डा ऊ साम लस्ता, मा ईकी डाउ-खुउमिमकाम वो मेसिन्डा उनी साम लस्ता।^{१६} मेकोतिमा ईकी डाउखुउमिमकाम सिसा रोम शकेमडा लम्डी, मा अब्राहामका शकेमडा हमोरकु चोमिमलामका थि सोक्साका ब्रैजोल्लुम सुलुमगोनो क्लुम्मिडी।^{१७} “माम्चुनीका

अब्राहामनुड जेम्डिम ल्वा रोक्थिटपा थारी रोक्फाड्डालो मिश्र नेब्दीडा ईकी मुचु इस्राएलीमिम छोम बर्मिडी, मा हापा दुम्मिडी।^{१८} मेकोतिमा मिश्र नेब्दीडा योसेफलाई मेछेपा वाडमी डा हप दुस्ता।^{१९} मेरामका ईकी डाउ-खुउमिमलाई मेजोपा नका दुखा ग्वाक्तमी। मेकोतिमा मेरामका ईकी डाउ-खुउमिमलाई उनी चोच्चोमिम खोत्ले पाखाडा जुल्बेड्डुमी, मा मालो गक्पा चोच्चोमिम खोत्लेडा सिम्डी।^{२०} ओराम थारीका डा मोशा गस्ता। गु माम्चुनीकु मिक्सीलामडा छोम डा जोपा बाईडा। गुलाई सुक मुनामसम्म ऊ माम-पापका डुल्ची।^{२१} मेकोतिमा गुलाई पाखानो पार्जोल्मिडिम चड्डा फारोकु मेसेमचोका लडुमा ऊ त्वाकु चो होम्साका डुल्लु।^{२२} मिश्रीनेब्दीडाम मुचुमिमका थोर्टिमिडिम खोत्ले ल्वा मोशालाई सीटिमिडी, मा मोशा जेमुडा नुड खारी बोमुडा नेच्चीनुडमा दुस्ता।^{२३} मोशा ब्ल-धुम(४०) थकाम दुस्तालो ऊ त्वाकु वा-ल्वाक इस्राएलीमिमनुड घ्रोम्मु न बुडु।^{२४} कोलेम मोशाका कोड मिश्रीका कोड इस्राएलीलाई याल्तोडा बेपा ल्वास्तुमा गुका भोण्डु। मेम्मा गु इस्राएलीलाम बासिक्साका मिश्री मुचुलाई सेड्डुमा ऊ छोकचो हाड्डु।^{२५} माम्चुनीका इस्राएलीमिमलाई सेल्ला मोशा थुर्मीडिम बाईडा। ओराम ल्वा ऊ मुचु इस्राएलीमिमका थेसिथेन्मी ज्वाक्पा मोशाका मिम्डुम बाईडा। लावो मेर्मिमका थेसिमिथेटिमवा।^{२६} मेरामकु दिकाम नले इस्राएलीचिपका क्वाल्बा बेतोडा लेच्चीलो मोशा रोक्ता, मा मेर्चिपकु न-घ्रोम्बेन्मु नका आरे बुडुची, “वा-ल्वाकची, गाची ने कोले सामाडाम वा-ल्वाक डे मा हेडा ईची त्वाप-त्वापडा डा मेजोपा बेबोचीमिम?”^{२७} लावो मे ऊ साउखोरेडला मेजोपा बेपाका मोशालाई आरे बुडुमा क्वाड उड्डु,

^१७:८ *माम्चुनीकु मुचु ज्वाक्साका छेमु लागि क्रिप्मिडिम छेखोप : शब्दावलीडा रेन्नी

“गुकुकुडला निया बेपा नुड सारखाम थोपा दुम्मु गानालाई सुका थुटना? २८ बास्ताका मे मिश्री मुचु सेटनाम होडडा गोलाई वो सेन्नु माल्डिमिम?” २९ ओराम ल्वा थोस्तुमा मोशा स्वाडडाम मिघान नेब्दीडा वाडथोलामका रोकपा मुचु दुम्साका बाईडा। मेसिन्डा नले ऊ तारापाचोचिप गक्ची। ३० बल-धुम थ(४०)चडडा सीनै पोचडकु ज्याङगो-ज्याङगोडाम घुपामबाटपा भोरीडा कोड पाहीचो मोशानुड ल्वाल सोस्ता। ३१ मोशाका मेराम ल्वास्तुमा डाडाय दुस्ता, मा मेराम रेण्डा ऊ फार्डा लस्तालो माम्चुनीकु लोलामका आरे ज्वाम्डी, ३२ ‘गो ईमा डाउ-खुउ अब्राहाम, इसहाक नुड याकूबकु माम्चुनी।’ ओराम थोस्तुमा मोशा ऊ डिमुका रुडडुमा गुका मेरामथो रेम्मुडा मेचाप्सुवा। ३३ मेकोतिमा मिप्रडमाका मोशानुड ज्वाम्डी, ‘ईमा खेलयुम *सोलोप प्लुसा, हेडालोने गाना उहेम बायडा येम्तासिनामिम बु, मेराम बाय माम्चुनीकु नडका साट्मा सो। १३४ मिश्र नेब्दीडा बाटपा आमा मुचुमिमकु दुखा गो ल्वाउतो, मा मेर्मिम येत्तो-खाप्तो बेम्डिम वो थोउतो। मेर्मिमलाई बोण्डा-थार्डा गो योडडोम बु। मेम्मिमका लक्सा गो गानालाई मिश्र नेब्दीयु थुर्नी।’ (प्र. ३:१-१०) ३५ इस्राएलीमिमका ‘गानालाई निया बेपा नुड सारखाम थोपा दुम्मु थुटना सुका’ ज्वाक्साका नाच्छुटिमडिम ओराम मोशालाई माम्चुनीका भोरीडा रेम्बेसिकपा पाहीचोलामका साखामचो नुड बोपा-थार्पा मुचु थुसाका थुर्मिडिम बाईडा। ३६ ओराम मोशाका डा मिश्र नेब्दीडाम लालाम दिरिदिनडा नुड ज्याङगो-ज्याङगोडा बल-धुम(४०) थसम्म हेल्लो वो मेल्वामिवाम खारी नुड छेखोपमिम बेसाका मेलामका मेर्मिमलाई खेडडुमिम बाईडा। ३७ मेराम

मोशाका डा, इस्राएलीमिमनुड ज्वाक्ताम बाईडा, ‘माम्चुनीका गोलाई थुटिडरीमिम होम्साका डा ईनीमा वा-ल्वाकगोलामका ईनीमा लागि माम्चुनीलाम-जेपा कोड मुचु थुमी।’ (व्य १८:१५,१८) ३८ ज्याङगो-ज्याङगोडा ईकी डाउ-खुउ इस्राएलीमिम कोदेप दुम्मिडिम बाईडा। मेकोतिलो ओराम मोशानुडडा सीनै पोचडडला पाहीचो जेम्डिम बाईडा। गुईलाई ग्वामु लागि त्वारोम ग्वाक्पा सीजेम गुका डा मेसिन्डा ल्वास्तुम बाईडा। ३९ लावो ईकी डाउ-खुउमिमका मोशाका ज्वाक्ताम ल्वा मेथोमिवा। मेर्मिमका गुलाई डिसाका मिश्र नेब्दीथो डा र्लोम्सिम न बेम्डी। ४० मेकोतिमा मेर्मिमका मोशाकु वा हारूनलाई आरे बेम्डी, ‘गुकुलाई क्रिपा कोडनिम देउतामिम बनेबेसाट्की, हेडालोने गुकुलाई मिश्र नेब्दीयुम र्लुक्खेटपा मे मोशा हे दुस्ता ज्वाक्पा गुकु चक्तोकोम मिबु।’ ४१ मेकोतिमा मेराम थारीका मेर्मिमका कोड बाछाकु डाली बनेबेम्डी। मेरामडला सासेसाका उनी त्वाकु ल्वाका बेम्डिम खारीडा मेर्मिम छोम गेर्सिद्वाम्डी। ४२ मेम्मिमका माम्चुनी मेर्मिमकु कोथोलाम बम्डी, मा मेर्मिमलाई धामुलाम सोरलुडमिमकु सोरलोले बेपा दुम्बोटेमडी। माम्चुनीलाम-जेपामिमकु किताबडा आरेप्पाम ज्याक्मा बु, ‘ए इस्राएलडाम मुचुनी, हाम बल-धुम(४०) थसम्म ज्याङगो-ज्याङगोडा गानी हादी-बारामिम आमा नडडा सासेट्नीमा ग्वाडिडनी? ४३ गानी मोलोख देउताकु सोरनेम नुड रेफन देउताकु सोरलुड, मा सोरलोले बोमु लागि बनेन्निम देउताकु डालीमिम कुखेटनी। मेम्मिमका गो गानीलाई बेबिलोनडाम वो होनोवा खानसोनिनी।’ (आमोस ५:२५-२७, लेवी १८:२१) ४४ ज्याङगो-ज्याङगोडा ईकी डाउ-खुउमिमनुड माम्चुनी

रेम्बेसिक्पा बाखोप बाईडा। ओराम मोशालाई माम्चुनीका रेम्बेटिमडीमा बेबेटिमडिम होम्साका डा मोशाका बनेबुडुम बाईडा। ४५ चड्डा ईकी डाउ-खुउमिमका मे माम्चुनी रेम्बेसिक्पा बाखोप उनी बेब-पापलामिका रम्डी। मेर्मिम यहोश नुड लम्डिलो मेराम कुर्मिडीमा लम्डिम बाईडा। मेम्मा माम्चुनीका वाडसामामिमलाई मेर्मिमडाम डादोडा खान्सीम्डिमी। गुमीका ग्वाम्डिम नेब्दीडा मेर्मिम लम्डीलो वो मे माम्चुनी रेम्बेसिक्पा बाखोप मेर्मिमनुड बाईडा। मेकोतिमा दाऊदकु साम बाईडामसम्म माम्चुनी रेम्बेसिक्पा बाखोप मेसिन्डा बाईडाम बाईडा। ४६ दाऊदकाडा माम्चुनीकु दिदाम बाईडा, मा गुका याकूबकु माम्चुनीकाम लागि कोले सोरनेम बनेबोम गुमीनुड ल्वा बुडु। ४७ लावो माम्चुनीकाम लागि सोरनेम ने सोलोमनका बनेबुडु। ४८ मेम लावो ल्वाका बनेम्मा सोरनेममिमबाडे पाहीलाम माम्चुनी मेबुमी, माम्चुनीलाम-जेपाका आरेसाका ज्वाक्ताम बुः ४९ “पाही आमा गन्खोप मा सुबु आमा खेल जुल्खोप बु, आमा लागि गानी जोपा बाखोप बनेबोम चाम्नी मा? गानी आमा लागि डेसिखोप बनेबोम चाम्नी मा? ५० ओर्मिम खोत्ले गो आमा त्वाकु ल्वाका डा प्रडतोमिम मेएँ मा?” (यशैया ६६:१-२) ५१ ए लुम्लामेबेडिचोनी, लुड होप्पाम न-गो नुड नोफलाका मेथोपानी, गानी हेल्लो लावो माम्चुनी-पेलकु कोर्थोलाम येम्सिनी। ईनीमा डाउ-खुउमिमका हाम बेम्डी, गानी वो मेम डा बोनी। ५२ ईनीमा डाउ-खुउमिमका दुखा मेग्वाम्वाम माम्चुनीलाम-जेपा सु बुमी मा? *माम्चुनीकु नडका साट्मा

मेराम उनी डुल्चो रोकतोडा बोमी ज्वाक्साका सेला थोबेट्पा माम्चुनीलाम-जेपामिमलाई वो मेर्मिमका सेटिमडी। गानी ने माम्चुनीकु डुल्चोको कोर्थोलाम बक्नीमा सेट्नी। ५३ पाहीचोमिमका गानीलाई माम्चुनीकु डुम्ला ग्वानीमी, मेम लावो गानी मेराम होम्साका मेबेनिवा।”

स्तिफनस लुडका याम्डीमा सेटिमडिम

५४ मेर्मिमका ओराम ल्वा थोम्डी, मा छोम उनी छोकचो बक्ता, मा छोकचोका उनी लि खेन्मु चोम्मिडी। ५५ लावो स्तिफनस ने माम्चुनी-पेलका लुन्स्तामा पाहीथो किकिर्या रेण्डु। मेकोतिमा गुका माम्चुनीकु युम-भवाक्सी नुड माम्चुनीकु जोपलाम येम्तासिटिमडिम येशूलाई ल्वास्तु। ५६ मेकोतिमा गुका ज्वाक्ता, “रेप्नी, पाही हवासिट्पा मा *मिनीचो *माम्चुनीकु जोपलाम येम्तासिन्मीमिम गो ल्वाउ।” ५७ मेकोतिलोडा मेर्मिम छोम डोकपु लोलामका येम्डीमा खोत्लेका उनी नोफला ड्याम्डी, मा स्तिफनसलाई चोघुप्मिडी। ५८ मेर्मिमका स्तिफनसलाई शहरलामका पाखा र्लुम्डी, मा गुलाई सेन्मु लागि लुडका ओम्मु चोम्मिडी। मेकोतिमा स्तिफनसकु कोर्थोलाम लिमा थेट्पामिमका उनी हुम-येमिम शाऊल नडकाम कोले स्वालाकु खेलफार्डा जुल्मिडी। ५९ मेर्मिमका स्तिफनसलाई लुडका ओप्मिडिम बाम्डीलो डा स्तिफनसका सोम्दी बुडु, “डाचो येशू, गो गानीनुड दुम्डुनु।” ६० मेकोतिलो डा गुका ऋचुखुम बुल्याड्डुमा डोकपु लोलामका येस्ता, “येशू, ओर्मिमका हाम बेम्डी, मेरामकु देन्दे मेग्वाक्निमी।” आकोति ज्वाक्तामा ऊ साम लस्ता।

१७:५२ *येशू स्त्रीष्ट

१७:५६ *मिनीचो ज्वाक्सा: खोत्ले मुचुकाम लागि सेल्पा दुम्मु माम्चुनीका गुमीलाई थुटिमडिम बु ज्वाक्पा रेम्बोम येशूका उनी त्वापलाई डा ज्वाम्डिम नड(दानिएल ७:१३-१४)। *माम्चुनीकु जोपलाम येम्सिम ज्वाक्सा: माम्चुनीका येशूलाई डोकपु मिम्मीडीमा साखाम थोम ग्वाम्डिम ज्वाक्पा थिसिथेन्थाल्मिडी।

शाऊलका थोरलुपामिमलाई दुखा ग्वाक्तुमिम

८ मुचुमिमका स्तिफनसलाई
आरसाका लुङका ओम्मुमा सेन्मु
शाऊल वो बिस्ताम बाईडा। मेनेम
आथाम डा यरूशलेमडाम मण्डलीडा
छोम डोकपु दुखा दुम्मु चोम्डु। मेकोतिमा
थुर्मामिमडाम वाडामिम थोरलुपामिम
खोत्लेडा स्वाम्डी, मा यहदिया नुङ
सामरियाथो फोन्सिम्डी।^१ माम्चुनीकु
सोरलोले बेपामिमका स्तिफनसलाई
लम्डीमा क्लुमिमिडी, मा उमा दुथाम
छोम ख्राम्पिडी।^२ शाऊलका ने उनी
नेम-नेमडा लस्तामा मण्डलीमिमलाई
पुयु लुमु माल्लुमिम बाईडा। गुका
वोस्चो-मेसेमिमिमलाई थुत्तो लडुमीमा
भयालखानाडा चक्थाल्लुमी।

सामरियाडा फिलिपका जोपा-सेला थोबेड्डुमिम

^४ यरूशलेमलामका फोन्सिक्पामा
लक्पा थोरलुपामिम खोत्लेथो
लम्डी, मा येशूकु दुथाम जोपा-सेला
थोबेन्मु चोम्मिडी।^५ फिलिप ने धालु
सामरिया शहरयु योक्ता, मा मेसिन्डाम
मुचुमिमलाई ख्रीष्टकु दुथाम जोपा-सेला
थोबेड्डुमी।^६ फिलिपकु ल्वा थोम्डी,
मा हेल्लो वो मेल्वामिवाम खारी गुका
बुडुम ल्वाम्डीमा सेर्पा मुचुमिमका
गुका ज्वाक्ताम ल्वा जोहोम न-गो
सोक्साका थोम्डी।^७ हेडालोने सेर्पा
मुचुमिमलामका मुनाड-पेलमिम छोम
डोकपु लोलामका येत्तो लुम्डी, मा उनी
ल्वा-खेल सोक्पामिम हापा डा सम्डी।
मेकोतिमा उनी खेल ब्लेट्पामिम वो
सम्डी।^८ मेम्मिमका मेसिन्डाम मुचुमिम
छोम गेर्सिद्वाम्डी।

जादु रेम्बेपा सिमोनका येशूडा थोर बुडुम

^९ मेराम शहरडा सिमोन ज्वाक्मा
कोले मुचु बाईडा। मेरामका डादो
आथाम डा सामरियाडाम मुचुमिमलाई
ऊ जादुका डाडाया बुडुमिम बाईडा।
मेरामका ऊ त्वापलाई छोम डोकपु
ज्वाक्थाल्ला।^{१०} मेराम मुचुलाई डोकपु-
याक्के खोत्लेका “ओराम मुचुनुङ ‘छोम
डोकपु युम’ ज्वाक्मिम माम्चुनीकु युम
बु” ज्वाक्पा मिम्थाल्मिडी।^{११} मेरामका
ज्वाक्ताम मेर्मिमका थोम्थाल्मिडी,
हेडालोने हापा डादो आथाम डा मेरामका
ऊ जादुलामका मुचुमिमलाई डाडाया
बुडुमिम बाईडा।^{१२} लावो फिलिपका
मेर्मिमलाई माम्चुनीकु-किब्दीकु दुथाम
नुङ येशू ख्रीष्टकु नडकु दुथाम जोपा-
सेला थोबेड्डुमी, उमा ल्वा थोम्डीमा
वोस्चो-मेसेमिमिमका येशूडा थोरलुम्डीमा
कु-रुदुम रम्डी।^{१३} सिमोनका वो
थोरबुडुमा कु-रुदुम रड्डु। मेकोतिमा गु
हेल्लो लोवा फिलिपनुङ लाम्डीथाल्ला।
फिलिपका बुडुम युमखारीमिम नुङ
हेल्लो वो मेल्वासुवाम खारीमिम
ल्वास्तुमा डाडाया दुस्थाल्ला।
^{१४} सामरियाडाम मुचुमिमका माम्चुनीकु
सीजेमडा थोरलुम्डी ज्वाक्पा थोम्डीमा
यरूशलेमडा बाट्पा थुर्मामिमका पत्रुस
नुङ यहन्ना मेर्मिमकाडा थुर्मिडीची।
^{१५} मेर्चिप मेसिन्डा योक्चीमा मेर्मिमका
माम्चुनी-पेल ल्वामीनु ज्वाक्साका
मेर्मिमकाम लागि सोम्दी बेसाट्चिमी।
^{१६} मेर्मिमका येशू ख्रीष्टकु नडडा कु-रुदुम
रम्डिम बाईडा, लावो मेर्मिम सुकाडा
वो माम्चुनी-पेल योम्डिम मेबायावा।
^{१७} पत्रुस नुङ यहन्नाका मेर्मिमडला
उची ल्वा जुल्ची, मा मेर्मिमडला
माम्चुनी-पेल योम्डी।^{१८} थुर्माचिपका
थोरलुपामिमडला उची ल्वा जुल्चीलो
मेर्मिमडला माम्चुनी-पेल योम्डिम
ल्वास्तुमा सिमोनका मेर्चिपलाई खउलुङ

ग्वाक्तु, १९ मा ज्वाक्ता, “ओराम युम गोलाई वो ग्वाङ्ची, मा गो उहेमडला ल्वा जुलुलो मेरामका माम्चुनी-पेल ल्वास्नु।” २० लावो पत्रुसका मेरामनुड ज्वाक्ता, “गाना नुड ईमा खउलुड निफी डा पुयु लुची। हेडालोने माम्चुनीकु ज्वाब्लावा खउलुडडा ब्रेमु ल्वासी ज्वाक्पा मिम्ना। २१ ओराम खारीलामका गाना गुकुलाम हाम वो मेल्वाना, हेडालोने माम्चुनीकु डादोडा ईमा न-गो जोपा मिबु। २२ ईमा मेजोपा न-गोलामका र्लोसा मा माम्चुनीडा सोम्दी बे। गाना मिम्नाम मेजोपा ल्वा गुमीका हेम्सानामी डे। २३ गाना नाचुर नुड मेजोपा ल्वामिम ईमा नगोडा कुथानामिम गो ल्वाउ।” २४ मेकोतिमा सिमोनका पत्रुस, यूहन्नानुड ज्वाक्ता, “आमा लागि माम्चुनीडा सोम्दी बेडसाङ्नी, गानी ज्वाक्निम ल्वा उहेम वो गोडला मेरोनु।” २५ येशूका बेम्डिम खारी पत्रुस नुड यूहन्नाका ल्वाच्चिमकु दुथाम नुड येशूकु दुथामिममि सीजेम मे मुचुमिमनुड दोच्ची। मेकोतिमा सामरियाडाम देलबाडे लक्ची, मा मेसिन्डाम मुचुमिमलाई जोपा-सेला थोबेतो मेर्चिप यरूशलेमथो र्लोसिक्ची।

इथियोपियाडाम डोकुपु मुचुका येशूडा थोर बुडुम

२६ मेकोतिमा कोड पाह्नीचोका फिलिपनुड ज्वाक्ता, “बकामा दक्षिणथो लक्सामा यरूशलेमलामका गाजाथो लक्पा ज्याङगो-ज्याङगोडाम लाम्दी लक्सा।” २७ मेकोतिमा फिलिप बक्तामा लस्ता, मा कोले इथियोपियाडाम नपुंसकनुड घ्रोम्ची। मेराम मुचु इथियोपिया नेब्दीडाम मेसेम हप कन्दाकीकु डोकुपु साखामचोनुड खोत्ले ऊ खाप्ची रेप्साक्पा मुचु बाईडा। गु यरूशलेमडा माम्चुनीकु सोरलोलो बेण्डा लस्ताम बाईडा, २८ मा गु

र्लोसिक्तोडा लेड्डु, मा ऊ रथडला गन्तासिड्डामा माम्चुनीलाम-जेपा यशैयाका ज्याक्तुम किताब डात्तोडा लेड्डुम बाईडा। २९ मेकोतिमा माम्चुनी-पेलका फिलिपनुड ज्वाम्डी, “लक्सामा मेराम रथडलाम मुचुलाई क्रोम्डा।” ३० फिलिप मेरामकाडा ओन्तो लस्ता, मा मेराम मुचुका यशैयाका ज्याक्तुम किताबलाम डात्तोडा लेड्डुम फिलिपका थोस्तु, मा मेरामनुड हिलाबुडु, “गानी डात्तोडा लेनीमिम सीजेम थोसिथेनी?” ३१ गुका ज्वाक्ता, “कोडनिमका गोलाई मेसीथुम ने ओराम गो हेसाका थोसिथेट्पु मा?” मेकोतिमा गुका फिलिपलाई ऊ त्वापनुड गन्मु रथडला येड्डु। ३२ मेरामका डात्तोडा लेड्डुम माम्चुनीकु सीजेम ओराम बाईडा, “गुमी फल्डा लक्पा भेन्दाकु चो होप्पाडा बाम्डी, ऊ बोलुड खुरीलो लिबा बाट्पा भेन्दा होप्पाडा गुमी को सि वो मेजेमीवा। ३३ गुमीलाई छोम नाप्छुटिमडिलो उनीमा लागि जोपा निया वो मंदुप्सावा। आथा ने उनी चो-चुसुकु दुथाम सुका सोयु मा? हेडालोने मेर्मिमका सुबुडा उनीमा साम फ्याम्साम्डी।” ३४ मेकोतिमा मे *नपुंसकका फिलिपनुड हिलाबुडु “माम्चुनीलाम-जेपाका ओराम ल्वा सुकु दुथाम ज्वाक्ताम ऊ त्वाकु दुथाम डे वाडमिमकु दुथाम डे गोनुड सोनीका।” ३५ फिलिपका ओराम माम्चुनीकु सीजेमलामका डा मेरामलाई येशू ख्रीष्टकु दुथामिममि जोपा-सेला थोबेन्मु चोम्डु। ३६ मेर्चिप लाम्दीडा लक्तोडा बेच्चिलो कु बाट्पाडा रोक्फाट्ची। मेकोतिमा मे नपुंसकका ज्वाक्ता, “रेप्नी, आसिन्डा कु बु रेछा। गोलाई कु-रुदुम रमु सुका भोम्मु चाम्डी मा?” ३७ [फिलिपका मेरामनुड ज्वाक्ता, “ईनी न-गोलामका डा थोरलुनी माला गानी कु-रुदुम रमु चाम्नी।” मेरामका ज्वाक्ता,

†८:३४ *नपुंसक :खसी बेम्मा मुचु

“आच्छाडा येशू ख्रीष्ट डा माम्चुनीकु चो ज्वाक्साका गो थोर बेउ।”^{३८} मेकोतिमा मे नपुंसकका रथ थोपालाई डेसिबेबेडु, मा फिलिप नुड मे नपुंसक निफिडा कु बाट्पायु लक्वी, मा मेरामका नपुंसकलाई कु-रुदुम ग्वाक्तु।^{३९} मेर्चिप कुलामका पाखाडा लुक्गेच्ची, मा कोचोत्ति माम्चुनी-पेलका फिलिपलाई वाडथो डा लम्डी, मा मेरामका आथा ने फिलिपलाई मेल्वासुवा, मा मे नपुंसक गेर्सिदवाक्तो ऊ नेम र्लोस्ता।^{४०} लावो फिलिप ने अशदोद ज्वाक्मा शहरडा रोकफाडडा। मेम्मा कैसरिया मेरोक्थिट्थुम खोत्ले शहरडा येशूकु दुथाममिम जोपा-सेला थोबेत्तो लस्ता।

शाऊलका येशूडा थोरबुडुम

मेराम थारीसम्म वो शाऊलका येशूकु सीसिपामिमलाई सेनिनी ज्वाक्पा डिमसात्तो लाम्दीथाल्ला। मेकोतिमा गु डोकपु डाउ डुम्लाचोकाडा लस्ता,^२ मा येशूडा थोरलुपामिम वोस्चो-मेसेम उहेम डार्सुमी, मेमिम खोत्लेलाई चुम्मुमा यरूशलेमडा रेन्मु ल्वाउनु ज्वाक्साका दमस्कस शहरडाम घ्रोम्दीनेममिमलाई चिट्ठी ज्यालासोसिड्डा।^३ शाऊल दमस्कस शहरथो लक्तोडा बुडु, मा शहरफार्डा रोक्थिट्ठालो कोचोत्ति धामुलामका बुबुयाम ओल ऊ होनोला-आथोलाम भ्वाक्ता।^४ गु क्वायु भ्वाक्ता, मा आरे ज्वाक्पा लोलाम थोस्तु, “शाऊल, शाऊल, गाना हेडा आमा थोम तेर्नामिम?”^५ शाऊलका ज्वाक्ता, “गानी सु, डाचो?” मेकोतिमा गुमीका ज्वाम्डी, “गो येशू, गाना आमा थोम तेर्तोडा बोना।^६ बका, मा शहरगोनो लक्सा। गाना हाम बोमु बासी, मेराम कोलेका सीना।”^७ शाऊलनुड लक्पा मुचुमिम उनी सि मेजेपा होड्डा डाडायया येम्तासिट्मडिम बाम्डी। हेडालोने मेर्मिमका मेराम लोलाम थोम्डी, लावो

सु वो मेल्वामीवा।^८ शाऊल क्वायुम बक्ता, मा ऊ मिक्सी ह्वाक्तुलो हाम वो मेल्वासुवा। मेम्मिमका शाऊलनुड लक्पा मुचुमिमका ऊ ल्वाड्डा भेट्मिडीमा दमस्कस शहरडा रेट्मिडी।^९ मेकोतिमा गु सुलेमसम्म मेल्वापा दुस्ता, मा हाम वो मेपुवा मेडुडुवा।^{१०} मे दमस्कसडा हननिया ज्वाक्मा कोले सीसिपा बाईडा। डाचोका गुनुड मिक्सीलामडा ज्वाम्डी, “ए हननिया” मेकोतिमा गुका ज्वाक्ता, “हाम ज्वानी, डाचो।”^{११} डाचोका हननियानुड ज्वाम्डी, “बका, मा ‘सीधा’ ज्वाक्मा लाम्दीथो लक्सा। मेसिन्डा यहूदाकु नेड्डा टार्सस शहरलाम रोकपा शाऊललाई माला। मेसिन्डा गुका सोम्दी बुहोम बु।^{१२} हननिया ज्वाक्मा मुचुका मेरामडला ल्वा जुल्लुमा मिक्सीका ल्वासुनु ज्वाक्साका सोम्दी बुडुम मेरामका मिक्सीलामडा ल्वास्तुम बु।”^{१३} लावो हननियाका ज्वाक्ता, “डाचो, मेराम मुचुका यरूशलेमडाम ईनीमा थोरलुपामिमकाम छोम उनी थोम तेर्साड्डुमिम ल्वा गो हापा मुचुमिमलामका थोउतोम बु।^{१४} आसिन्डा वो ओरामका ईनीमा नड रपा खोत्लेलाई बन्मु साखाम डाउ डुम्लाचोमिमलाम ल्वास्तुम बु।”^{१५} मे डाचोका हननियानुड ज्वाम्डी, “मेरामकाडा लक्सा, हेडालोने वाडसामामिम, मा मेर्मिमकु हपमिम, मा इस्राएलीमिमगोडा आमा नडकु दुथाम सोपा मुचु गो मेरामलाई छेतोम बु।^{१६} आमा नडकाम लागि मेरामका हाडको दुखा इर्मुबासी, मे गो मेरामलाई रेम्बेट्पु।”^{१७} मेकोतिमा हननिया लस्तामा शाऊल बाट्पा नेमगोनो हुड्डा। हननियाका ऊ ल्वा शाऊलडला जुल्तो ज्वाक्ता, “ल्वाक शाऊल, गाना ईमा मिक्सीका ल्वानानु, मा माम्चुनी-पेलका लुन्सिनानु ज्वाक्साका गानानुड मे लाम्दीडा रेम्बेसिक्पा येशूका गोलाई

थुर्डिडिमि बु।” १८ मेकोतिलोडा शाऊलकु मिक्सीलामका होक्सुलुम होप्पाम आल्ल्याम्डी, मा ऊ मिक्सीका ल्वास्तु। मेकोतिमा बक्तामा शाऊलका कु-रुदुम रडडु। १९ मेम्मा जाम पुडुमा ऊ सा बडडु।

शाऊलका दमस्कसडा सीजेम दोस्तुम

शाऊल दमस्कसडा थोरलुपामिमनुड कोलेम नलेम बाईडा। २० मेम्मा शाऊल घ्रोम्दीनेमिमबाडे लस्तामा येशू डा माम्चुनीकु चो ज्वाक्साका सीमु चोम्डुमी। २१ शाऊलकु सीजेम थोपामिम डाडाया दुम्मिडीमा ज्वाम्डी, “यरूशलेमडा येशूकु नड रपा मुचुमिमलाई सेन्मु माल्पा मुचु ओराम डा मेएँ डे? मा आसिन्डा वो मेर्मिमलाई बसाका डोक्पु डुम्लाचोमिमकाडा लमु लागि रोक्ताम नै मेएँ?” २२ लावो शाऊल युमचो दुम्तो लस्ता, मा येशू डा ख्रीष्ट ज्वाक्पा आच्छाडा रेम्बुडुमा दमस्कसडाम यहूदीमिमलाई हाम ज्वामु-ज्वामु दुम्बेडुडुमी। २३ मेरामकु हापा चडडा यहूदीमिमका शाऊललाई सेन्मु ज्वाक्पा मुलु बेम्डी। २४ लावो मेर्मिमका सेन्मु मुलु बेम्डिम ल्वा शाऊलका थोस्तु। मेर्मिमका शाऊल सेन्मु नेम्फु-सिन्था शहरगोनो हखोप लाम्चोकोडा चोपा बेम्थाल्मिडी। २५ लावो ऊ सीसिपामिमका शाऊललाई सिन्था डा तोफ्रिमडा जुल्साका शहर खिर्मा ब्रोळुडलामका पाखायु र्लुम्डी। २६ शाऊल यरूशलेमडा रोक्तामा मेसिन्डाम सीसिपामिमनुड डोल्लिसमु न बुडु, लावो गु आच्छाडा सीसिपा ज्वाक्साका थोर मेलुमिवामका मेर्मिम खोत्लेडा छोम डिम्डी। २७ लावो बारनाबासका शाऊललाई रेडडुमा थुर्मांमिमकाडा रोक्ता। मेकोतिमा शाऊल दमस्कसथो लाम्दीत्तोडा लेडडुलो हेसाका मिप्रडमा ल्वास्तुम बाईडा, मा मिप्रडमाका शाऊललाई

हाम ज्वाम्डिम बाईडा, मा गुका दमस्कसडा येशूकु दुथाममिम सीजेम हेसाका मेडिसाका डा दोस्तुम बाईडा, मेर्मिम खोत्ले बारनाबासका मेर्मिमनुड सोयुडु। २८ मेकोतिमा शाऊल मेर्मिमनुड यरूशलेमडा कोयो-कोयोडा बान्तेमेनो लाम्दीमु चोम्डु, मा मेडिसाका डा येशूकु दुथाममिम सीजेम थोबेन्मुमी चोम्डु। २९ शाऊलका ग्रीक ल्वा जेपा यहूदीमिमलाई वो ल्वालामका खाल्थाल्लुमी। मेम्मिमका मेर्मिमका गुलाई सेन्मु माल्थाल्मिडी। ३० ओराम चम्डीमा थोरलुपामिमका शाऊललाई कैसरियाडा रेट्मडी, मा गुलाई मेलामका टार्सस शहरडा थुर्सोम्डी। ३१ मेकोतिमा यहूदिया, गालील, सामारियाडाम खोत्ले मण्डलीडाम मुचुमिम उनी न ब्रसिक्तो बाम्डी। मेर्मिमका माम्चुनीकु डिम जुल्मिडी, मा माम्चुनी-पेललामका उनी सा हन्डामा बर्तो लम्डी।

पत्रुसका एनियासलाई सबेडुडुम

३२ पत्रुस खोत्लेथो खिर्सिक्तो लुड्डाडाम थोरलुपामिमकाडा वो रोक्फाड्डा। ३३ मेसिन्डा गुका एनियास ज्वाक्मा कोले मुचु डास्तु। गु लेत्ले(८) थ आथाम ऊ ल्वा-खेल सोक्पा सोमोरीका प्लानडा भाल्याक्पा बाईडा। ३४ पत्रुसका मेरामनुड ज्वाक्ता, “ए एनियास, येशू ख्रीष्टका गानालाई सबेनामी। बका, मा ईमा प्लान फका।” मेकोतिलोडा मेराम हुबक्ता। ३५ मेकोतिमा लुड्डा नुड शारोनडाम खोत्ले मुचुमिमका एनियास सस्ताम ल्वाम्डीमा येशूडा थोरलुम्डी।

पत्रुसका सिपा तबीतालाई फक्तुम

३६ योप्पा शहरडा येशूडा थोरलुपा तबीता नडकाम कोले मेसेम बाईडा। (ग्रीक ल्वाडा मेरामलाई डोरकास ज्वाम्थाल्मिडी-मेराम ज्वाक्मा दोर)। तबीताका हेल्लो लोवो जोपा

खारी बुथाल्लु, मा उनी हाम वो मेबाट्पामिमलाई र्ल्लोयुथाल्लुमी।
 ३७ पत्रुस लुड्डाडा बाईडाम थारीका तबीता नोडामा सिडा। मेकोतिमा मुचुमिमका सिपा ऊ रोम वलुम्मु लागि सोल्मिडीमा नेमडलाम कोले बाखोपडा जुल्मिडी। ३८ लुड्डा योप्पाकु फार्डा डा बेडुमिमका पत्रुस मेसिडा बु ए ज्वाक्पा थोरलुपामिमका थोम्डी। मेम्मा मेर्मिमका नले मुचुलाई आरे बेम्डीमा पत्रुसकाडा थुर्मिडी, “दाला डा आकीमाडा रोकनी।” ३९ पत्रुस बक्तामा मेर्चिपनुड लस्ता। पत्रुस योप्पाडा रोकफाड्डामा मुचुमिमका गुलाई नेमडलाम बाखोपडला लम्डी। खोत्ले उनी वोचुसिपा मेसेममिम ने तबीता मेर्मिम खोत्लेनुड बाईडालो बनेबुडुम हुम-ये नुड वाडमी ये रेम्बेतो पत्रुसलाई उर्मिडीमा खाप्मिडी। ४० मेर्मिम खोत्लेलाई पाखानो र्ल्लुकतुमीमा पत्रुसका ऋचुखुम बुडु, मा सोम्डी बुडु। मेकोतिमा मे सिपा रोमथो र्ल्लोसिड्डामा ज्वाक्ता, “तबीता, बका!” मा तबीताका ऊ मिक्सी ह्वाक्तु। मेम्मा मेरामका पत्रुसलाई ल्वास्तुमा बक्तामा गन्डा। ४१ पत्रुसका तबीता ऊ ल्वाड्डा भेड्डुमा हुफक्तु। मेकोतिमा थोरलुपामिम नुड उनी वोचुसिपा मेसेममिमलाई येड्डुमीमा तबीता नुपाडा रेम्बेड्डुमी। ४२ ओराम ल्वा योप्पाडा खोत्लेथो फोन्सिड्डा, मा मुचुमिम हापाका येशूडा थोर लुम्डी। ४३ मेकोतिमा योप्पाडा कोक्तेकु खारी बेपा सिमोन ज्वाक्मा कोड मुचुकाडा पत्रुस हापा डा बाईडा।

कर्नेलियसका मिक्सीलाम ल्वास्तुम

१० कैसरिया शहरडा कर्नेलियस नडकाम कोले मुचु बाईडा। गु इटालिया ज्वाक्मा पल्टनडाम कोड कप्तान बाईडा। १ कर्नेलियस माम्चुनीकु सोरलोले बेपा मुचु बाईडा। गु नुड ऊ नेण्डाममिम खोत्लेका माम्चुनीकु डिम

जुल्थाल्मिडी। गुका उनी हाम वो मेबाट्पा मुचुमिमलाई छोम खाप्ची ग्वाक्साका हेल्लो लोवो माम्चुनीडा सोम्डी बुथाल्लु। २ कोलेम नेम्फुम सुक जेस्ताम बिली कर्नेलियसका मिक्सीलामडा माम्चुनीकु पाहीचो ऊ त्वापथो योक्तोडा बेपा, मा मे पाहीचोका गुलाई “कर्नेलियस” ज्वाक्तामा डाड्डुम जोहोमका थोस्तु। ४ कर्नेलियसका पाहीचोथो रेण्डुम-रेण्डुम डा बुडु। गु छोम डिस्तामा ज्वाक्ता, “गानो हाम ज्वामु माल्नी डाचो?” पाहीचोका ज्वाक्ता, “माम्चुनीका ईमा सोम्डी थोम्डिम बु। गाना उनी हाम वो मेबाट्पा मुचुमिमलाई खाप्ची ग्वानामिम गुमीका ल्वाम्डिम बु, मा गुमीका गानालाई मिस्थानामीमिम बु। ५ आथा मुचुमिमलाई योप्पायु पत्रुस ज्वाक्मा सिमोन येड्डा थुरामी। ६ गु कोक्तेकु खारी बेपा सिमोनकाडा बु। मेराम सिमोनकु नेम दिरिदिनकु सोपडा बु।” ७ आकोति ज्वाक्तामा मे पाहीचो लस्ता। कर्नेलियसका नले ऊ डुल्चोचिप नुड माम्चुनीकु सोरलोले बेपा, मा हेल्लो लोवो ऊ त्वाकु चापे-डुपे बेपा कोले सिपाही येड्डु, ८ मा मेर्मिमनुड खोत्ले ल्वा सोयुडु। मेकोतिमा योप्पायु थुस्तुमी।

पत्रुसका मिक्सीलाम ल्वास्तुम

६ ऊ दिकाम को-न(१२) जेस्ताम बिली मेर्मिम मुचुमिम योप्पा फार्डा योक्तोडा बेम्डी। मेकोतिलो पत्रुस कौसीडला सोम्डी बेण्डा लस्ताम बाईडा। १० पत्रुस क्रुम सिडामा हाम-हुम पोमु न बुडु। जाम थिक्तोडा बुडुलो ऊ न ना थोम होप्पाम दुस्तामा मिक्सीलाम ल्वास्तु। ११ गुका पाही ह्वासिक्पा मा मेडलामका ब्ल सुरडा बन्थाट्मा प्लानबेखोप होप्पाम ये सुबुडा योक्तोडा बेपा ल्वास्तु। १२ मेरामगोडा सुबुडाम खोत्ले हादी-बारामिम, सुसिसाका लाम्दीपा फुचु-रोक्चुमिम नुड हुट्पा

सिकिवा-माङ्केवा बाम्डी। १३ मेकोतिमा कोड लोलामका पत्रुसनुड ज्वाक्ता, “पत्रुस बका, मा मेर्मिमलाई सेडामा पे।” १४ लावो पत्रुसका ज्वाक्ता, “मेएँ डाचो, हेडालोने गो हेल्लो वो *घाम्लुपा नुड *मेसेपा हाम वो पेउतोम मिबु।” १५ आथा वो मेराम लोलामका पत्रुसनुड ज्वाक्ता, “माम्चुनीका उहेमलाई सेपा बेम्डिम बु, मेराम गाना मेसेपा मेमिम्डा।” १६ सुकखेपसम्म अरेप्पाडा दुस्ता, मा मेराम प्लान बेखोप होप्पाम ये पाहीथो रूलोसिड्डा। १७ ऊ त्वाका ल्वास्तुम मिक्सीलामकु दुथाम हाम डे ज्वाक्तामा पत्रुस डाडाया दुस्ताम बाईडा। मेकोतिलो कर्नेलियसका थुर्दुम मुचुमिम सिमोनकु नेम माल्तो रोम्फाम्डी, मा लाम्चोको फार्डा येम्तासिम्डी। १८ मेकोतिमा मेर्मिमका “पत्रुस ज्वाक्ता सिमोन आसी बुमी?” ज्वाम्डीमा हिलाबेम्डी। १९ पत्रुसले दर्शनको बारेमा सोचिरहेको बेला पवित्र-आत्मा ले उसलाई भन्नुभयो, “हेर, तीन जना मानिसहरूले तिमीलाई खोज्दै छन। पत्रुसका मिक्सीलामकु दुथाम आथा वो मिम्डुम बाईडालो माम्चुनी-पेलका गुनुड ज्वाम्डी, “रेप्डा, सुले मुचुमिमका गानालाई माल्तोडा बोनामी। २० मेम्मिमका बका, मा ध्वायु लक्सामा ईमा नड्डा हाम वो मेर्मिसिक्साका मेर्मिमनुड लक्सा, हेडालोने मेर्मिमलाई गो थुर्तोमिम सो।” २१ मेकोतिमा पत्रुस ध्वायु योक्ता, मा मे मुचुमिमकाडा लस्तामा ज्वाक्ता, “रेप्नी, गानी माल्निमिम मुचु गो डा सो। गानी आसिन्डा हाम ज्वाप्डा रोन्फाटनी?” २२ मेर्मिमका ज्वाम्डी, “गुकु कप्तान कर्नेलियसका थुर्तिकिम बु। गुमी माम्चुनीकु मिक्सीलामडा जोपा खारी बेपा नुड माम्चुनीकु डिम

जुल्पा, मा खोत्ले यहूदीमिमका जोपा मिम्मिडिम कोड मुचु बुमी। ईनीमा सीजेम गुमीका थोमु माम्चुनीकु कोड पाहीचोका गानी कर्नेलियसकु नेडा येन्बेट्निमिम बु। २३ मेकोतिमा पत्रुसका मेर्मिमलाई मेराम नेम्था बुमु नेमगोनो येड्डुमी। ऊ दिकामनेम पत्रुस भोम्सिड्डामा मेर्मिमनुड लस्ता। योप्पाडाम कोले नले थोरलुपामिम वो पत्रुसनुड लम्डी।

कर्नेलियसकु नेप्डा पत्रुस लस्ताम

२४ ऊ नहाददामनेम मेर्मिम कैसरियाडा रोम्फाम्डी। मेसिन्डा कर्नेलियसका ऊ त्वाकु मुचुमिम नुड गुनुड छोम दुपा डोप्सोमिम येड्डुमीमा मेर्मिमलाई लथाड्डुमिम बाईडा। २५ पत्रुस मेगोडा रोक्तालो कर्नेलियसका क्रोम्डु, मा ऊ खेल चुम्साका सेव साड्डु। २६ लावो पत्रुसका गुलाई फक्तो ज्वाक्ता, “बक्नी! गो वो गानी होप्पाम मुचु डा सो।” २७ मेकोतिमा पत्रुस कर्नेलियसनुड ल्वा बेतो नेमगोनो लस्ता, मा मेसिन्डा सेर्पा मुचुमिम खोम्सिड्डिम गुका डार्डुमी। २८ पत्रुसका मेर्मिमनुड ज्वाक्ता, “वाडसामामिमनुड घोम्मु, बुमु गुकु यहूदीलाई दुम्लाका मेग्वाकी ज्वाक्ता ल्वा गानी खोत्लेका जोहोमका चनीमिम डा बु। लावो आथा उहेम मुचुलाई वो मेसेपा नुड घाम्लुपा मिम्सी मिनु ज्वाक्साका माम्चुनीका गोलाई रेम्बेट्डीरीमिम बु। २९ मेम्मिमका गानी येट्डीरीनीलो गो आमा नड्डा हाम वो मेर्मिसिक्साका रोड्डो। लु ज्वानी, हेडा येट्डीरीनिम?” ३० मेकोतिमा कर्नेलियसका ज्वाक्ता, “ब्ललेम डादो ओराम थारीकाडा नेम्फुम सुक जेस्ताम बिली नेप्डा गो सोम्दी बेउतोम बाड्डो। मेकोतिलो कोचोत्ति बुबुयाम ये फतासिट्पा कोड पाहीचो आमा डादोडा

११०:१४ *१२,१४ ओर्मिमगोडा यहूदी यहूदीमिमका पेसि नुपा मेनुपा(सेपा मेसेपा)सो बाम्डी। लेवी ११ अध्याय रेप्नी।

रेम्बेसिड्डा, ३१ मा ज्वाक्ता, 'कर्नेलियस, माम्चुनीका ईमा सोम्दी थोम्डिम बु, मा उनी हाम वो मेबाटपामिमलाई खाप्ची ग्वानामिम गुमीका मिम्मिडिम बु। ३२ मेम्मिका पत्रुस ज्वाक्ता सिमोनलाई येडडा योप्पायु मुचुमिमलाई थुरामी। गु दिरिदिनकु सोपडा कोक्तेकु खारीबेपा सिमोनकु नेप्डा बु।' ३३ मेकोतिमा दालाडा गो गानी येडडा मुचुमिम थुर्तोमी, मा आसिन्डा रोनिम छोम डा जोपा दुस्ताम बु। आथा माम्चुनीका गानीनुड ज्वाम्डिम खोत्ले सीजेम थोमु गुकु खोत्लेडा माम्चुनीकु डादोडा खोम्सिक्तकोम बु।"

पत्रुसका माम्चुनीकु सीजेम दोस्तुम

३४ मेकोतिमा पत्रुसका जेमु चोम्डु, "माम्चुनीका चोमिक्सी मेबोमी ज्वाक्पा आच्छाडा गो ल्वाउतो। ३५ मुचु उहेम सामाडाम डा लोवो माम्चुनीकु डिम जुल्पा, मा जोपा खारी बेपा मुचु डा माम्चुनीका द्वामी। ३६ गानी ओराम ल्वा चनीमिम डा बु, माम्चुनीका न ब्रसिबेट्पा जोपा-सेला सोपडा येशू ख्रीष्टलाई गुकु इस्राएलीमिमकाडा थुर्मीडी। गुमी डा खोत्ले मुचुमिमडला साखाम थोपा डाचो सो। ३७ यहन्नाका कु-रुदुमकु दुथाम जोपा-सेला दोस्तुम चडडा गालीललामका चोम्सिक्साका खोत्ले यहदियाडा हा-हाम दुस्ताम बाईडा, मेर्मिमकु दुथाम सोम्डिम सीजेम ओराम डा सो, ३८ माम्चुनीका नासरतडाम येशूलाई उनीमा पेल नुड युमका थुर्दिमडी। गुमी जोपा खारी बेतो नुड मुनाडका हूपामिमलामका मुनाड खलुकतो लाम्दीम्डी, हेडालोने माम्चुनी गुमीनुड बाम्डी। ३९ "येशूका यहदिया नुड यरुशलेमडा बेम्डिम खोत्ले खारी गुकु ल्वात्तोकोम बु। यहदीमिमका गुमीलाई क्रुसडा चेसाका सेर्दिमडी। ४० लावो सुलेमेनेम माम्चुनीका

येशूलाई सिमुलामका फम्डी। मेम्मा माम्चुनीका गुमीलाई मुचुमिमका रेम्बेम्डी। ४१ माम्चुनीका गुकुलाई डादोडा येशूकु दुथाम सोपा थुत्तिकिम बाईडा, मा येशू सिमुलाम बम्गोम्डिम चडडा गुमीनुड पेपा-डुपाका कोडडा येशूलाई ल्वात्तोको। लावो खोत्ले मुचुमिकाडा ने गुमी रेम्मेबेम्सिक्मिवा। ४२ मुचुमिमलाई जोपा-सेला थोबेन्मुमी, मा सिपा नुड नुपामिमकाम नियाबेपा माम्चुनीका थुर्दिमडिम मुचु येशू डा सो ज्वाक्साका सोमु गुमीका गुकुलाई ज्वाम्डिम बु। ४३ उहेमका येशूडा थोर बु, मेरामकु छुलमिम येशूकु नडका हेम्सिटमी ज्वाक्साका खोत्ले माम्चुनीलाम-जेपामिमका ज्वाम्डिम बु।" ४४ पत्रुसका ओर्मिम ल्वा जेतो बुडु होड्डा सीजेम थोपामिम खोत्लेडला माम्चुनी-पेल योम्डी। ४५ माम्चुनीका उनी पेलकु ज्वाब्लावा वाडसामामिमडला अम्डिमका पत्रुसनुड रोक्पा यहदी थोरलुपामिम छोम डा डाडया दुम्मिडी। ४६ हेडालोने वाडसामामिमका वाडसामा ल्वाडा माम्चुनीकु नड कोक्तोडा बेम्डिम मेर्मिमका थोम्डी। मेकोतिमा पत्रुसका ज्वाक्ता, ४७ "गुई होड्डा माम्चुनी-पेल रपा ओर्मिम मुचुलाई कु-रुदुम रमु सुका भोम्मु चोप्सु मा?" ४८ मेकोतिमा पत्रुसका कर्नेलियस नुड उमा नेप्डा बाट्पा मुचुमिमलाई येशू ख्रीष्टकु नडडा कु-रुदुम ग्वाबेड्डुमी। मेम्मा मे वाडसामामिमका पत्रुसलाई कोलेम-नलेम मेसिडा बुमु ज्वाम्डिम-ज्वाम्डिम डा बेम्डी।

पत्रुसका ऊ खारीकु दुथाम सोयुडुम

११ यहदियाडा बाट्पा थुर्मासिम नुड थोरलुपामिमका वाडसामामिमका वो माम्चुनीकु सीजेमडा थोर लुम्डी ज्वाक्पा थोम्डी। २ मेम्मा पत्रुस यरुशलेमडा

ख्लोसिडडामा रोक्तालो *खिरिरि-
क्रिप्सी बेपा यहदी थोरलुपामिम
गुनुड भुर्मिडी, ^{१३}मा ज्वाम्डी,
“गानी हेडा खिरिरि-क्रिप्सी मेबेपा
वाडसामामिमकाडा लनीमा मेर्मिमनुड
पेन्निम-डुन्निम?” ^४मेकोतिमा डादो
हाम दुस्ताम मेर्मिम पेन्तीका खोत्लेडा
पत्रुसका मेर्मिमनुड सोमु चोम्डु।
^५गुका ज्वाक्ता, “कोलेम योप्पाडा
सोम्दी बेउतोम बाडडोलो, आ
न ना थोम होप्पाम दुम्डोडो, मा
मिक्सीलाम ल्वाउतो। बल-सुरडा
बन्थाट्टमा प्लान बेखोप होप्पाम कोले
ये पाहीलामका आमाथो योक्तोडा
बुडु। ^६मेगोडा गो जोहोमका रेप्तोलो
खोत्ले हादी-बारामिम, सुसीसाका
लाम्दीपा फुचु-रोक्चुमिम नुड हुट्टपा
सिकिवा-माङ्केवा ल्वाउतोमी।
^७मेकोतिमा कोड लोलामका आरे
ज्वाक्ताम गो थोउतो, “पत्रुस बका,
मा मेर्मिमलाई सेडामा पे।” ^८लावो गो
ज्वाडडो, “मेएँ डाचो, गो हेल्लो वो
घ्रामलुपा नुड मेसेपा हाम वो पेउतोम
मिबु।” ^९आथा वो मेराम लोलामका
पाहीलामका ज्वाक्ता, “माम्चुनीका
उहेमलाई सेपा बेम्डिम बु, मेराम गाना
मेसेपा मेमिम्डा।” ^{१०}सुकखेपसम्म
मेमडा दुस्ता, मा मेर्मिम खोत्ले पाहीथो
डा ख्लोम्सिम्डी। ^{११}मेकोतिलोडा
कैसरियाडाम कर्नेलियसका थुर्स्तुम
गो माल्तो रोक्पा सुले मुचुमिम गो
बाडडोम नेम डादोडा रोम्फाम्डी।
^{१२}माम्चुनी-पेलका गोलाई ईमा नड्डा
हाम वो मेमुर्सिक्साका मेर्मिमनुड
लक्सा ज्वाम्डी। मेकोतिलो ओर्मिम
रुले थोरलुपामिम वो गोनुड डा लम्डी,
मा गुकु वाडसामा कर्नेलियसकु
नेप्डा हुत्तोको। ^{१३}कर्नेलियसका
गुकुनुड ज्वाक्ता, “कोड पाहीचो उमा

नेप्डा रेम्बेसिडडामा आरे ज्वाक्ताम
बाईडाम गुका थोस्तु “पत्रुस ज्वाक्ता
सिमोनलाई येड्डा मुचुमिम योप्पायु
थुरामी। ^{१४}गुका गानालाई ज्वामिम
सीजेममिमका गाना नुड खोत्ले
ईमा नेप्डाम मुचुमिम सेल्सिनी।”
^{१५}मेकोतिमा गो जेमु चोम्तोलो डादो
गुईडला योम्डिम होम्साका डा
मेर्मिमडला वो माम्चुनी-पेल योम्डी।
^{१६}मेकोतिमा डाचोका आरे ज्वाम्डिम
सीजेम आमा नडा रोक्ता, “यूहन्नाका
ने कु-रुदुम ग्वाक्तुमी, लावो गानी
माम्चुनी-पेल रुदुम ल्वानी।” ^{१७}डाचो
ख्रीष्ट येशूडा थोर लुईडीलो माम्चुनीका
गुईलाई उहेम उनी पेलकु ज्वाब्लावा
ग्वाक्साड्डामी, मेर्मिमलाई वो मेराम
डा उनी पेलकु ज्वाब्लावा ग्वाम्डिम,
मा माम्चुनीलाई भोम्मु चापा गो सु
मा? ^{१८}मे यहदी थोरलुपामिमका ओराम
थोम्डीमा फर्मु डिडिमडी। मेर्मिमका
आरे ज्वाक्ता माम्चुनीकाम नड कोम्डी,
“माम्चुनीका वाडसामामिमलाई वो
गुमीथो ख्लोसिक्पा, मा सेल्सिक्पा
जोपा थारी ग्वाम्डी रेछा।”

एन्टिओखिया मण्डली

^{१९}स्तिफनस सेट्टिमडिम चडडा
थोरलुपामिमलाई छोम दुखा
ग्वाम्डीमिमका थोरलुपामिम बान्तेमेनो
फोन्सिम्डी। मेकोतिलो मेर्मिमगोडाम
याड-याड हापा होनोवाम फोनिके,
साइप्रस टापु नुड एन्टिओखिया
शहरबाडे लम्डीमा यहदीमिमलाई
कोड्डा जोपा-सेला थोबेटिमडी।
^{२०}लावो मेर्मिम थोरलुपामिमगोडाम
याड-याड साइप्रस टापु नुड कुरेनी
शहरडाम बाम्डी। मेर्मिम एन्टिओखिया
शहरडा रोम्डीमा *ग्रीकमिमलाई वो
डाचो येशूकु दुथाममिम जोपा-सेला

^{११}१:२ *माम्चुनीकु मुचु ज्वाक्साका रेम्बेपा छेखोप । शब्दार्थ सूचीडा रेप्नी

थोबेटिमडी। †२१ मे थोरलुपामिमडला
 माम्चुनीकु युम बाईडा, मा मे
 वाडसामामिम हापाका डा थोर लुम्डीमा
 माम्चुनीथो रूलोमिमडी। २२ ओराम
 ल्वा यरूशलेमडाम मण्डलीका
 थोम्डी, मा मेर्मिमका बारनाबासलाई
 एन्टिओखिया शहरडा थुर्मिडी।
 २३ बारनाबास एन्टिओखिया शहरडा
 रोक्फाड्डालो मेसिन्डाम मुचुमिमलाई
 माम्चुनीका उनी दिदाम ग्वांमिम
 ल्वास्तुमा गु गेर्सिद्वाक्ता। गुका मेर्मिम
 खोत्लेलाई माम्चुनीडा न-गोलांमका डा
 थोरलुमुमबुमु उनी सो हन्बेसाड्डुमी।
 २४ बारनाबास कोड जोपा मुचु बाईडा।
 गु माम्चुनी-पेलका लुन्सिट्पा नुड
 डोक्पु थोरनुडमा मुचु बाईडा, मा
 गुका सेर्पा मुचुमिमलाई माम्चुनीडा
 रेड्डुमी। २५ मेकोतिमा शाऊललाई
 माल्मु लागि बारनाबास टार्सस शहरथो
 लस्ता। २६ बारनाबासका शाऊल
 डास्तुमा एन्टिओखिया शहरडा रेड्डु।
 मेकोतिमा बारनाबास नुड शाऊल मे
 एन्टिओखिया मण्डलीडाम मुचुमिमनुड
 को थसम्म घ्रोमिमडिम बांम्डी, मा
 छोम सेर्पा मुचुमिमलाई सीटिचमी।
 खोत्लेडाम डादो एन्टिओखिया
 शहरडा डा सीसिपामिमलाई
 *‘ख्रीष्टियन’ ज्वाम्डी। †२७ मेराम
 थारीका माम्चुनीलाम-जेपामिम कोले
 नले यरूशलेमलामका एन्टिओखिया
 शहरयु योम्डी। २८ मेर्मिमगोडाम कोले
 अगाबस ज्वाक्माका येम्स्तामा खोत्ले
 सुम्दिसेरडा डा मा-के हुमुथारीकु
 दुखा रो ज्वाक्साका माम्चुनी-पेललाम
 जस्ता। मे मा-के हुमुथारीकु दुखा रोमी
 हप *क्लौडियसका साखाम थोड्डुम

थारीका दुस्ता। †२६ एन्टिओखिया
 शहरडाम सीसिपामिम खोत्लेका
 यहूदियाडा बाट्पा थोरलुपामिमलाई
 ग्वांमु भापा खउलुड ग्वाक्साका
 रूलोमु मुलु बेम्डी। ३० आरेसाका
 फम्डिम खउलुड मेर्मिमका बारनाबास
 नुड शाऊलकु ल्वालामका यरूशलेम
 मण्डलीडाम डाचोमिमकाडा थुर्सोम्डी।

पत्रुस भ्यालखानडा

१२ ओराम थारी बिली *हेरोद
 अग्रिपा हपका मण्डलीडाम
 कोड कोड मुचुमिमलाई छोम दुखा
 ग्वांमु चोम्डुमी। †१ गुका यहून्नाकु वा
 याक्बलाई कातुरका सेन्बेड्डु। ३ ओराम
 खारीका यहूदीमिम गेर्सिमिम ल्वास्तु,
 मा हेरोदका *ख्वामल्यामुनेमकु चाडकाम
 सोबेम पोमु थारीका पत्रुसलाई चुम्डु।
 †४ हेरोदका पत्रुसलाई भ्यालखानडा
 चक्तुमा को-रुले(१६) सिपाहीमिमकाम
 ब्ल टोली बेनेबेसाका मेर्मिमलाई
 रेम्बेड्डुमी। ख्वामल्यामु चाड थारीकु
 चड्डा हेरोदका पत्रुसलाई यहूदीमिमकु
 डादोडा रेट्पामा हिलाहिसी बेपा न बुडुम
 बाईडा। ५ पत्रुस भ्यालखानडा चम्डीलो
 मण्डलीका उमा लागि माम्चुनीनुड छोम
 सोम्डी बेम्डिम बांम्डी।

माम्चुनीका पत्रुसलाई भ्यालखानलामका रूलुमिमडिम

६ हेरोदका पत्रुसलाई मुचुमिमकु
 डादोडा रेन्मुनेमकु डादोम नम्था पत्रुस
 नले सिपाहीचिपकु थेतेटा अम्ल्याक्पा
 बाईडा। गुलाई नले सेल रिवाका
 बन्थाट्मा बाईडा। नले सिपाहीचिपका
 भ्यालखानकु लाम्चोकोडा लथाक्चिम

†११:२० * वाडसामा

†११:२६ *ख्रीष्टकु डुल्चो/ख्रीष्टनुड लाम्दीपा मुचु।

†११:२८ * ईस्वी सम्वत् ४१-५४सम्म साखाम थोड्डुम बाईडा।

†१२:१ *हेरोद अग्रिपा: मत्ति २:१डाम डोक्पु हेरोदकु चुसु।

†१२:३ *लङ्खाम मान्थिम सोबेम पोमुकु चाड(प्रस्थान १२:१७-२०)।

बाईडा। ७ मेकोतिलोडा कोचोत्ति मिप्रडमाकु कोड पाहीचो मेसिन्डा रेम्बेसिड्डा, मा पत्रुस चसिड्डाम बाखोपडा ओल भवाक्ता। मेकोतिमा पाहीचोका पत्रुसलाई ऊ फेट-फेटडा याक्तु, मा “दाला बका” ज्वाक्तामा फक्तु। मेकोतिलोडा सेल रिवाचिप पत्रुसकु ल्वालामका ब्रोसिक्चीमा आल्ची। ८ मेकोतिमा पाहीचोका पत्रुसनुड ज्वाक्ता, “ईमा ये फसा, मा सोलोप बेसा।” मेकोतिमा गुका मेमडा बुडु। पाहीचोका गुनुड ज्वाक्ता, “ईमा हुम-ये फसामा गोनुड लाम्दीया।” ९ पाहीचोको चडचड लाम्दीडामा पत्रुस भयालखानलामका पाखा लुक्ता। लावो पाहीचोका बुडुम ओराम आच्छाडाकाम खारी ज्वाक्साका गुका मेचवा। पत्रुसका ने मिक्सीलाम डे ल्वाउहोमबुडु ज्वाक्पा मिम्डुम बाईडा। १० पाहीचो नुड पत्रुस नक टोली सिपाहीमिम बाखोप र्वाक्वलेच्चीमा शहरडाम डोकुपु सेलकु लाम्चोकोडा रोकफाट्ची। मेराम सेलकु लामचोको ऊ त्वाप डा होल्सिड्डामा मेर्चिप पाखानो लुक्ची। मेकोतिमा कोड लाम्दी र्वाक्विचम चडडा पत्रुसलाई डिड्जोल्लुमा पाहीचो लस्ल्याड्डा। ११ ऊ न छ्याड्स्तामा पत्रुसका ज्वाक्ता, “हेरोद हपकु ल्वाड्डाम नुड यहूदीमिमका हाम बोमु माल्मिडिम बाईडा, मेर्मिम खोत्लेडाम माम्चुनीका उनी पाहीचो थुर्साका गोलाई बोडिडमी-थार्डिडिमी ज्वाक्पा आच्छाडा ओम्लो गो चक्तो।” १२ ओेराम ल्वा पत्रुसका चडुमा गु मर्कूस ज्वाक्पा यूहन्नाकु माम मरियमकु नेण्डा लस्ता। मेसिन्डा हापा मुचुमिम खोम्सिन्डीमा सोम्दी बेत्तोडा लौट्मिडिम बाईडा। १३ पत्रुसका मुचु येन्मु लागि लाम्चोको ढकढक बुडु, मा रोदा ज्वाक्पा डुल्चोमे लाम्चोको होल्डा रोकता। १४ गुका पत्रुस

ऊ लोलामलामका डा छेड्डुमा छोम गेर्सिद्वाक्तो लाम्चोको मेहोल्साका डा ओन्तो नेमगोनो र्लोस्ता, मा “पत्रुस पाखानो येन्तासिट्पा बु” ज्वाक्तामा खोत्लेनुड सोयुडु। १५ मेर्मिमका रोदालाई ज्वाम्डी, “गाना न मान्थिम दुम्नाम बु।” लावो गुका ओराम आच्छाडा ज्वाक्साका घल्वाम फिस्ता। मेकोतिमा मेर्मिमका ज्वाम्डी, “मेम माला मेराम पत्रुसलाई रेपा पाहीचो रो ओ।” १६ लावो पत्रुसका ने ढकढक बुडुहोम डा बाईडा, मा लाम्चोको होल्मिडोलो गुलाई ल्वाम्डीमा मेर्मिम डाडायो दुम्मिडी। १७ पत्रुसका मेर्मिमलाई ऊ ल्वा थोसाका लिबा बाबेड्डुमी, मा माम्चुनीका हेसाका गुलाई भयालखानलामका पाखा र्लुम्डी ज्वाक्पा ल्वा मेर्मिमनुड सोयुडु। “*याक्ब नुड थोरलुपा वाडमिमलाई वो ओराम ल्वा थोबेटिनमी ” ज्वाक्तामा पत्रुस मेलामका वाडथो डा लस्ल्याड्डा। †१८ ऊ दिकाम नेमसोड्डाम चडडा “पत्रुस हे दुस्ता ” ज्वाक्तो सिपाहीमिम छोम डिम्डीमा उनी त्वाप-त्वापडा छोम हिलाहिसी बेबेम्डी। १९ हेरोदका पत्रुसलाई माल्लु, मा वो मेल्वासुवालो सिपाहीमिमनुड हिलाहिसी बुडु, मा मेर्मिमलाई सेड्डुमी। मेराम चड्डा हेरोद ने यहूदियालामका कैसरिया शहरडा लस्तामा मेन्सिडा डा बाईडा।

हेरोद हप सिडाम

२० टुरोस नुड सीदोन शहरडाम मुचुमिमनुड हेरोद हपकाम छोम ऊ छोक्चो बक्ताम बाईडा। लावो मेर्चिप शहरडाम मुचुमिम कोले दुम्साका उमाडा रोम्डी। हेडालोने मेर्मिमका हेरोद हपकु नेब्दीलाम मा-के ल्वाम्थाल्मिडी। मेम्मिमका हेरोद हपनुड न-थोम घ्रोम्बेन्मु लागि हेरोदका थोर बुडुम ऊ डुल्चो बलस्तसलाई उनी ल्वाडा बेसाका

† १२:१७ *येशूकाम ल्वाक, यरूशलेम मण्डलीडाम डाउ

जेबेटिमडी। २१ हेरोद हपका मेर्मिमनुड
घ्रोम्म ल्वा बुडुम नेम गु ऊ हप-ये
फस्तामा हप गन्खोपडा गन्साका
मुचुमिमकु डादोडा जेस्ता। २२ मेकोतिमा
“गानी जेनिमिम ने मुचु जेपा होड्डा मेएँ,
देउता जेपा होड्डा थोकु” ज्वाक्तो मेर्मिम
मुचु येम्डी। २३ लावो माम्चुनीकु नड
मेकोक्सुवामका मेकोतिलोडा माम्चुनीकु
पाहीचोका हेरोद हपलाई याक्तु,
मा क्रोडी छाम्डिमा सिडा। २४ लावो
माम्चुनीकु सीजेम बर्तो नुड फोन्सिक्तो
लस्ता। २५ बारनाबास नुड शाऊलका
यरूशलेमडा उची खारी डुम्चीमा
*एन्टिओखिया शहरथो र्लोसिक्ची।
मेर्चिपनुड मर्कूस ज्वाक्मा यूहन्ना वो
बाईडा। †

पावल सीजेम दोण्डा लाम्डीडाम डादोम थारी (१३:१-१४:२८)

पावल नुड बारनाबास थुटिमडीमा थुर्मिडिम

१३ एन्टिओखियाडाम मण्डलीडा
कोडनिम माम्चुनीलाम-
जेपामिम नुड सीपा मुचुमिम बाम्डी।
मेर्मिम, बारनाबास, केकेम ज्वाक्मा
शिमियोन, कुरेनीडाम लुकियस, *हेरोद
हपकु ल्वाक बनेम्डीमा डुल्मिडिम मनेन
नुड शाऊल बाम्डी। †२ कोलेम मेर्मिमका
उपास बासाका माम्चुनीकु सोरलोले
बेतोडा बेम्डिलो, माम्चुनी-पेलका
मेर्मिमनुड ज्वाम्डी, “उहम खारी बोमु
गो बारनाबास नुड शाऊल येत्तोचिम
बु, मेराम खारी बोमु लागि मेर्चिपलाई
फ्वाक्चिनी।” ३ मेम्मा उपास बासाका
सोम्दी बेम्डिम चडडा मेर्मिमका उनी ल्वा
मेर्चिपडला जूल्लो माम्चुनीकु ल्वाड्डा
ग्वाम्डीमा थुर्मिडीची।

पावल नुड बारनाबासका साइप्रस टापुडा जोपा-सेला थोबेटिचम

४ बारनाबास नुड शाऊल माम्चुनी-
पेलका थुर्मिडिमका सिलुकिया शहरयु
लक्ची। मेकोतिमा मेलामका डोकपु
कुबी-बोकसाडा हुच्चीमा साइप्रस टापुथो
लक्ची। ५ मेर्चिप सलामिस शहरडा
रोक्फाट्चीमा मेसिन्डाम यहदीमिमकु
घ्रोम्दीनेमबाडे माम्चुनीकु दुथामिम
जोपा-सेला थोबेटिचमी। मेर्चिपकु
खारी बोमु र्लोपो मर्कूस ज्वाक्मा
यूहन्ना वो मेर्चिपनुड बाईडा। ६ मेर्मिम
खोत्ले टापुथो खिसिक्तो पाफोस
शहरडा रोम्फाम्डी। मेसिन्डा बार-येशू
नडकाम जादु रेम्बेपा कोड यहदी
मुचु डार्मिडी। मेराम माम्चुनीलाम-जेपा
लिसिक्पा बाईडा। ७ मेराम जादु रेम्बेपा
साइप्रसडाम डोकपु साखामचो सर्गियस
पौलसनुड बाईथाल्ला। सर्गियस
पौलस जोपा नेप्चीनुडमा बाईडा।
गुका शाऊल नुड बारनाबास येसाका
माम्चुनीकु सीजेम थोमु न बुडु। ८ लावो
एलुमास ज्वाक्मा जादु रेम्बेपा बार-येशू
मेर्चिपकु कोर्थोलाम बक्ता। गुका मे
साखामचोलाई माम्चुनीडा थोरलुमेबेन्मु
माल्लुम बाईडा। ९ लावो पावल
ज्वाक्मिम शाऊल माम्चुनी-पेलका
लुन्स्ता, मा एलुमासथो रेण्डुम-रेण्डुम
डा बुडु। १० मेम्मा ज्वाक्ता, “गाना
मुनाडकु चो, जोपा ल्वामिम खोत्लेकु
स्वाक्चिमो, खोत्ले मेजोपा खारी बेपा
नुड छोम लिमाचो बुना। हाम गाना
माम्चुनीकु जोपा लाम्दी फाल्मु हेल्लो
वो मैडिना? ११ रेण्डा, माम्चुनीका
देन्दे ग्वामु लागि उनी ल्वा गानाडला
जुल्मीडिम बु, मा गाना घरिकोड
नेप्सुडकु औल मेल्वाना, मा मिक्सीका
वो मेल्वाना दुम्मा।” मेकोतिलोडा

†१२:२५ *कोडनिम बाइबलडा यरूशलेमथो र्लोसिक्ची ज्वाक्पा बु। उची खारी प्रेरित ११:२६-३०

†१३:१ *येशू बाम्डीलोम हप इसा पूर्व ४-इस्वी सम्वत् ३६।

खासे नुड तुकुम्चिम होप्पाम उमा
मिक्सीडा गन्डामा ऊ मिक्सीका मेल्लापा
दुस्ता। मेम्मा ‘कोडनिमका ल्वाडा
भन्डिमीमा क्रिडिमी डे’ ज्वाक्साका
मेराम होनो-आथो लाम्दीम्बाल्मु चोम्डु।
१२ मेसिन्डा हाम दुस्ताम मेराम ल्वास्तुमा
मे साखामचोका येशूडा थोर बुडु,
हेडालोने माम्चुनीकु सीसिडा गु छोम
डाडाय़ा दुस्ताम बाईडा।

पिसिदियाकु एन्टिओखिया शहरडा पावलका जोपा-सेला थोबेड्डुमिम

१३ पावल नुड ऊ डोप्सोमिम पाफोस
शहरलामका डोकपु कुबी-बोक्साडा
हुम्डीमा पामफिलियाकु पर्गा शहरडा
रोम्डी। मेकोतिमा मकुस ज्वाक्सा
यूहन्नाका मेर्मिमलाई पार्जोल्लुमीमा
गु यरूशलेमथो र्लोस्ता। १४ पावल
नुड बारनाबास ने पर्गा शहरलामका
लुकचीमा पिसिदियाकु एन्टिओखिया
शहरडा रोक्ची। मेम्मा डेम्सिमुनेम
घ्रोम्दीनेमगोनो सोरलोले बोमु लागि
लक्चीमा बाच्ची। १५ मोशाकु डुम्ला
नुड माम्चुनीलाम-जेपामिमकु किताब
डाटिमडिम चडडा घ्रोम्दीनेमडाम
डोकपु डाउमिमका मेचिपकाडा आरे
ज्वाक्सा सेला थुर्मिडी, “छारीची,
गाचीनुड मुचुमिमकाम सो हन्बेट्पा
कोडनिम सीजेम बु माला जेची।”
१६ मेकोतिमा पावल येम्स्तामा ऊ ल्वा
थोतो ज्वाक्ता, “ए इस्राएलडाम मुचु
नुड माम्चुनीकु डिम जुल्पानी थोनी,
१७ इस्राएलीमिमकु माम्चुनीका ईकी
डाउ-खुउमिमलाई छेटिमडी, मा मिश्र
नेब्दीडा बाम्डीलो मेर्मिमलाई छोम
डोकपु सामा बनेबेम्डी। माम्चुनीका
उनी त्वाकु युम मेर्मिमलाई रेम्बेसाका
मिश्र नेब्दीलामका र्लुम्डिमी। १८ बल-
धुम(४०) थसम्म इस्राएलीमिमका
माम्चुनीका ज्वाम्डिम मेथोमिवा,

लोवो माम्चुनीका मेर्मिमकु खारी
ईम्तो रेपिडी। १९ कनान नेब्दीडाम
माम्चुनीका *येत्ले सामामिमलाई
सेटिमडी, मा मेराम नेब्दी उनी त्वाकु
मुचुमिमलाई ग्वाम्डी। २० ओर्मिम
खोत्ले बलसड-डोधुम(४५०) थ
कोती दुस्ता। मेकोतिमा माम्चुनीका
मेर्मिमलाई माम्चुनीलाम-जेपा शम्पलकु
साम बाईडामसम्म नियाबेपा मुचुमिम
ग्वाम्डिमी। २१ मेर्मिमका हप भिम्डीमा
माम्चुनीका बेन्यामिन दोचोलाममिम
कीशकु तारापाचो शाऊललाई बल-
धुम(४०) थ मेर्मिमडला साखाम थोमु
ग्वाम्डी। २२ शाऊललाई माम्चुनीका
हपलामका र्लुम्डिम चडडा मेर्मिमकु
हप दाऊद बनेम्डी। माम्चुनीका दाऊदकु
दुथाम आरे ज्वाम्डी, ‘यिशैकु चो दाऊद
आमा न होप्पाम मुचु डाताम बु,
मेरामका गो ज्वाडुमिम होप्पाम खोत्ले
खारी बु।’ २३ माम्चुनीका डादो ज्वाम्डिम
होम्साका दाऊदकु चो-चुसुमिमलामका
इस्राएलीमिमलाई सेल्पा येशू रेटिमडी।
२४ येशू रोमु डादो यूहन्नाका खोत्ले
इस्राएलीमिमलाई ‘ईनी छुललामका
र्लोन्सिदनी, मा कु-रुदुम रनी’ बुडुमिम
बाईडा। २५ यूहन्नाका ऊ खारी बोमु
दुम्मु खाप्स्तुलो आरे ज्वाक्ताम बाईडा,
‘गानी गोलाई सु ज्वाक्सा मिम्नी? गो
ने गानी लन्थानीमिम मुचु मेएँ, लावो
आमा चडडा कोले रोमी, मा उनीमा ने
खेलयुम सोलोप प्लुमु वो मेघेन्डी।’
२६ ए अब्राहामकु चो-चुसु नुड माम्चुनीकु
डिम जुल्पा वाडसामा वा-ल्वाकनी,
माम्चुनीका ओराम सेल्पा-सेला ईकीमा
लागि डा थुर्मिडिम बु। २७ लावो
यरूशलेमडा बाट्पा मुचुमिम नुड उनी
साखामचोमिमका येशू सेल्पा बुमी
ज्वाक्साका मेछेमिवा। माम्चुनीलाम-
जेपामिमकु सीजेम डेम्सिमु-डेम्सिमुनेम
हेल्लो लोवो डान्थालिमिडी, लावो

१३:१६ *व्यवस्था ७:१

थेसिमेथेटिमवा। येशूलाई मेर्मिमका देन्दे ग्वाक्साका मे माम्चुनीकु सीजेमडा ज्याक्मा होडडा रेन्थिम्डी। २८ येशू सेन्मु बासिट्पा ल्वा मेर्मिमका हाम वो मेडार्मिवा, लावो गुमीलाई सेन्मु डा बासी ज्वाक्साका पिलातसनुड ज्वाम्डिम-ज्वाम्डिम बेम्डी। २९ माम्चुनीकु सीजेमडा येशूकु दुथाम ज्याक्मा होम्साका डा मेर्मिमका खोत्ले खारी बेम्डी। मेकोतिमा गुमीलाई क्रूसलामका थाटिमडी, मा सुलुमगोनो क्लुम्मिडी। ३० लावो माम्चुनीका गुमीलाई सिमुलामका फम्डी। ३१ मेकोतिमा गालीललामका यरूशलेमसम्म येशूनुड कोयोडा लाम्दीपामिमनुड हापा खेप गुमी रेम्बेम्सिम्डी। ओम्लो वो येशूकु दुथाम सोपा मेर्मिम मुचुमिम इस्त्राएलीमिमगोडा बुमी। ३२ माम्चुनीका ईकी डाउ-खुउमिमनुड डादो ज्वाम्डिम जोपा-सेलाकु दुथाम गुचुकु आथा गानीनुड सोचुकु। ३३ माम्चुनीका येशू सिमुलामका फक्साका डादो ज्वाम्डिम ल्वा ओम्लो गुई उनी चो-चुसुमिमकाडा रेन्थिम्डिम बु। ओरामकु दुथाम गुई कोमु काम्सोमिमकु किताब नदोम(२) डा डार्सी: 'गाना आमा तारापाचो, आनेप गो ईमा पाप दुम्डोडोम बु।' (भ-स-२:७) ३४ मेकोतिमा येशूलाई आथा ने हाम्सी वो सिमु मेबासिक्पा बेसाका फमी ज्वाक्पा ल्वाकु दुथाम माम्चुनीका आरे ज्वाम्डिम बु: 'दाऊदलाई डादो ग्वानी ज्वाडडोम हेल्लो वो मेदाम्पा जि गो गानीगोडा थुरु।' (यशैया ५५:३) ३५ वाडमी कोमु काम्सोको किताबडा वो आरेसाका ज्वाक्मा बु: 'गानी ईनीमा नडका साट्माकु मिरोम भिम्मु मेग्वानी।' (भ-स-१६:१०) ३६ दाऊदकु साम बाईडामसम्म गुका माम्चुनीकु न होम्साका खारीमिम बुडु। मेकोतिमा गु सिडा, मा ऊ डाउ-खुउमिमकु

सुलुमगोनो क्लुम्मिडी, मा दाऊदकु रोम भिप्स्ता। ३७ लावो माम्चुनीका येशूलाई सिमुलामका फम्डी, मा उनी मिरोम ने मेभिप्सावा। ३८ मेम्मिमका वा-ल्वाकनी, येशूका छुल हेम्मी ज्वाक्साका गानीलाई सोम्मा ल्वा चनी ज्वाक्पा आमा न बु। ३९ मोशाकु डुम्लाका खोत्ले ईनीमा छुल सेल्लु मंचापसुवा, लावो येशूडा थोरलुपा खोत्ले सेल्सिटिम बु। ४० मेम्मिमका गानी चडचडयो बानी! मेई माला ने माम्चुनीलाम-जेपामिमकु किताबडा ज्याक्मा ओर्मिम ल्वा गानीडला रोमी सो: ४१ 'ए डक्साका जेपा मुचुनी, रेप्नी, डाडायी दुम्नीमा पुयु लुकनी, हेडालोने ईनी मिरोमडा कोलम कोले खारी बोमु खापुमिम बु, मेरामकु दुथाम कोडिनमका सोयु डा लावो गानी हेल्लो वो थोर मेलुनी।' (हबकूक १:५; यशैया २६:१४) ४२ पावल नुड बारनाबास मे घोम्दीनेमलामका लुकचीमा लमु खापिचलो रोकपा डेम्सिमुनेम वो ओर्मिम ल्वा थोबेटिकनी ज्वाक्साका मुचुमिमका मेचिपनुड ज्वाम्डिम-ज्वाम्डिम डा बेम्डी। ४३ माम्चुनीकु सोरलोले बेम्डिम चडडा हापा यहूदीमिम नुड *यहूदी दुम्पा माम्चुनीकु डिम जुल्पा वाडसामामिम पावल नुड बारनाबासकु चडचड लाम्दीम्डी। मेकोतिमा मेचिपका मेर्मिमनुड ल्वा बेत्तो मेर्मिमलाई माम्चुनीकु दिदामडा बानी ज्वाक्साका सो हन्बसाचिमि। ४४ मेरामकु रोकपा डेम्सिमुनेम खोत्ले शहरडाम ज्वाप्रा खोत्लेडा मुचुमिम माम्चुनीकु सीजेम थोण्डा रोम्डी। ४५ सेर्पा मुचुमिम ल्वाम्डिलो यहूदीमिम उनी नाचुरका सिम्ल्याम्डी। मेकोतिमा मेर्मिम पावलकु कोर्थोलाम बम्डी, मा गुलाई डक्साका जेम्डी। ४६ पावल नुड बारनाबासका मेडिसाका ज्वाक्ची,

† १३:४३ * माम्चुनीकु सोरलोले बेपा वाडसामामिम

“माम्चुनीकु सीजेम डादो गानीलाई डा थोबेन्मु बासिक्पा बाईडा, लावो गानी मेद्वानिवा, मा ईनी त्वाप डा हेल्लो वो मेसिपा त्वारोम ल्वामु मेघेट्पा दुम्नी। मेम्मिमका आथा ने गुचुकु वाडसामामिमकाडा लचुकु।^{४७} हेडालोने डाचोका गुचुकुनुड आरे ज्वाम्डिम बु: ‘गो गानालाई वाडसामामिमकाम लागि ओल होप्पाम दुम्बेटिनम बु। सुबुडाम खोत्ले मुचुलाई सेल्मु गाना माम्चुनीलाम यम ल्वाना।’” (यशैया ४२:६; ४६:६)
^{४८} वाडसामामिमका ओराम ल्वा थोम्डीमा छोम गेसिम्डी, मा माम्चुनीकु सीजेमकाम लागि आलासो ग्वाम्डी। मेकोतिमा हेल्लो वो मेसिपा त्वारोम ल्वामु ज्वाक्सका छेडिमडिम खोत्ले मुचुका थोर लुम्डी।^{४९} माम्चुनीकु सीजेम खोत्ले पिसिदियाकु एन्टिओखियाबाडे फोन्सिड्डा।^{५०} लावो यहूदीमिमका माम्चुनीकु सोरलोले बेपा डोक्पु नड धोपा मेसेममिम नुड शहरडाम डोक्पु डाउमिमलाई कोम्डीमा पावल नुड बारनाबासकु कोर्थोलाम फम्डी। मेम्मिमका पावल नुड बारनाबासलाई मेम्मिमका मेराम शहरलामका कोल्सोम्डिची।^{५१} मेकोतिमा पावल नुड बारनाबासका मेम्मिमकु कोर्थोलाम उची फेमखेलयुम *फुर्कु थेप्ची, मा आईकोनियन शहरथो लक्ची।^{५२} मेकोतिमा एटिन्ओखियाडाम खोत्ले थोरलुपामिम छोम गेसिम्डी, मा माम्चुनी-पेलका लुन्सिम्डी।

पावल नुड बारनाबासका आइकोनियन शहरडा जोपा-सेला थोबेट्चिम

१४ पावल नुड बारनाबास कोयोडा आइकोनियनडाम यहूदीमिमकु घ्रोम्दीनेमडा लक्ची। मेसिन्डा मेर्चिप छोम जोपा जेच्चिमका छोम सेर्पा यहूदीमिम नुड ग्रीकमिमका येशूडा थोर

लुम्डी।^२ लावो थोर मेलुपा यहूदीमिमका ने वाडसामामिमलाई थोरलुपामिमकु कोर्थोलाम कोम्डीमा थोरलुपामिमकु न खेबेट्मडी।^३ मेसिन्डा पावल नुड बारनाबास येशूकु दुथाममिम सीजेम मेडिसाका जेतो हापा डा बाच्ची। मेम्मा येशूका मेर्चिपलाई उनीमा यम ग्वाम्डी। मेलोमका हेल्लो वो मेल्वामिवाम खारीमिम नुड छेखोपमिमका मेर्चिपका जेच्चिम दिदामकु सीजेम आच्छाडा ज्वाक्पा रेम्बेम्डी।^४ लावो मेराम शहरडाम मुचुमिमगोडा गो फ दुस्ता। मेकोतिमा याड यहूदीमिमलाम मा याड पावल नुड बारनाबासलाम बास्सिम्डी।^५ वाडसामा नुड यहूदीमिमका उनी साखामचोमिमनुड दुम्साका थुर्माचिपलाई दुखा ग्वामु नुड लुडका ओम्मुमा सेन्मु माल्मिडी।^६ मेर्चिपका ओराम ल्वा थोच्चीमा लुकोनियाडाम लुस्त्रा शहर, डर्बी शहर नुड होनो-आथोम देलबाडे स्वाच्ची।^७ मेसिन्डा वो मेर्चिपका येशूकु दुथाममिम जोपा-सेला थोबेच्चिम बाच्ची।

पावलका लुस्त्रा नुड डर्बी शहरडाम मुचुमिमलाई जोपा-सेला थोबेड्डुमिम

^८ लुस्त्रा शहरडा गस्तालोम डा ऊ खेल ब्लेट्पा कोले मुचु बाईडा। मेरामका हेल्लो वो लाम्दीमु चाप्स्तुम मेबायावा।^९ पावलका जोपा-सेला दास्तुम मेरामका थोस्तुहोम बाईडा। पावलका मेरामलाई रेण्डुम-रेण्डुम डा बुडु, मा सपा मेरामकु थोर ल्वास्तु।^{१०} मेम्मा डोक्पु लोलामका ज्वाक्ता, “ई खेलका येम्सा।” मेकोतिमा मेराम हुबक्तामा लाम्दीमु चोम्डु।^{११} पावलका बुडुम ओराम खारी सेर्पा मुचुमिमका ल्वाम्डीमा मेम्मिमका लुकोनिया ल्वाडा डोक्पु लोलामका आरे ज्वाम्डी, “देउतामिम मुचु लिम्सिम्डिमा ईकीमाडा योम्डी रेछा।”^{१२} मेम्मिमका बारनाबासलाई *जिउस देउता ज्वाम्डी,

^{१३:५१} *माम्चुनीका मेद्वामी मा दिफु देन्दे ग्वामी ज्वाक्पा रेम्बोमु छेखोप ।

मा पावललाई ने *हर्मस देउता ज्वाम्डी। हेडालोने पावल डा जेपामिमडाम डोकपु मुचु बाईडा।^{११} शहरकु डादोडा बाटपा जिउस देउताकु सोरनेमडाम डुम्लाचोका शहरडाम डोकपु लाम्चोकोमिमडा बेनोमिम नुड बूडमा समामिम रेड्डुमा, मेसिन्डाम मुचुमिमनुड कोदेप दुम्साका थुर्माचिपकाम लागि सासेन्मु न बेम्डी।^{१२} लावो बारनाबास नुड पावलका ओराम ल्वा थोच्चीमा उची ये आक्चीमा आरे ज्वाक्तो येतो मे सेर्पा मुचुमिमकाडा ओन्तो लक्सका ज्वाक्ची,^{१३} “वा-ल्वाकनी, गानी हेडा आरेप्पाम खारी बोनीमिम? गुचुकु वो गानी होप्पाम मुचु डा सो। हाम ना हामकु ल्वामिमलामका आच्छाडाकाम माम्चुनीडा र्लोमु जोपा-सेला गानीनुड सोप्डा गुचुकु रोकचोकोम सो। सुबु, धामु, दिरीदिन नुड मेगोडा बाटपामिम खोत्ले गुमीका डा प्रडिमडी।^{१४} डादोम थारीबिली माम्चुनीका खोत्ले सामामिमलाई त्वा-त्वाहोम उनी न होम्साका डा बुमु-दोमु ग्वाम्डिमिम बाईडा।^{१५} लावो माम्चुनीका उनी न-थोम मेर्मिमडला रेम्बेसाका गुमी बाम्डी ज्वाक्पा ल्वा रेम्बेम्डी। गुमीका धामुलामका व थुर्मिडीमा खोत्ले मा-के थारी-थारीका सिन्बेटिमडी, मा हापा छोम पोम-डुमु ग्वाक्साका मुचुमिमकु न-गो गेसिबेटिमडिम बु।”^{१६} आरे ज्वाक्चीमा पावल नुड बारनाबासका मे मुचुमिमलाई सासेन्मुलामका मेभाम्होमका र्लोक्चिमी।^{१७} मेकोतिमा एन्टिओखिया शहर नुड आइकोनियन शहरलामका यहूदीमिम रोम्डी, मा पावलकु कोर्थोलाम बमु मे मुचुमिमलाई लेमिमिडी। मेर्मिमका पावललाई लुडका ओप्मिडी, मा सिडा ज्वाक्पा मिम्सिम्डीमा शहरकु पाखाथो थुत्तो लम्डी।^{१८} लावो थोरलुपामिम पावलकु होनोलाम-आर्थोलाम खोम्सिम्डीलो गु बक्ता, मा

शहरथो र्लोम्सिम्डी। ऊ दिकामनेम गु नुड बारनाबास डर्बी शहरथो लक्ची।

पावल नुड बारनाबास सिरियाकु एन्टिओखिया शहरडा र्लोसिक्चिम

^{१९} पावल नुड बारनाबासका मेराम शहरडा जोपा-सेला थोबेच्चिमीमा सेर्पा सीसिपामिम दुम्बेट्चीमी। मेकोतिमा मेर्चिप लुस्त्रा, आइकोनियन शहर नुड पिसिदियाकु एन्टिओखिया शहरडा र्लोसिक्ची।^{२०} मेसिन्डा मेर्चिपका थोरलुपामिमलाई उनी थोर बर्बेसाक्चिमी, मा उनी थोरलुसीडा सो हन्बेट्साक्चिमी। मेर्चिपका ज्वाक्ची, “गुई माम्चुनीकु किब्दीगोडा हुमु हापा मेभापातो दुखा ल्वामु बासी।”^{२१} मेर्चिपका मेर्मिमकु मण्डली-मण्डलीडा एल्डरमिम थुच्चिमी। मेकोतिमा सोम्दी नुड उपास बात्तो मेर्मिमका थोर लुम्डिम माम्चुनीकु ल्वाडा मेर्मिमलाई पार्जोल्चिमी।^{२२} मेकोतिमा मेर्चिप पिसिदियालामका पामफिलियाडा रोकची।^{२३} पर्गा टापुडा सीजेम दोच्चीमा मेर्चिप अटालियायु योक्ची।^{२४} अटालियालामका डोकपु कुबी-बोक्साडा हुच्चीमा मेर्चिप एन्टिओखिया शहरडा र्लोसिक्ची। मेसिन्डाम थोरलुपामिमका पावल नुड बारनाबासलाई माम्चुनीकु दिदामडा जोपा-सेला थोबेड्डा थुर्मिडिचिम बाईडा, मा मेराम खारी ओम्लो मेर्चिपका बोमु दुम्ची।^{२५} मेर्चिप एन्टिओखियाडा रोकफाट्ची, मा खोत्ले थोरलुपामिमलाई कोदेप येट्चिमी। मेकोतिमा माम्चुनीका बेम्डिम खोत्ले खारीमिम सोच्ची, मा हेसाका माम्चुनीका वाडसामामिमकाम लागि थोरलुपा लाम्दी होल्साम्डिम मेर्मिम खोत्लेडा सोच्ची।^{२६} मेकोतिमा पावल नुड बारनाबास सीसिपामिमनुड मेसिन्डा हापा बाक्ची।

^११४:१२ *ग्रीक मुचुमिमकु डोकपु देउता। *देउतामिमकु सेलाचो।

मण्डलीडाम डाउमिम
यरूशलेमडा प्रोम्मिडिम

१५ यहूदियालामका कोडनिम
*मुचुमिम एन्टिओखियाडा
रोम्डी, मा वाडसामा थोरलुपामिमलाई
आरे ज्वाम्डीमा सीटिमडी, “मोशाकु
डुम्लाका ज्वाक्ताम होम्साका गानी
*खिरिरी-क्रिप्सी मेबेनीवा माला
सेल्सिम मेचाम्नी।” †२ मेकोतिमा
पावल, बारनाबास मेर्मिमनुड मेराम
ल्लाडा छोम मेदुमिवा। मेकोतिमा
मेसिन्डाम थोर लुपामिमका पावल नुड
बारनाबास मा वाडमिम कोले-नलेलाई
ओराम ल्वा ख्रिप्डा थुर्मामिमनुड
एल्डरमिमकाडा यरूशलेमडा थुर्मुलाई
छेटिमडी। ३ एन्टिओखिया मण्डलीडाम
मुचुमिमका मेर्मिमलाई मेलामका
थुर्सांम्डी। मेकोतिमा मेर्मिम फोनिके
नुड सामरियालामका लम्डिलो
वाडसामामिमका येशूडा थोर लुम्डिम
ल्वा खोत्ले थोरलुपामिमनुड सांम्डी।
ओराम थोम्डीमा मेसिन्डाम थोरलुपामिम
छोम गेसिंम्डी। ४ मेर्मिम यरूशलेमडा
रोम्फाम्डीमा मण्डलीडाम मुचुमिम,
थुर्मांमिम नुड एल्डरमिमका मेर्मिमलाई
सेव साटिमडी। मेकोतिमा पावल,
बारनाबासनुड रोक्पामिमका माम्चुनीका
मेर्मिमनुड बैम्डिम खोत्ले खारीमिमकु
दुथाम सोम्डी। ५ फरिसीमिमगोडाम
चडडा थोरलुपा दुम्पामिमका बम्डीमा
ज्वाम्डी, “वाडसामामिमकाम खिरिरी-
क्रिप्सी दुम्मुबासी, मा मेर्मिमलाई मोशाकु
डुम्ला होम्साका दोबेन्मुमी बासी।”
६ ओराम ल्वाकु दुथाम मुलु ख्रिमुलाई
थुर्मांमिम नुड एल्डरमिम खोम्सिम्डी।
७ थामासम्म ल्वा जेम्डीमा पत्रुसका
येम्स्तामा ज्वाक्ता, “ए वा-ल्वाकनी,

डादोम थारीका वाडसामामिमलाई जोपा-
सेला थोबेन्मु गानीगोलामका माम्चुनीका
गोलाई थुट्टिडिमी, मा मेर्मिमका जोपा-
सेला थोम्डीमा येशूडा थोर लुम्डिम ल्वा
गानी चनीमिम डा बु। ८ न-गोडाम ल्वा
चक्पा माम्चुनीका मेर्मिमलाई वो गुईलाई
होम्साका डा उनी पेलका लुटिमडी,
मा गुमीका मेर्मिमलाई रम्डिम ल्वा
रेम्बेम्डी। ९ गुमीका वाडसामामिम नुड
गुईलाई मेफ्वाक्सामिवा, लावो मेर्मिमका
थोर लुम्डिमका गुमीका खोत्लेकु
न-गो सेपा दुम्बेटिमडी। १० मेम्मिमका
सीसिपामिमकु बालामडला ओराम
जुवा जुल्साका हेडा गानी माम्चुनीकु
न छाम्नीमिम? ओराम ने ना ईकी
डाउ-खुउमिमका डा कुर्मु चाप्मिडी, ना
गुई डा चाप्सी। ११ लावो मेर्मिम नुड
गुई डाचो येशूकु दिदामका सेल्सिडिम
बु ज्वाक्साका गुई थोर लुईडिम बु।”
१२ वाडसामामिमगोडा माम्चुनीका
पावल नुड बारनाबासलामका हेल्लो वो
मेल्वामिवाम खारीमिम नुड छेखोपमिम
रेम्बेम्डिम ल्वा मेर्चिपका सोच्ची।
घोम्दीडा रोम्डिम खोत्ले मुचुमिम
लिबा बाम्डीमा मेर्मिमका ओराम ल्वा
जोहोमका थोम्डी। १३ मेर्चिप जेमु दुम्चीमा
याकूबका आरे ज्वाक्ता, “वा-ल्वाकनी,
आमा ल्वा थोनी, १४ हेसाका माम्चुनीका
डादो वाडसामामिमडला उनी न-थोम
रेम्बेसाका मेर्मिमगोलाम उनीमा लागि
मुचुमिम छेटिमडिम ल्वा सिमोन पत्रुसका
गुईनुड ज्वाक्ताम बु। १५ ओराम ल्वानुड
माम्चुनीलाम-जेपामिमकु सीजेम वो घोम,
मेराम आरेसाका ज्याक्मा बु: १६ ‘ओर्मिम
ल्वा दुम्मिम चडडा गो रूलाडिसडु, मा
फाल्ल्यासिट्पा *दाऊदकु बाखोप आथा
वो गो बनेबेउ, मेरामकु भार्पा नेम आथा
वो गो बनेबेउ, मा फक्पु, †१७ मेकोतिमा

†१५:१ *यहूदी थोरलुपा। *माम्चुनीकु मुचु ज्वाक्साका रेम्बेपा छेखोप।

†१५:१६ *ओराम ज्वाक्मा दाऊद ऊ त्वाकु नेम ने मेएँ, इस्राएलकु किब्दी(राज्य)कु दुथाम ज्वाक्मा सो।
(आमोस ६:११,१२)

डिन्जोल्मिडिम मुचुमिम नुड आमा
नड रपा वाडसामामिम खोत्लेका
मिप्रडमालाई माल्मु चाम्मीनु ज्वाक्साका
ओर्मिम खोत्ले बेपा माम्चुनीका ज्वामी,
१८ उहेमका माके-माके आथाम ओर्मिम
ल्वा सोम्डिम बाईडा। (आमोस ६:११-
१२) १९ मेम्मिमका गो ज्वाडु, माम्चुनीथो
ख्लोसिक्पा वाडसामामिमलाई गुई
दुखा मेग्वाकीमी। २० लावो मेर्मिमलाई
ओराम ल्वा ज्याकीमा थुर्सी- मूर्तिकु नड
बेम्मामिम हाम वो मेपेनी, नाम्सुर मेबेनी,
लक्चा रिम्साका सेट्मा नेब्दीपोमिमकु
सो नुड सिसि मेपेनी। २१ हेडालोने मेराम
ज्याक्मा मोशाकु डुम्ला डाउ-खुउमिम
बाम्डीलोम आथाम डा शहर-शहरडा
सीत्तोडा गेटिमडिमका, मा खोत्ले घोम्दी
नेमडा खोत्ले डेम्सिम-डेम्सिमनेम मेराम
डात्तोडा लेडिमिम बु।”

वाडसामा थोरलुपामिमलाई चिट्ठी

२२ मेकोतिमा थुर्मासिम, एल्डरमिम
नुड खोत्ले थोरलुपामिमका उनी त्वाकु
मुचुमिमगोडाम कोले-नले थुमुमी, मा
मेर्मिमलाई पावल, बारनाबासनुड
एन्टिओखिया शहरथो थुर्मु मुलु बेम्डी।
मेर्मिमका थोरलुपामिमगोडाम उनी
डाउचिप बारनाबास ज्वाक्मा यहूदा नुड
सिलासलाई थुटिमडिची। २३ मेकोतिमा
मेर्मिमका मे ब्ललेमिमकु ल्वाडा
ओराम चिट्ठी थुर्सोम्डी: “एन्टिओखिया,
सिरिया नुड किलिकियाडा बाटपा
वाडसामा थोरलुपामिमलाई थुर्मासिम
नुड एल्डरमिमकाम सेव! २४ गुकुगोडाम
लक्पा कोड-कोड मुचुमिमका वाडमी-
वाडमी डा ल्वा सीसाका गानीलाई
छोम दुखा ग्वानिमीमा हाम बोमु-बोमु
दुम्बेटिनमी ए ज्वाक्पा ल्वा गुकु
थोत्तोकोम बु। लावो मेर्मिम मुचुलाई
गुकु थुर्तोकोमिम मेएँ। २५ मेम्मिमका

गुकु खोत्ले घोम्तोकोमा बेत्तोकोम मुलु
होम्साका कोड-कोड मुचुमिमलाई
थुमुमी, मा मेर्मिमलाई गुकु द्वाक्तोकोम
बारनाबास, पावलनुड थुर्मु न बेत्तोकोम
बु। २६ पावल नुड बारनाबासका उनीमा
लाले-पाडके बोमु उचीमा मिरोम डा
ईकीमा डाचो येशू ख्रीष्टकु ल्वाडा
ग्वाक्चिम बु। २७ मेम्मिमका गुकु यहूदा
नुड सिलासलाई ईनीमाडा थुर्तोकोम बु।
मेर्चिपका वो गुकु ज्याक्तोकोम ल्वा डा
सोची सो। २८ ओराम ल्वाडाम वाडमिम
हाम वो मेभापा-खारी गानीलाई बेबेसी
मिनु ज्वाक्पा ल्वा माम्चुनी-पेल नुड
गुकु जोपा लुत्तोकोम बु। २९ मूर्तिलाई
सासेट्मा पोमु-डुमु, लक्चा रिम्साका
सेट्मा नेब्दीपोमिमकु सो नुड सिसि
गानी मेपेनी, मा नाम्सुर मेबेनी। ओर्मिम
खोत्ले ल्वामिमडाम वाड बान्नी माला
छोम डा जोपा दुम, लौ आकोती डा।”
३० यरूशलेमलामका ब्वाम्सिमिडिम मे
ब्ले मुचुमिम एन्टिओखिया शहरयु
योम्डी। मेकोतिमा मेर्मिमका मण्डलीडाम
खोत्ले थोरलुपामिम कोदेप येटिमडिमी,
मा मेर्मिमलाई मे चिट्ठी ग्वाम्डी। ३१ सो
हन्बेटपा ओराम चिट्ठी डाटिमडीमा
खोत्ले थोरलुपामिम छोम गेर्सिम्डी।
३२ यहूदा नुड सिलास उची त्वापडा
वो माम्चुनीलाम-जेपा बाच्चिमका
थोरलुपामिमलाई हापा सीजेमलामका
सीटिचमीमा उनी सो हन्बेसाक्चिमी।
३३ सिलास नुड यहूदा मेसिन्डा
हापा बाच्चि। मेकोतिमा मेसिन्डाम
थोरलुपामिमका न-गो ब्रसिक्पा जि
ग्वाक्तो मेर्चिपलाई थुर्पामिमकाडा
थुर्सोम्डी। ३४ * [लावो सिलासका ने
मोसिडा बुमु न बुडु।] †३५ पावल नुड
बारनाबास वाडमी हापा मुचुमिमनुड
येशूकु दुथाममिम जोपा-सेला सीत्तो नुड
सोत्तो एन्टिओखिया शहरडा बाच्चि।

† १५:३४ *माकेम ग्रीक बाइबलमिमगोडा याड-याडडा ओराम पद मेडार्सी।

पावल नुड बारनाबास फ्वासिक्चिम

३६ कोलेम पावलका बारनाबासनुड ज्वाक्ता, “गुची माम्चुनीकु जोपा-सेला थोर्बेट्चिमि खोत्ले शहरडाम थोरलुपामिमकामबाडे ख्लोसिन्चीमा लची। मेकोतिमा मेर्मिमका हाम बोम्थाल्मी ज्वाक्पा ल्वा गुची थोची।” ३७ बारनाबासका मर्कूस ज्वाक्मा यूहन्नालाई उची त्वापनुड लमु न बुडु। ३८ लावो पावलका मर्कूस ज्वाक्मा यूहन्नालाई उची त्वापनुड लमु न मेबुवा। हेडालोने गु पामफिलियालामका पावल नुड बारनाबासडाम फ्वास्तामा लस्ताम बाईडा, मा मेर्चिपनुड कोयो खारी बेण्डा मेलक्सावाम बाईडा। ३९ पावल नुड बारनाबास छोम डोकपु गो फ दुम्ची, मा मेर्चिप फ्वासिक्ची। मेकोतिमा मर्कूस ज्वाक्मा यूहन्ना नुड बारनाबास कुबी-बोक्सालामका साइप्रस टापुथो लक्ची। ४० लावो पावलका ने ऊ त्वाप ख्लोपा सिलासलाई छेड्डु। मेकोतिमा मेसिन्डाम थोरलुपामिमका माम्चुनीकु ल्वाड्डा ग्वाम्डिम चड्डा मेर्चिप लक्ची। ४१ मण्डलीडाम मुचुमिमलाई उनी सो हन्बेसाक्तो पावल सिरिया नुड किलिकियाबाडे लस्ता।

पावल, सिलास तिमोथीनुड ग्रोम्चिम

१६ पावल डर्बी नुड लुस्त्रा शहरडा वो रोकता। मेसिन्डा तिमोथी ज्वाक्मा कोले सीसिपा बाईडा। मेराम कोले थोरलुपा यहूदी मेसेमकु तारापाचो बाईडा, लावो ऊ पाप ने ग्रीक बाईडा। २ लुस्त्रा नुड आइकोनियन शहरडाम थोरलुपामिमका तिमोथीलाई जोपा मुचु मिम्थाल्मिडी। ३ तिमोथी वो पावलका ऊ त्वापनुड लमु न बुडु। मेराम देलडा यहूदीमिम बाम्डिमका पावलका उमा खिरिरी-क्रिप्साड्डु। हेडालोने तिमोथीकु पाप ग्रीक बाईडा ज्वाक्पा

मेर्मिम खोत्लेका चम्डिम बाईडा।

४ पावल, सिलास नुड तिमोथी शहर-शहरडा लम्डीलो मेर्मिमका मेसिन्डाम थोरलुपामिमलाई यरूशलेमडाम थुर्मासिम नुड एल्डरमिमका मुलु बेम्डिम ल्वामिम होम्साका दोनी बेम्डी। ५ मेर्मिमका मण्डलीमिमकु थोर बर्तो लस्ता, मा येशूडा थोरलुपामिम हेल्लो लोवो बर्तो लम्डी।

पावलका माकेडोनिया लक्पा मिक्सीलाम ल्वास्तुम

६ माम्चुनी-पेलका एशियाडा उनी सीजेम मेदोनी बेम्डिमका पावल नुड ऊ डोप्सोमिम गलातिया नुड फ्रिगियाडाम देल दुम्तो लम्डी। ७ माइसियाडा रोम्फास्डीमा मेर्मिमका बेथानियाथो लक्पा न बेम्डी। लावो येशूकु पेलका मेर्मिमलाई लमु मेग्वाक्मिवां। ८ मेकोतिमा मेर्मिम माइसियालामका त्रोआसथो योम्डी। ९ मेराम सिन्था पावलका मिक्सीलाम ल्वास्तु -माकेडोनियाडाम कोले मुचु येम्स्तामा गुलाई आरे ज्वाक्ताम-ज्वाक्ताम डा बुडुहोम बाईडा, “माकेडोनियाडा गेट्नी, मा गुकुलाई ख्लोकिनी।” १० पावलका ओराम मिक्सीलाम ल्वास्तुम चड्डा गुकु माकेडोनिया लक्पां मुलु बेथाक्तोको। मेसिन्डाम मुचुमिमलाई जोपा-सेला थोर्बेन्मु माम्चुनीका गुकुलाई येत्तिकिम रेखा ज्वाक्पा गुकु चक्तोको।

फिलिप्पीडाम लिडियाका येशूडा थोर बुडुम

११ मेकोतिमा गुकु त्रोआस शहरलामका डोकपु कुबी-बोक्साडा हुतोकोमा सामोथ्राकथो लक्ल्यात्तोको। मेसिम्मा ऊ दिकामनेम नियापोलिस शहरडा रोकफात्तोको। १२ मेसिम्मा माकेडोनियाकु डोकपु शहर फिलिप्पीडा रोकफात्तोको, मेराम शहर रोमीकु ल्वाडा बाईडा।

गुकु मेसिन्डा कोलेम-नलेम बात्तोको।
 १३ डेम्सिमुनेम गुकु ब्लोकुथो लक्पा
 शहरकु पाखालाममिम लाम्चोकोलाम
 लक्तोको। सोम्दी बेखोप खोम बु
 ज्वाक्पा मिम्सित्तोकोमा गुकु मेसिन्डा
 लक्तोको, मा मेसिन्डा खोम्सिक्पा
 मेसेममिमनुड ल्वा जेमु चोम्तोको।
 १४ मेर्मिमगोडाम थिआटीरा शहरडा
 बाट्पा *हापा थिकाम बैजनी रंगकु ये
 ब्रेट्पा, माम्चुनीकु सोरलोले बेपा लिडिया
 नडकाम कोले मेसेम बाईडा। मेरामका
 आकी सीजेम थोस्तु। पावलका जेस्ताम
 ल्वा जोहोमका थिसिथेट्नु ज्वाक्साका
 माम्चुनीका मेरामलाई थिसिथेट्पा न-गो
 ग्वाम्डी। १५ मेकोतिमा लिडिया नुड
 ऊ नेण्डाममिम खोत्लेका कु-रुदुम
 रम्डी। गुका गुकुनुड आरे ज्वाक्ताम-
 ज्वाक्तामडा बुडु, “गानी गोलाई
 माम्चुनीडा थोरलुपा ज्वाक्साका मिम्डीनी
 माला आमा नेण्डा रोक्नीमा बानी।”
 मेकोतिमा उमा ल्वा बिसिक्तोको।

पावल नुड सिलासलाई चम्डिम

१६ कोलेम गुकु सोम्दी बेखोप
 खोमयु लक्तोकोलो मुनाडका हुपा
 कोले डुल्चोमे डार्तोको। मेरामका
 मुचुमिमकु ज्याडमा सोसाका ऊ नेम
 हपमिमकाम लागि छोम खउलुड
 डुण्थाल्लु। १७ मेराम मेसेम पावल
 नुड आकी चडचड लाम्दीडामा आरे
 ज्वाक्तो येस्ता, “ओर्मिम मुचु खोत्लेडाम
 छल्वापा माम्चुनीकु डुल्चोमिम सो, मा
 ओर्मिमका गानीलाई हेसाका सेल्सिमु
 चाम्नी ज्वाक्पा ल्वा सोण्डा रोम्डिम
 बु।” १८ मेरामका हापा थारीसम्म आरेडा
 बुडुहोम बाईडा। मेकोतिमा ऊ ज्वा
 ओड्डामा पिख्लोसित्तो पावलका मे
 मुनाड-पेललाई ज्वाक्ता, “येशू ख्रीष्टकु
 नडडा गो ज्वाडु, गाना मेरामलामका
 लुकल्याडा।” मेकोतिलोडा मेराम

मुनाड-पेल लुकतामा लस्ल्याड्डा।
 १९ मेराम डुल्चोमेकु नेम हपमिमका
 खउलुड डुपा लाम्दी हुक्ता ज्वाक्पा
 चम्डी। मेम्मा पावल नुड सिलासलाई
 चुम्साका बजारडाम साखामचोमिमकाडा
 थुत्तो लम्डी। २० मेर्मिमका मेर्चिपलाई मे
 रोमी साखामचोमिमकाडा रेट्मडीमा
 ज्वाम्डी, “ओर्चिप यहदीचिप डाल्चीमा
 ईकीमा शहरडाम मुचुमिमलाई छोम दुखा
 ग्वाक्तोडा लेन्चिमिम बु। २१ ओर्चिपका
 ने गुई रोमीमिमका रसी मेनुपा नुड
 बेसी मेनुपा डुम्ला सीत्तोडा लेन्चो।”
 २२ मेकोतिमा सेर्पा मुचुमिम कोड सि
 दुम्मिडीमा पावल नुड सिलासलाई
 याल्ला हुचीबम्डी। रोमी डाउमिमका
 मेर्चिपकु ये आम्साम्डिची, मा मेर्चिपलाई
 कोक्तेकु रिवाका याल्बेट्मडिची।
 २३ मेर्मिमका मेर्चिपलाई छोम याल्मिडीमा
 भ्यालखानडा चम्डीची। मेकोतिमा
 भ्यालखानडाम डोक्पु मुचुलाई पावल
 नुड सिलास जोहोमका रोप्निची बेम्डी।
 २४ ओराम ल्वा थोस्तुमा मेरामका
 मेर्चिपलाई भ्यालखानकु गोनोम
 चखोपडा लडुचीमा उची खेलडा ठिँगुरो
 फिक्तुमा जुल्लुची।

भ्यालखानडाम डोक्पु मुचु नुड ऊ नेण्डाममिमका येशूडा थोर लुम्डिम

२५ सिन्थाम को-न(१२) जेस्ताम बिली
 पावल नुड सिलासका सोम्दी बेत्तो
 माम्चुनीकु काम्सो बेच्चिम बाच्ची,
 मा वाडमिम चक्कामिमका ने मेराम
 थोम्डीहोम बाम्डी। २६ मेकोतिलोडा
 कोचोत्ति कोले डोक्पु सुबु-रुक्सी रोक्ता,
 मा मे भ्यालखान डा रक्तु। मेकोतिमा
 खोत्ले लाम्चोकोमिम होल्सिम्डी, मा
 खोत्ले सेल रिवामिम ब्रोम्सिम्डी। २७ मे
 भ्यालखानडाम डोक्पु मुचु डोस्ता,
 मा मेसिन्डा खोत्ले लाम्चोकोमिम
 होल्ल्यासिट्पा ल्वास्तुलो खोत्ले

१६:१४ *छोम खाप्ची बाट्पाका कोड्डा फसिक्पा ये-सेम।

चक्मामिम स्वाम्डी ज्वाक्पा मिम्डु।
 मेम्मिमका मेरामका ऊ कातुरु थासाका
 फल्सिमुमा सिमु माल्लु।^{२८} लावो
 पावलका डोकपु लोलामका ज्वाक्ता,
 “ईनी त्वापलाई हाम वो मेबेनी, गुकु
 खोत्ले आसिडा बुकु।”^{२९} मेकोतिमा मे
 डोकपु मुचुका थिप्पी भियुडुमा ओन्तो
 भयालखानगोनो हुडडा, मा ऊ डिमुका
 रुतो पावल नुड सिलासकु डादोडा खुम्बु
 बुडु।^{३०} मेर्चिपलाई पाखानो रल्लुक्तुचीमा
 मेरामका ज्वाक्ता, “डाचोची, सेल्सिमु
 लागि गो हाम बोमुबासी?”^{३१} मेर्चिपका
 ज्वाक्ची, “येशू ख्रीष्टडा थोर लुनी,
 मा गानी नुड ईनीमा नेण्डाममिम
 खोत्लेडा सेल्सिनी।”^{३२} मेकोतिमा
 मेर्चिपका मे डोकपु मुचु नुड ऊ नेण्डा
 बाट्टपामिम खोत्लेलाई माम्चुनीकु सीजेम
 थोबेट्चिमी।^{३३} सिन्थाम मेराम थारीका
 डा मेरामका पावल नुड सिलासलाई
 लडुचीमा उची पार सोल्साडडुची।
 मेकोतिमा डोकपु मुचु नुड ऊ नेण्डाम
 खोत्लेका कु-रुदुम रम्ल्याम्डी।^{३४} मे
 डोकपु मुचुका पावल नुड सिलासलाई
 ऊ नेण्डा यडडुचीमा गुला ग्वाक्तुची।
 माम्चुनीडा थोर लुम्डिमका मे डोकपु
 मुचु नुड ऊ नेण्डाममिम खोत्लेडा
 छोम गेर्सिद्वाम्डी।^{३५} ऊ दिकाम
 मेराम शहरडाम रोमी साखामचोमिमका
 मे चक्मा पावल नुड सिलासलाई
 डिन्सोटिनची बेम्डीमा सिपाहीमिमलाई
 थुर्मिडी।^{३६} मेकोतिमा मे भयालखानडाम
 डोकपु मुचुका पावलनुड ज्वाक्ता,
 “रोमी साखामचोमिमका गानी नुड
 सिलासलाई डिन्सोटिनची ज्वाम्डिम
 बु। मेम्मिमका ओम्लो गानी ईनीमा
 न-गो ब्रसिक्तो लक्नी।”^{३७} लावो
 पावलका सिपाहीमिमनुड ज्वाक्ता,
 “गुचुकु रोमी नागरिक बात्तो-बात्तो वो
 खोत्ले मुचुमिमकू डादोडा हिलाहिसी
 मेबेसाका डा मेर्मिमका याल्चीकीमीमा
 चक्चिकीमी। मेकोतिमा आकोतिलो

ने गुचुकुलाई लिबावा डिन्सोमु न
 बोमी? मेमका ने मिनु। मेर्मिम उनी
 त्वाप डा रोमीनु, मा गुचुकुलाई
 डिन्चिकीमिनु।^{३८} मे सिपाहीमिमका
 शहरडाम साखामचोमिमलाई ओर्मिम
 ल्वा थोबेट्मिडी, मा पावल नुड सिलास
 रोमी नागरिक ज्वाक्पा थोम्डीमा मेर्मिम
 छोम डिम्डी।^{३९} मेर्मिम भयालखानडा
 रोम्डीमा पावल, सिलासनुड पाचो
 भिम्डी। पाखानो फिडिमडिचीमा मेराम
 शहरलामका वाडथो लक्नी ज्वाडिम-
 ज्वाम्डिम डा बेम्डी।^{४०} पावल नुड
 सिलास भयालखानलामका लुक्चिम
 चडडा लिडियाकु नेण्डा रल्लोसिक्ची।
 मेसिन्डा मेर्चिपका थोरलुपामिमलाई
 क्रोम्चिमी, मा आथा वो मेर्मिमकू
 सो हन्बेसाट्चिमी। मेकोतिमा मेर्चिप
 शहरलामका वाडथो डा लक्ची।

थेसलोनिके शहरडा पावलका सीजेम दोस्तुम

१७ पावल नुड सिलास
 अम्फिपोलिस नुड
 अपोल्लोनियालामका थेसलोनिके
 शहरडा रोक्ची। मेसिन्डा यहूदीमिमकू
 कोले घोम्दीनेम बाईडा।^२ ऊ बादुखाम
 होम्साका पावल घोम्दीनेमगोनो हुडडा,
 मा सुक डेम्सिमुनेमसम्म मेर्मिमलाई
 सीत्तो मेसिन्डा बाईडा। गुका माम्चुनीकु
 सीजेमलामका,^३ ख्रीष्टका दुखा
 ल्वासाका सिम्डी। मेम्मा सिमुलाम
 बम्पोम्डी ज्वाक्पा मेर्मिमनुड रेम्बुडु।
 मेकोतिमा गुका ज्वाक्ता, “ख्रीष्टकु
 दुथाम गो गानीनुड सोउहोम बुडुमिम
 गुमी येशू डा सो।”^४ मेर्मिमगोडाम
 कोड-कोडका थोर लुम्डी, मा पावल,
 सिलासनुड लाम्दीम्डी। छोम सेर्पा
 माम्चुनीकु-डिम जुल्पा ग्रीक मुचुमिम
 नुड कोल-नले डोकपु मेसेममिम वो
 लाम्दीम्डिम बाईडा।^५ लावो वाडमिम
 यहूदीमिमका ने मेर्मिमडला उनी

नाचुरका बजारबाडेम डाल्पासिमलाई खोप्साका शहरडा डाल्बेटिमडी। पावल नुड सिलासलाई सेर्पा मुचुमिमकु डादोडा रेन्मुमा येम्सिबेन्मु लागे मेर्मिम यासोनकु नेमथो लम्ल्याम्डी।^६ पावल नुड सिलासलाई मेसिन्डा मेडार्मिवामका मेर्मिमका यासोन नुड कोड-कोड थोरलुपासिमलाई शहरडाम साखामचोमिमकाडा येत्तो रो-रोन्थुत्तो रेटिमडी, “सुम्दिसेरडा खोत्लेथो ब्लोब्बाल्पा पावल नुड सिलास आसिन्डा वो रोकफाम्चिम बु।^७ ओ यासोनका मेर्चिपलाई ऊ नेडा येड्डुचिम रेछा। मेर्चिपका रोमी हपका ज्वामिम मेथोसाका येशू ज्वाक्मा वाडमी डा हप बुमी ज्वाची।”^८ ओराम थोम्डीमा मुचुमिम नुड शहरडाम साखामचोमिम उनी छोक्योका हामबोमु-बोमु दुम्मिडी।^९ मेर्मिमका यासोन नुड गुनुड बाटपा वाडमिम थोरलुपासिमलाई धरोटी सोबेटिमडीमा डिटिमडी।

पावल बेरियाडा

^{१०} थोरलुपासिमका पावल नुड सिलासलाई सिन्थाडा बेरिया शहरथो थुर्थाम्डीची, मा मेर्चिप मेसिन्डा लुक्कीमा यहूदीमिमकु घोम्दीनेमगोडा लक्ची।^{११} मेर्मिमका माम्चुनीकु सीजेम छोम गेर्सिद्वाक्तो थोम्डीमा पावलका ज्वाक्ताम ल्वा आछाडा डे मेएँ ज्वाक्साका हेल्लो लोवो माम्चुनीकु सीजेम डासाका थेन्मु माल्थाल्मिडी।^{१२} मेम्मिमका ओर्मिमगोडाम हापाका येशूडा थोर लुम्डी। मेकोतिमा नड धोपा ग्रीक मेसेमिमिम नुड ग्रीक वोस्चोमिम वो हापाका येशूडा थोर लुम्डी।^{१३} लावो पावलका बेरियाडा वो माम्चुनीकु सीजेम दोसुम बु ज्वाक्पा थेसलोनिकेडाम यहूदीमिमका थोम्डी। मेकोतिमा

मेर्मिम मेसिन्डा वो रोम्डी। मेम्मा सेर्पा मुचुमिमलाई सिल्साका पावलकु कोर्थोलांम फम्डी।^{१४} मेम्मिमका थोरलुपासिमका पावललाई दिरिदिनकु सोपथो थुर्थाम्डी, लावो सिलास नुड तिमोथी ने मेसिडा बाच्ची।^{१५} पावललाई सोक्थिड्डा लक्पासिमका गुलाई एथेन्सडा रेटिमडी। मेसिन्डा रोकथिड्डामा ऊ त्वापलाई सोपडा रोकपासिमनुड पावलका सिलास नुड तिमोथी दालाडा रोचीनु ज्वाक्पा सिला थुसोड्डु।

पावलका एथेन्सडा सीजेम दोस्तुम

^{१६} पावलका एथेन्सडा सिलास नुड तिमोथीलाई लथाड्डुचिलो मेराम शहरडा बान्तेमेनो मूर्ति कोड्डा बाईडाम ल्वास्तुमका छोम ऊ न-गो खाण्डा।^{१७} मेम्मिमका पावलका यहूदीमिम नुड माम्चुनीकु डिम जुल्पा ग्रीकमिमलाई घोम्दी नेण्डा ल्वालामका खाल्थाल्लुमी। मेम्साका डा बजारबाडे क्रोम्डुमिम मुचुलाई वो हेल्लो लोवो ल्वालामका खाल्थाल्लुमी।^{१८} *इपिक्युरी नुड स्तोइकी ज्वाक्मा नले समूहडाम नेप्चीनुडमा कोड-कोड मुचुमिम बाम्डी। मेर्मिम आच्छाडाकांम ल्वा नुड त्वारोमकु दुथाम मिम्पा, माल्पा मा सीपा *दार्शनिक बाम्डी। मेर्मिमका पावललाई वाड-वाड ल्वासिमलाम छोम खाल्मिडी। मेर्मिमगोडाम कोड-कोडका आरे ज्वाम्डी, “हाम सोयुमिम ओ ऊ न ना थोम जेपाका?” वाडमिमका ज्वाम्डी, “ओरामका ने विदेशी देउतामिमकु दुथाम डे सोत्तोडा बुमिम रो ओ!” हेडालोने पावलका येशू नुड सिमुलाम बगोटपाकु दुथाम सोयुडुम बाईडा।^{१९} मेर्मिमका पावललाई अरियोपागस ज्वाक्मा शहरडाम डोक्पु घोम्दीडा लम्डी,

^{१७}:१८ *इपिक्युरी नुड स्तोइकी शब्दावलीडा रेप्नी।

^{१७}:१८ *दार्शनिक: सुबु नुड धामुडा बाटपा खोत्लेनुड मुचुकु दुथाम थेन्मु माल्पा पातुमरी।

मा हिलाहिसी बेम्डी, “ओ लाले सीसिकु दुथाम गुकुनुड सोनीका।^{२०} हेडालोने हेल्लो वो मेथोकुवाम ल्वामिम गानीलाम गुकु थोत्तोडा बोकु। मेम्मिमका ओर्मिम खोत्ले ल्वामिमकु दुथाम थेसीथेन्मु आकी न बु।”^{२१} खोत्ले एथेन्सडा बाट्पामिम नुड वाडमिम नेब्दीलामका एथेन्सडा बाण्डा रोक्पामिमका हेल्लो वो मेथोमिवाम लाले ल्वामिम जेमु नुड थोमुडा कोड्डा नेम्ताली न सोम्थाल्मिडी।^{२२} पावलका अरियोपागस घोम्दीकु डादोडा येम्स्तामा ज्वाक्ता, “एथेन्सडा बाट्पा वा-ल्वकनी, गानी ईनीमा देउतामिमकु सोरलोले खोत्लेडा बोनीमिम गो ल्वानिनी।^{२३} ओराम शहरडा खिसिडडोलो ईनीमा देउताखोममिम वो रेप्तो। कोड सासेन्खोप खोमडा ‘ऊ नड मेचमा देउताकाम लागि’ ज्वाक्साका ज्याक्मा बाईडा। गानी मेछेसाका डा सेव साट्टिनम मेराम देउताकु दुथाम ओम्लो गो सोत्तोडा बेउ।^{२४} “सुबु नुड मेगोडा बाट्पामिम खोत्ले प्रडपा माम्चुनी गुमी डा सो। गुमी सुबु नुड पाह्नीकाम मिप्रडमा सो, मेम्मिमका मुचुका बनेबोमिम सोरनेमडा मेबुमी।^{२५} मुचुमिमका ग्वामीमिम हाम वो गुमीका चाहेमेबोमी। गुमीका ने मुचुमिमलाई त्वारोम, साम नुड चाहेदुम्पा खोत्लेडा ग्वामी।^{२६} माम्चुनीका कोले मुचुलामका डा सुबुडा बाट्पा खोत्ले सामामिम प्रडिमडी, मा मेर्मिम हाम्सीसम्म बान्ते बुमुबासी ज्वाक्पा गुमीका डादो मुलु बेम्डिम बु।^{२७} मुचुमिमका गुमीलाई माल्मीनु, मा मोप्साली बेत्तो गुमीलाई डार्मी डे ज्वाक्साका आरे बेम्डिम सो। मेम डा लोवो गुमी गुई सुडाम वो होनोवा मेबुमी।^{२८} हेडालोने, ‘गुई गुमीडा बुई, गुमीडा दोसी, मा गुमीडा दुप्सी।’ गानीगोडाम ईनी कुरुवाचोमिमका वो आरे ज्वाम्डिम बु, ‘गुई उनीमा डा चो-चुसुमिम सो।’^{२९} मेम्मिमका गुई

माम्चुनीकु चो-चुसु दुस्तिमका, सोना, मत्तो नुड लुडलामका मुचुकु ल्वाका बनेबेम्मा मेराम डाली होप्पाम माम्चुनी बुमी ज्वाक्पा गुई मिम्सी मिनु।^{३०} डादोम थारीबिली गुई माम्चुनीलाई मेचक्साका मेथेसाका बिईडिम ल्वाडा माम्चुनीका न मेसोक्मिवा। लावो गुमीका आथा ने खोत्लेथो बाट्पा खोत्ले मुचुमिमलाई उनी छुलमिमलामका ख्लोसिमीनु ज्वाम्डिम बु।^{३१} हेडालोने माम्चुनीका उनी त्वाका डा थुट्टिमडिम येशूलामका सुबुडा बाट्पा मुचुमिमकाम जोहोमका निया दुम्पा कोड थारी जुल्मिडिम बु, मा गुमीलाई सिमुलामका फम्डीमा खोत्ले मुचुमिमलाई ओराम आच्छाडा ज्वाक्पा रेम्बेम्डिम बु।”^{३२} मेर्मिमका सिमुलाम बम्मेमुकु दुथाम थोम्डी, मा याड-याडका पावललाई रिम्साम्डी। लावो वाडमिमका ने “गुकु ओरामकु दुथाम आथा वो थोकु” ज्वाम्डी।^{३३} मेकोतिमा पावल मेलामका लस्ता।^{३४} मेकोतिलो कोड-कोड मुचुमिमका येशूडा थोर लुम्डी, मा पावलनुड लाम्दीम्डी। मेर्मिमगोडाम मे अरियोपागस घोम्दीडाम डियनुसियस, दामारिस ज्वाक्मा कोड मेसेम नुड वाडमिम वो बाम्डी।

पावल कोरिन्थ शहरडा

१८ मेकोतिमा पावल एथेन्सलामका कोरिन्थ शहरडा लस्ता।^१ गुका मेसिन्डा पोन्टसडा बाट्पा अकिलास ज्वाक्मा यहूदीलाई डारु। हप क्लौडियसका खोत्ले यहूदीमिमलाई रोमलामका लुनिमा लक्नी बुडुमिमका अकिलास ऊ नार्डेमे प्रिस्कलानुड इटालियालामका रोक्चिम बाईडा। पावल मेर्चिपनुड घोम्डा लस्ता,^२ हेडालोने पावल वो मेर्चिप होप्पाम डा पाल बनेबेपा मुचु बाईडा, गु मेर्चिपनुड बासाका कोयोडा खारी बुडु।^४ डेम्सिम-

डेम्सिमुनेमका पावल घोम्दीनेमडा लस्ता, मा यहूदीमिम नुड ग्रीकमिमलाई जोहोमका येशूकु दुथाम सीत्तो थेसिथेन्बेथाल्लुमी। ५ सिलास नुड तिमोथी माकेडोनियालामका रोकफाट्ची, मा पावलका हेल्लो लोवो माम्चुनीकु सीजेम कोडडा दोस्तुहोम बाईडा। गुका यहूदीमिमलाई येशू डा ख्रीष्ट ज्वाक्पा सीड्डुमी। ६ लोवो मेर्मिमका पावलकु ल्वा मेथोमिवामा ऊ कोर्थोलाम बम्डी। मेकोतिमा गुका ऊ येड्डाम *फुर्कु थेप्तो आरे बुडुमी, “खोत्ले ईनीमा मेजोपा खारीमिम ईनीमा बुईडला डा बुसीनु, गो देन्दे मेल्वाउनु। आथाडा आरे गो वाडसामामिमकाडा लडु सो।” ७ मेकोतिमा पावल मेलामका लुक्तामा घोम्दीनेमकु फार्डा बाट्पा माम्चुनीकु सोरलोले बेपा तीतस युस्तसकु नेण्डा लस्ता। ८ मे घोम्दीनेमडाम साखामचो क्रिस्पस नुड ऊ नेण्डाममिम खोत्लेका येशूडा थोर लुम्डी। कोरिन्थ शहरडाम मुचुमिमका वो हापाका पावलकु सीजेम थोसाका येशूडा थोर लुम्डीमा कु-रुदुम रम्डी। ९ कोड सिन्था मिक्सीलामडा पावललाई डाचो येशूका ज्वाम्डी, “मेडिसा, जेतो लक्सा, मा लिबा मेबाया, १० हेडालोने गो गानानुड बुडु। सुका वो गानालाई हाम वो बोमु मेचाम्नामी। ओराम शहरडा आमा मुचुमिम हापा डा बुमी।” ११ मेकोतिमा पावल कोरिन्थ शहरडा माम्चुनीकु सीजेम सीत्तो को-लेत(१८) मुनामसम्म मेर्मिमनुड बाईडा। १२ रोमी गलियोन अखैयाडाम डोक्पु साखामचो दुस्ताम थारीका खोत्ले यहूदीमिम कोल दुम्मिडी, मा पावललाई चुम्साका अदालतडा रेटिमडी, १३ मा ज्वाम्डी,

“ओरामका मुचुमिमलाई माम्चुनीकु सोरलोले बोमु ईकीमा डुम्लानुड मेघ्रोम्पा वाडमिमडा ल्वा सीत्तो लेडुमिम बु।” १४ पावलका जेमु डा खाण्डुम थारीका गलियोनका मे यहूदीमिमलाई बुडुमी, “यहूदीनी, ओराम मुचुका कोडनिम मेजोपा खारी नुड छोम मेजोपा ख्लाम्या बुवाम माला ने गो ईनीमा ल्वा थोउवा, १५ लावो सीजेममिम, नडमिम नुड ईनीमा त्वाकु डुम्लाकु दुथाममिम डा ल्वा लुक्तामका गानी ईनी त्वाका डा हाम बोनी लोवो बेनी। ओराम ल्वाडा गो हाम वो मेबेउ।” १६ आरे बुडुमीमा गलियोनका मेर्मिमलाई मे अदालतलामका खासोड्डुमी। १७ मेकोतिमा मेर्मिम खोत्लेका घोम्दीनेमडाम डाउ सोस्थेनेसलाई चुम्मिडीमा अदालतकु डादोडा डा याल्मिडी। लावो गलियोनका मेराम ल्वाथो हाम वो न मेसोकुवा।

पावल सिरियाडाम एन्टिओखियाडा ख्लोस्ताम

१८ मेकोतिमा पावल कोरिन्थ शहरडा थोरलुपामिमनुड हापा डा बाईडा। थोरलुपामिमनुड ब्वासिड्डामा अकिलास, प्रिस्किलानुड गु डोक्पु कुबी-बोक्साडा हुडडामा सिरियाथो लस्ता। लावो लमु डादो पावलका माम्चुनीनुड डादो डा ज्वाक्ताम होम्साका किंक्रियाडा ऊ *सेम खुरु। १९ मेकोतिमा मेर्मिम एफिसस शहरडा रोम्फाम्डी, मा पावलका अकिलास नुड प्रिस्किलालाई मेसिडा पार्जोल्लुची। पावल ऊ त्वाप ने घोम्दीनेमडा लस्तामा यहूदीमिमलाई सीजेमकु दुथाम थेसिथेन्होम सीड्डुमी। २० मेर्मिमका पावललाई आथा वो कोलेम-नलेम गुकुनुड बानी ज्वाम्डिम-

१८:६ *माम्चुनीका मेद्वामी मा दिफु देन्दे ग्वामी ज्वाक्पा रेम्बोमु छेखोप।

१८:१८ *यहूदीमिमका माम्चुनीनुड पेम्डिम कसम हुक्ता ज्वाक्पा रेम्बोमु सेम खुर्थाल्मिडी।(गन्ती ६:१-२१)

ज्वाम्डिमडा बेम्डी, लावो पावल मेबिसावा। २१ मेर्मिमनुड ब्वासिडडालो पावलका आरे ज्वाक्ता, “माम्चुनीकु न होड्डा दुस्ता माला, आथा वो गो गानीनुड घ्रोम्डा रोडु।” मेकोतिमा गु डोकपु कुबी-बोकसाडा हुडडामा एफिसस शहरलामका लस्ता। २२ पावल कैसरियाडा रोकफाड्डामा यरूशलेमथो लस्ता। मेम्मा मेसिन्डाम थोरलुपामिमनुड सेव साबेम्डीमा गु एन्टिओखिया शहरथो लस्ता। २३ एन्टिओखियाडा कोलेम-नलेम बाईडामा पावल गलातिया नुड फ्रिगिया दुस्तो खोत्ले थोरलुपामिमकु सो हन्बेत्तो, खोत्लेथो खिसिड्डा।

एफिसस शहरडा अपोल्लोस

२४ मेराम थारीका अलेक्जेन्ड्रिया शहरडा गक्पा अपोल्लोस ज्वाक्ता कोले यहूदी एफिससडा रोकता। गु जोहोमका जेमु थेट्पा, मा माम्चुनीकु सीजेमकु दुथाम छोम थेट्पा मुचु बाईडा। २५ गुका डाचोकाम लाम्दीकु दुथाम जोहोमका थेट्पुम बाईडा, मा गुका थेट्पुम येशूकु दुथामिम ल्वा वाडमिमलाई वो ऊ सो हन्तो जोहोमका सीथाल्लुमी। लावो यहून्नाका सीड्डुमिम कु-रुदुमकु दुथाम कोड्डा गुका चडुम बाईडा। २६ अपोल्लोस घ्रोम्दीनेमडा मेडिसाका जेमु चोम्डु। गुका जेस्ताम ल्वा प्रिस्किला नुड अकिलासका थोच्ची, मा गुलाई उची नेप्डा येट्ची। मेकोतिमा मेर्चिपका गुलाई माम्चुनीकु लाम्दीकु दुथामिम ल्वामिम मेरामडाम वो जोहोमका सीट्ची। २७ मेकोतिमा अपोल्लोस अखैयाडा लमु न बुडु। एफिससडा बाट्पा थोरलुपामिमका गुलाई लमु ऊ सो हन्बेन्साम्डी, मा अपोल्लोसलाई रनी ज्वाक्साका मेसिन्डाम सीसिपामिमलाई कोले चिट्ठी वो ज्याम्सोम्डी। अखैयाडा रोक्थिड्डामा गुका माम्चुनीकु दिदामका येशूडा थोरलुपामिमलाई छोम

ख्लोयुडुमी। २८ हेडालोने गुका माम्चुनीकु सीजेमलामका जेस्तामा येशू डा खीष्ट ज्वाक्पा ल्वा रेम्बुडु, मा यहूदीमिमलाई खोत्लेकु डादोडा ल्वालाम खाल्तो हाम ज्वामु-ज्वामु दुम्बेड्डुमी।

पावल एफिससडा

१६ अपोल्लोस कोरिन्थ शहरडा बाईडालो पावल हालाड्डी इलाकामिमलामका एफिसस शहरडा रोकफाड्डा। मेसिन्डा गुका थोरलुपामिमलाई डारूमी। २ गुका मेर्मिमनुड हिलाबुडु, “गानी थोर लुन्नीमा माम्चुनी-पेल ईनीमाडा योम्डी?” मेर्मिमका ज्वाम्डी, “माम्चुनी-पेल बुमी ज्वाक्पा ने गुकु थोत्तोकोम वो मिबु।” ३ मेकोतिमा पावलका मेर्मिमनुड ज्वाक्ता, “मा हेप्पाम रुदुम रन्नी?” मेर्मिमका ज्वाम्डी, “यूहन्नाकु कु-रुदुम रत्तोको।” ४ पावलका ज्वाक्ता, “यूहन्नाका ग्वाक्तुमिम कु-रुदुम ने छुलमिम न-गोलाम मिम्सिक्साका माम्चुनीडा ख्लोकपा रुदुम बाईडा। यूहन्नाका मुचुमिमलाई ऊ त्वापडाम चड्डा रोकपाडा थोर लुनी बुडुमिम येशूडा सो।” ५ ओराम ल्वा थोम्डीमा मेर्मिमका डाचो येशूकु नड्डा कु-रुदुम रम्डी। ६ पावलका मेर्मिमडला ऊ ल्वा जुल्लुलो माम्चुनी-पेल योम्डीमा मेर्मिम वाडसामा ल्वाडा जेम्डी, मा माम्चुनीलाम वो जेम्डी। ७ मेर्मिम खोत्ले को-न(१२) कोती बाम्डी। ८ पावल यहूदीमिमकु घ्रोम्दीनेमगोडा लस्तामा सुके मुनामसम्म मेडिसाका मुचुमिमलाई सीड्डुमी। गुका माम्चुनीकु-किब्दीकु दुथाम जोहोमका सीत्तो मेर्मिमलाई थंसिथेन्बेड्डुमी। ९ लावो कोड-कोडका लुड होप्पाम उनी न-गो बेम्डीमा थोर मेलुसाका माम्चुनीकाम सीजेमकु कोर्थोलाम खोत्लेकु डादोडा मेजोपा जेमु चोम्मिडी। मेर्मिमका पावल

सीसिपासिमनुड मेलासका लुकल्याड्डा, मा टुरान्सकु सीखोप नेमगोडा लकसाका हेल्लो लोवो सीथाल्लुमी।
 १० नक थसम्म आरेसाका डा दोस्ताम बाईडामका एशियाडा बाट्पासिम खोत्ले यहूदीसिम नुड ग्रीकसिमका येशूकु दुथामसिम सीजेम थोम्डी।
 ११ पावलसामका माम्चुनीका छोम डोकपु युमखारी बेम्डी, १२ कोड-कोडका ने पावलका लुप्डुम रुमाल नुड थवाक्पुरी डा वो लम्डीमा नोपासिमडला जुल्मिडिलो मेसिम सम्थाल्मिडी, मा मुनाड-पेलसिम वो मेसिमलाम लुम्डीमा लम्डी। १३ मुनाड पेल कोल्पा कोड-कोड यहूदीसिम वो होनो आथो खिसिक्तो डाचो येशूकु नड रसाका मुचुसिमलाम मुनाड-पेलसिम कोल्म माल्मिडी। मेसिमका मुनाड पेललाई “पावलका जेस्ताम मेराम डा येशूकु नडडा गो गानालाई ज्वाडु, लुकामा लकसा” बेम्डी। १४ स्केवास ज्वाक्मा कोड यहूदी डाउ डुम्लाचोक् येतले तारापाचोसिमका वो आरे बेम्थाल्मिडी। १५ कोलेम मुनाड-पेलका मेसिमनुड ज्वाक्ता, “येशू छेपु, मा पावल वो छेपु, सु गानी?” १६ मेकोतिमा मे मुनाड-पेलका हुपा मुचु मेसिमडला प्रोक्तो रोकतामा मेसिम खोत्लेलाई घल्वास्तुमीमा लेब्बोक्तुमी। मेसिम मेराम नेमलामका खालिन्ते नुड पारनुडमा दुम्मिडीमा स्वाम्डी। १७ ओराम ल्वा एफिससडा बाट्पा यहूदीसिम नुड ग्रीकसिमका थोम्डी। मेकोतिमा मेसिम खोत्ले छोम डा डिम्डी, मा डाचो येशूकु नड कोम्डी। १८ थोरलुपासिम छोम सेर्पा मेसिन्डा रोम्डी, मा मेसिमका बेम्डिम मेजोपा खारीसिम खोत्ले उनी न-गोलामका मिसिन्डी, मा खोत्लेकु डादोडा सोम्डी। १९ मेसिमगोडाम बैदाड डाड्पासिमका उनी किताबसिम

खोप्मिडीमा रेट्मिडी, मा खोत्लेकु डादोडा चाम्डी। मेसिमका मेसिम किताबकु थि डार्मिडीलो डोसड-सड(५०,०००) मतोकु खउलुडकाम बाईडा। २० आरेसाका माम्चुनीकु सीसि युमनुडमा दुम्साका फोन्सिक्तो नुड बर्तो लस्ता। २१ ओसिम ल्वा दुस्ताम चडडा पावलका माकेडोनिया नुड अखैया दुम्तो यरूशलेम लक्पा मुलु बुडु। गुका ज्वाक्ता, “यरूशलेम लडुमा गो रोम शहरडा वो लम् बासी।” २२ मेकोतिमा गुलाई खलोपाचिप तिमोथी नुड इरास्तसलाई पावलका माकेडोनियाथो थुर्डुची। लावो गु ने कोलेम-नलेम एशियाडा डा बाईल्याड्डा।

एफिससडा मूर्ति बनेपासिम पावलकु कोथोलाम डाल्मिडिम

२३ मेराम थारीबिली डा एफिसस शहरडा ख्रीष्टकु लाम्दीकु दुथाम छोम येम्डी-दुम्डी। २४ हेडालोने मतोकु खारी बेपा डेमेत्रियस नडकाम कोले मुचु बाईडा। मेरामका *आर्तिस देवीकु याक्के-याक्केतो मतोकु सोरनेम होप्पाम बनेबुथाल्लु, मा मतोकु खारी बेपासिमलाई छोम खउलुड डुप्साडुडुसिम बाईडा। २५ गुका मतोकु खारी बेबेडुडुसिम मेसिम नुड मेप्पाम डा खारी बेपा वाडसिम मुचुसिमलाई खोप्डुमीमा आरे बुडुमी, “डोप्सोनी, ओराम खारीलाम गुई छोम खउलुड डुप्तोडा बिईसिम ल्वा ने गानी चनिमिम बु। २६ लावो पावलका हाम बेत्तोडा लेंडु, मेराम गानी खोत्लेका ल्वात्तो नुड थोत्तो बोनी। पावलका मुचुकु ल्वाका बनेबोमीसिम ने माम्चुनी मेण् ज्वाक्तो डा बुसिम बु। गुका ओ एफिसस नुड एशियाडा बाट्पा हापा सेर्पा मुचुसिमलाई लेम्डुमीमा फाल्मु खाप्डुसिम बु। २७ मुचुसिमका ईकीमा ब्यापार

† १६:२४ *एफिससडा पुजेबोमीसिम ग्रीक देवी।

जोपा मिम्मीडिम बु। मेराम मेद्वामी
ज्वाक्पा डिम कोड्डा मेएँ, डोकपु
देवी आर्तेमिसकु सोरनेम वो हाम ना
हामकाम दुम। मेम्मा एशिया नुड खोत्ले
सुम्दिसेरडाम मुचुमिमका डोकपु मिम्मु
डिन्मी। २८ ओराम थोम्डीमा मेर्मिम उनी
छोकचोका प्लोडुमी, मा “एफिसीमिमकु
आर्तेमिस डोकपु बुमी!” ज्वाक्तो येम्डी।
२९ खोत्ले शहरडा मुचुमिम येम्डी-
दुम्डी, मा मेर्मिम खोत्ले खोम्सिम्डीमा
पावलनुड लाम्दीपा माकेडोनियाडा
बाट्पा गायस नुड अरिस्तार्खसलाई
चुम्मिडी, मा *रङ्गशालागोनो थुत्तो
लम्डी। ३० पावल वो सेर्पा मुचुमिमकु
डादोडा लमुमा मुचुमिमनुड जेमु न बुडु,
लावो सीसिपामिमका गुलाई मेथुमिवा।
३१ एशियाडाम कोडनिम साखामचोमिम
वो पावलकु डोप्सो बाम्डी, मा मेर्मिमका
पावल मेसिन्डा मेलमीनु ज्वाक्साका
सेला थुर्सोम्डी। ३२ मेसिन्डा घ्रोम्पा खोत्ले
मुचुमिम छोम येम्डी-दुम्डी, कोडनिम
मुचुमिम कोले ल्वा सोसाका मा वाडमी
मुचुमिम ने वाडमी डा ल्वा सोसाका
येम्डी। लावो मेसिन्डा रोकपामिमगोडा
हापाका ने हेडा खोम्सिम्डिम ज्वाक्पा वो
चम्डिम मेबायावा। ३३ मे यहदीमिमका
अलेक्जेन्डर ज्वाक्मालाई खोत्ले
मुचुमिमकु डादोनो येम्सिबेट्मिडी।
मेकोतिमा मेर्मिमगोडाम कोड-कोडका
हाम-हम सोनी ज्वाक्साका गुनुड
ज्वाम्डी। अलेक्जेन्डरका ऊ ल्वा
थोत्तो मे मुचुमिमनुड हाम-हम सोमु
माल्लु। ३४ लावो मेर्मिमका गु ने यहदी
ज्वाक्पा चम्डी, मा खोत्ले कोड सि
दुम्साका नक घण्टासम्म, “एफिसीमिमकु
आर्तेमिस डोकपु बुमी!” ज्वाक्तो डोकपु
लोलामका येम्डी। ३५ चडडा शहरडाम
सचिवका मे सेर्पा मुचुमिमलाई लिबा
बाबेड्डुमी, मा बुडुमी, “एफिससडाम
मुचुनी, एफिसीमिमकु शहर ने घल्वापा

आर्तेमिसकु सोरनेम नुड धामुलाम आल्पा
ऊ मूर्ति जोहोमका बोपा-थार्पा ज्वाक्पा
ल्वा सुका मेचवाम बु मा? ३६ ओराम
ल्वा सुका वो मेएँ ज्वामु मेचाम्मी
ज्वाक्पा ल्वा ने गानी चनीमिम डा बु,
मेम्मिमका गानी मेडालनी, ईम्नीमा बानी।
३७ हेडालोने गानी रेटिनम ओर्चिप मुचुका
सोरनेम वो पिच्चिम मिबु, मा ईकी देवी
आर्तेमिसकु कोर्थोलाममिम ल्वा हाम
वो जेच्चिम मिबु। ३८ डेमेत्रियस नुड
गुनुड खारी बेपामिमकाडा कोडनिमकु
कोर्थोलाममिम रीबुसी-ल्वा बु माला,
अदालतडा नुड निया बेपामिमकाडा
लमीनुमा उनी त्वाप-त्वापडा मेसिन्डा
खाल्बोमु चाम्मी। ३९ लावो ओरामडाम
आथा वो जेमु न बोनी माला, डुम्लानुड
घ्रोम्पा निया बेखोप शहरडाम घ्रोम्दीडा
ओराम ल्वाकु मुलु दुम। ४० आनेपमिम
ओराम रीबुसी-ल्वाकु देन्दे ईकीमा
बुईडला रो ज्वाक्पा डिम लुडाम
बु। हेडालोने ओराम हाम ना हामकु
रीबुसी-ल्वाकु दुथाम गुई हाम वो ज्वामु
मेचाप्सी।” ४१ आकोती ज्वाक्तामा
मेलामका मेर्मिम खोत्लेलाई थुर्सोक्तुमी।

पावल माकेडोनिया नुड ग्रीस लस्ताम

२० मे रीबुसी-ल्वा दाम्स्ताम चडडा
पावलका सीसिपामिमलाई
येड्डुमी, मा मेर्मिमलाई लुम्ला
बेड्डुमी। मेकोतिमा मेर्मिमनुड
ब्लासिड्डामा माकेडोनियाथो लस्ता।
२ मेसिन्डाम देलगुथाबाडे पावल लस्तामा
थोरलुपामिमकु उनी सो हन्बेट्जोल्लुमी,
मा गु ग्रीसथो र्लोसिड्डा। ३ गु
सुक मुनाम मेसिन्डा डा बाईडा।
मेकोतिमा डोकपु कुबी-बोकसालामका
सिरियाथो लमु न बुडुम बाईडा, लावो
यहदीमिमका पावलकु दुथाम मेजोपा मुलु
बेम्डिमका गुका माकेडोनियालामका डा
र्लोसिम्मुमा लमु न बुडु। ४ मेकोतिलो

१६:२६ *मुचुमिम घ्रोमखोप, नाटक रेम्बेखोप, चाम्सीखोप डोकपु खोम।

बेरिया शहरडाम पुरसकु तारापाचो सोपात्रोस, थेसलोनिके शहरलामका रोक्पा अरिस्तार्खस, सिकन्दस, डर्बी शहरडाम गायस, तिमोथी, एशियाडाम तुखिकस नुड त्रोफिमस पावलनुड लम्डी।
 ५ ओर्मिम मुचु गुकुडाम डादो डा लम्डीमा त्रोआस शहरडा लथाक्तिकिम बाम्डी।
 ६ गुकु ने *लडखाम मान्थिम सोबेम पोमु चाडकु चडडा फिलिप्पीलामका डोक्पु कुबी-बोक्साडा हुत्तोकोमा डोलेमका त्रोआस शहरडा मेर्मिमकाडा रोक्फात्तोको। मेसिन्डा गुकु येत्लेम बात्तोको। †

पावलका युटिकसलाई सिमुलामका फक्तुम

७ सिलापालेमनेम† नेम्था येशूकु गुला पेण्डा गुकु खोम्सिक्तोको, मा पावल ने ऊ दिकामनेम लमु न बुडुमका मेसिन्डाम थोरलुपामिमनुड सिन्थाम को-न(१२) जेस्तामसम्म ल्वा बुडुम बाईडा। ८ गुकु खोम्सिक्तोकोम नेमडलाम बाखोपडा सर्पा धिप्पीमिम बाम्डी।
 ९ युटिकस ज्वाक्मा कोड स्वाला दोचिमडा गन्तासिड्डाम बाईडा। पावलका छोम ल्वा जेस्तामका मेरामका मुकुपा बुडु, मा मुकुपा बुडुहोड्डा मेराम सुक तलालामका क्वायु हुम्स्ता, मा मेरामलाई मुचुमिमका सिप्ल्याक्पा डार्मिडी। १० पावल धालु योक्ता, मा मेरामलाई सोको फोण्डु, मेम्मा ज्वाक्ता, “ईनीमा लो मेदान्नु, औराम मुचु सिडाम मिबु।” ११ मेकोतिमा पावल नेमडलाम बाखोपडा लस्तामा गुला पेन्डिम चडडा नेमसोसोसम्म हापा ल्वामिम बुडुमा पावल मेलामका लस्ता। १२ मुचुमिमका मे युटिकसलाई नुप्ल्याक्पा डा लम्डी, मा मेर्मिम छोम उनी न-थोम बन्सिमडी।

पावल त्रोआस शहरलामका मिलेटस शहरडा लस्ताम

१३ पावलका लाम्दीसाका लमु चोचुम्डुम बाईडा, मा गुकु अस्सोस शहरलामका गुलाई डोक्पु कुबी-बोक्साडा हुबेट्पा मुलु बेत्तोकोम बाईडा। मेर्मिमका गुकु डादो डा डोक्पु कुबी-बोक्साडा हुत्तोकोमा अस्सोस शहरथो लक्तोको। १४ पावलका गुकुलाई अस्सोस शहरडा डार्तिकी, मा गुनुड डोक्पु कुबी-बोक्साडा कोयोडा मितिलेने शहरथो लक्तोको। १५ ऊ दिकामनेम मेलामका गुकु डोक्पु कुबी-बोक्साडा हुत्तोको, मा खियस टापु फार्डा रोक्फात्तोको। मेकोतिमा ऊ नहाददामनेम गुकु सामोस टापुडा रोक्फात्तोको। मेकोतिमा ऊ सुहाददामनेम गुकु मिलेटस शहरडा रोक्तोको। १६ एशियालामका दालाडा लक्ल्याक्पा न बुडुमका पावलका एफिससडा मेलुक्साका डा लमु न बुडु। हेडालोने भाममाला पेन्तिकोस चाडकु थारीका यरूशलेमडा रोम्थिमु गु छोम छुरुप-छुरुप लुडाम बाईडा।

पावल एफिससडाम एल्डरमिमनुड ल्वासिड्डाम

१७ पावलका मिलेटसलामका एफिससडा बाट्पा मण्डलीडाम एल्डरमिम येड्डा मुचुमिम थुर्दुमी। १८ मेर्मिम पावलकाडा रोम्फाम्डी, मा पावलका मेर्मिमनुड ज्वाक्ता, “एशियाडा रोडडोमनेमलो आथाम खोत्ले थारीका गानीनुड गो हेसाका बाडडो, मेराम ने गानी चनीमिम डा बु। १९ यहदीमिमका आमा दुथाम मेजोपा मुलु बेन्डिम थारीका वो गो याक्के दुम्साका ख्राप्तो माम्चुनीकु खारी डा बेउताम बाडडो। २० गानी

†२०:६ *प्रस्थान १२:१७-२० डा रेप्नी।

†२०:७ शनिवार

ईनीमा थोरलुसीडा बर्तो लनी ज्वाक्साका गो गानीलाई आमा नड्डा हाम वो मेमुसिक्साका येशूकु दुथाममिम ल्वा खोत्ले मुचुमिमकु डादोडा नुड ईनीमा नेम-नेमडा लक्साका सीटिननिम ल्वा ने चनीमिम डा बु। २१ यहूदीमिम नुड ग्रीकमिमलाई ईनीमा त्वाकु छुलामिम न-गोलामका मिम्सीसाका माम्चुनीडा ख्लोन्सिटनी, मा डाचो येशूडा थोरलुनी ज्वाक्साका ज्वाड्डोम बु। २२ “रेप्नी, माम्चुनी-पेलका बट्टिडरीमिमका गो यरूशलेमथो लक्तोडा बेउ। मेसिन्डा गोलाई हाम दुम गो मेचक्पु। २३ आकोति कोडडा चक्पु, शहर-शहरडा गो खिसिंडुलो दुखामिम गोडला रोमी, मा चडिमी वो ज्वाक्साका माम्चुनी-पेलका आमा न छ्यामी। २४ लावो गो आमा मिरोम त्वाकाम लागि हाम होड्डा वो मेलुडु। गो आकोती कोडडा मालमिम बु- येशू खीष्टका गोलाई ग्वाड्डोमिम माम्चुनीकु दिदामकु दुथाममिम जोपा-सेलाकु खारी गो मडेसिसाका बोम्सोमु चापुनु। २५ रेप्नी, गानीगोडा खोत्लेनुड गो माम्चुनीकु-किब्दीकु दुथाम जोपा-सेला थोबेटनीनिम बाईडा। आथाडा आरे गानी सुका वो आमा डाली मेल्वानी ज्वाक्पा गो चक्तोम बु। २६ मेमिमका आनेप गो गानीनुड ओराम ल्वा ज्वाक्तोडा बेउ, येशूडा गानी थोर मेलुसाका सिन्नी माला आमा *बुईडला मेजोपा मेरो। २७ हेडालोने माम्चुनीकु खोत्ले न-थोम गानीनुड सोमुडाम गो लिबा बाड्डोम मिबु। २८ गानी ईनीमा त्वाप नुड खोत्ले थोरलुपामिमकाम लागि चडचडया बानी वो! माम्चुनी-पेलका गानीलाई मे थोरलुपामिम रेपा खुन्चुम खुबेटनीमिम बु। मेमिमका गुमीका उनीमा त्वाकु तारापाचो येशूकु सिसिका ब्रेम्डिम माम्चुनीकु मण्डलीलाई न-गो सोक्नीमा जोहोमका रेप्नी। २९ हेडालोने गो

डिन्जोल्लिनीमा लडुमिम चडडा डिमलुपा फारा होप्पाम मुचुमिम गानीगोडा रोमी, मा मेर्मिमका खोत्ले थोरलुपामिमलाई पुयु लुन्मु माल्मी होड्डा गो लुडडोम बु। ३० गानीगोलामका डा लिमाथेट्पा, मा ब्लोपा मुचुमिम लुमी सो! मेर्मिमका थोरलुपामिमलाई फ्वाामीमा लमी। ३१ मेमिमका ओराम ल्वा मिम्नीमा चडचडया बानी वो! गो हेसाका सुक थसम्म नेम्फु-सिन्था खाप्तो खोत्ले मुचुमिमलाई चडचडया बाबेतोमिम बाईडा। ३२ आथा गो गानीलाई माम्चुनीकु ल्वाड्डा नुड उनी दिदामकु सीजेमडा जुल्लिनी, मौरामलामका माम्चुनीका ईनीमा थोर बर्बेतो लमी, मा उनी त्वाकु मुचुमिमगोडा जि ल्वापा दुम्बेनी। ३३ गो सुकाम वो सोना, मतो नुड ये-सेमकाम रारी मेबेउवा। ३४ ओराम ल्वाका डा आ त्वाप मा गोनुड बाट्पामिमलाई चाहेदुम्पा खोत्ले बसाड्डुमिम गानी चनीमिम डा बु। ३५ खोत्ले ब्राम्दील्वा बेउतोमा गानीलाई रेम्बेटिननिम बु सो। गानी वो आरेसाका डा छोनीमा मेचापामिमलाई ख्लोमुमी बासी। येशूका ज्वाम्डिम ओराम सीजेम मिम्नी सो “ग्वामु डा रमुडाम वो आलाकाम दुम सो।” ३६ आकोती ज्वाक्तामा पावलका ऋचुखुम बुडु, मा मेर्मिम खोत्लेनुड कोयोडा सोम्दी बुडु। ३७ मेकोतिमा मेर्मिम खोत्लेडा ख्राम्पिडी, मा पावललाई फोम्पिडीमा चुप बेम्डी। ३८ आथाडा आनो हाम्सी वो आमा डाली मेल्वानी ज्वाक्साका पावलका ज्वाक्ताम ल्वाडा छोम मेर्मिमकु न ख्राम्पिडा। मेकोतिमा मेर्मिमका पावललाई डोकपु कुबी-बोक्सा फार्डा सोम्थिम्डी।

पावल यरूशलेम लाम्दीडाम

२१ मे एफिससडाम एल्डरमिमनुड
ब्रासिक्तोकोमा गुकु डोकपु

†२०:२६ *ग्रीक बाइबलडा सिसिकु देन्दे ज्याक्सा बु।

कुबी-बोकसाडा हुसाका आनो-मेनो
 मैलुक्साका कोस टापुडा रोकतोको। ऊ
 दिकामनेम रोडस टापुडा लुक्तोको, मा
 मेलामका पटारा शहरडा रोकफात्तोको।
 २ मेकोतिमा फोनिकेथो लक्पा कोले
 डोकपु कुबी-बोकसा डार्तोको, मा गुकु
 मेरामडा डा हुसाका लक्तोको। ३ साइप्रस
 टापु फार्डा रोकफात्तोकोमा मेरामकु
 दक्षिणलाम दुम्साका सिरियालामका
 टुरोस शहरडा लुक्तोको। हेडालोने
 डोकपु कुबी-बोकसाडाम मोमसोजाम
 मेसिन्डा पार्जोल्मु बासिकपा बाईडा।
 ४ मेसिन्डा सीसिपामिमलाई माल्साका
 डार्तोकोमी, मा मेर्मिमनुड गुकु येत्लेम
 बात्तोको। मेर्मिमका माम्चुनी-पेललामका
 पावललाई यरूशलेमडा मेलक्नी बेम्डी।
 ५ मेलामका आकी लाम्दीमु थारीका
 मेर्मिम उनी नाईमे नुड चोमिम खोत्लेका
 गुकुलाई शहरकु पाखानो दिरिदिन
 फार्डा सोक्थिक्तिकीमी। मेम्मा गुकु
 मेसिन्डा ऋचुखुम बेसाका सोम्दी
 बेत्तोको, मा मेर्मिमनुड ब्वासिक्तोको।
 ६ मेकोतिमा गुकु डोकपु कुबी-
 बोकसाडा हुत्तोको, मेर्मिम ने उनी
 नेम र्लोम्सिम्डी। ७ टुरोसलामका
 डोकपु कुबी-बोकसाडा गुकु टोलेमाइस
 शहरडा रोकफात्तोको। मेसिन्डा
 थोरलुपामिमलाई क्रोम्तोकोमा मेर्मिमनुड
 कोलेम बात्तोको। ८ ऊ दिकामनेम
 मेलामका ब्वासिक्तोकोमा कैसरिया
 शहरडा रोकतोको, मा जोपा-सेला
 थोबेट्पा फिलिपकु नेण्डा लक्तोको।
 गु यरूशलेमडा माम्चुनीकु सोरलोले
 बेपा थुट्टिमडिम येत्लेमिमगोडाम कोले
 बाईडा, मा गुकु मेराम नुडडा बात्तोको।
 ९ मेरामकाम लालीकुन्दा मेबेथिडा
 बाट्पा बल्ले जाउमाचोमिम बाम्डी,
 मेर्मिमका माम्चुनीलाम जेम्थाल्मिडी।
 १० मेसिन्डा गुकु कोलेम-नलेम
 बात्तोकोलो यहूदियाडाम अगाबस
 नडकाम माम्चुनीलाम-जेपा कोड मुचु

मेगोडा योक्ता। ११ अगाबस आकीमाडा
 रोकतामा पावलकु थ्वाक्पुरी रसाका
 अगाबसका ऊ त्वाकु ल्वा-खेल
 बड्डुमा ज्वाक्ता, “माम्चुनी-पेलका आरे
 ज्वामी ‘ओराम थ्वाक्पुरीकु मुचुलाई
 यरूशलेमडा यहूदीमिमका आरेसाका
 डा बन्मीमा वाडसामामिमकु ल्वाड्डा
 ग्वामी’।” १२ ओराम ल्वा थोत्तोकोमा
 मेसिन्डाम मुचुमिम नुड गुकु खोत्ले
 बासित्तोकोमा पावललाई यरूशलेम
 मेलक्नी ज्वाक्तोकोम-ज्वाक्तोकोम डा
 बेत्तोको। १३ लावो पावलका ज्वाक्ता,
 “गानी हेडा आरेसाका ख्राम्नीमा आमा
 न चनिमिम? गो डाचो येशूकाम लागि
 यरूशलेमडा बन्लासोम्सिम कोड्डा
 मेएँ, सिमु डा वो हाम होड्डा मेलुडु।
 १४ पावललाई गुकु लेम्मु मेचाक्कुवा
 मा, “माम्चुनीकु न होड्डा दुम्मु”
 ज्वाक्तोकोमा वाय-वाय बात्तोको।
 १५ आकोतिमा कोलेम-नलेम चड्डा
 गुकु यरूशलेम लमु भोम्सिक्तोकोमा
 लाम्दीत्तोको। १६ कैसरियाडाम कोले-
 नले थोरलुपामिम वो गुकुनुडडा
 लम्डी। मेकोतिमा मेर्मिमका गुकुलाई
 साइप्रस टापुडाम कोले माकेवाम
 थोरलुपा मनासोन ज्वाक्मा मुचुकु
 नेण्डा र्लुक्तिकीमी, मा मेसिन्डा गुकु
 बात्तोको।

पावल यरूशलेम रोकथिड्डाम

१७ गुकु यरूशलेमडा रोकथिक्तोकोमा
 खोत्ले थोरलुपामिमका गुकुलाई
 छोम गेसिक्तो क्रोम्तिकीमी। १८ ऊ
 दिकामनेम पावलनुड गुकु याकूबकाडा
 लक्तोको। मेसिन्डा खोत्ले एल्डरमिम
 खोम्सिम्डिम बाईडा। १९ मेर्मिमनुड
 ग्नोम्मिडीमा पावलका वाडसामामिमलाई
 जोपा-सेला थोबेड्डुमीलो माम्चुनीका
 हे-हेप्पाम खारीमिम बेम्डी, मेर्मिम
 खोत्ले पेन्तीका सीड्डुमी। २० ओराम
 थोम्डीमा मेर्मिमका माम्चुनीकु नड

कोम्डी। मेकोतिमा मेर्मिमका पावलनुड ज्वाम्डी, “रेप्नी छारी, यहूदीमिमगोडा थोरलुपामिम छोम सेर्पा बुमी, मा मोशाकु दुम्ला होम्साका खारी बामु मेर्मिम चडको-चडको बुमी। २१ मेर्मिमका ईनीमा दुथाम कोडनिम ल्वा थोम्डिम बु, मेराम ल्वा ‘वाडसामामिमकु थेतोडा बाट्पा यहूदीमिमलाई गानी मोशाकु दुम्ला डेट्नी, ईनीमा चोच्चोमिमकाम *खिरिरी मेक्रिमसाट्नी, मा बेप-पापका बेम्खेम्डिम दुम्ला होम्साका मेबेनी’ ज्वाक्साका सौट्निम बु ए। १२२ हाम बोमुमा, गानी रोनिम बु ज्वाक्पा मेर्मिमका थोम्ल्याट्मी। २३ मेर्मिमका गुकु ज्वाकुमिम थोनी, माम्चुनीनुड डादो ज्वाम्डिम होम्साका सेम खुपां बलले मुचुमिम आसिन्डा बुमी। २४ लक्नीमा गानी वो ओर्मिमनुड कोयोडा *सेपा दुम्पा खारी बेनी, मा ओर्मिमलाई चाहेदुम्पा खउलुड ने गानी डा सोन्साट्नी, मा ओर्मिमका उनी सेम खुर्मीनु। आरेसाका गानी मोशाकु दुम्ला होम्साका बोनीमिम ल्वामी, मा ईनीमा दुथाम थोम्डिम ल्वा आच्छाडा मेएँ रेछा ज्वाक्पा खोत्लेका चमी। १२५ लावो थोरलुपा वाडसामामिमलाई गुकु आरेप्पाम चिट्ठी ज्वाक्तोकोमा थुर्तोकोम बु गानी मूर्तिलाई सासेट्मा पोमु-डुमु, लक्चा रिम्साका सेट्मा सो नुड सिंसि मेपेनी, मा नाम्सुर मेबेनी।” २६ पावलका मे बलले मुचुमिम लडुमी, मा ऊ दिकाम मेर्मिमनुड गु वो सेपा दुम्पा खारी बुडु। मेकोतिमा सेपा दुम्मुकु दुथाममिम उपास हाम्सी हु, मा मे खोत्ले सेपा दुम्मिमिमकु दुथाम हाम्सी सासेन्मु बासी ज्वाण्डा पावल सोरनेमगोनो हुड्डा।

सोरनेमगोडा पावललाई चुम्मिडिम

२७ सेपा दुम्मुकु दुथाममिम उपास येतलेम लिसाका हुमु खाप्स्तुलो

एशियालामका रोकपा यहूदीमिमका सोरनेमगोनो पावललाई ल्वाम्डी, मा सेर्पा मुचुमिमलाई कोम्डिमा गुलाई चुम्मिडी। २८ मेकोतिमा मेर्मिम आरे ज्वाक्तो येम्डी, “इसाएलडाम वा-ल्वाकनी, ख्लोकिनी! मुचुमिमलाई बान्तेमेनो ईकीमा सामा, ईकीमा दुम्ला मा ईकीमा सोरनेमकु कोर्थोलाम सौप्बाल्पा मुचु ओराम डा सो। मेकोती कोड्डा मेएँ, ओरामका ग्रीक वाडसामामिमलाई वो सोरनेमगोडा रेड्डुमी, मा माम्चुनीकु सोरनेमलाई मेसेपा दुम्बेड्डुम बु।” २९ हेडालोने एफिससलामका रोकपा वाडसामा त्रोफिमसलाई मेर्मिमका पावलनुड कोयोडा शहरडा बाच्चिम ल्वाम्डिम बाईडा, मा पावलका मेरामलाई सोरनेमगोनो रेड्डु ज्वाक्पा मिम्मिडिम बाईडा। ३० आरेसाका येम्डिम-दुम्डिम ल्वा शहरडा खोत्लेथो थोम्डी, मा मुचुमिम खोत्लेलामका मेसिन्डा ओन्तो रोम्डी। मेर्मिमका पावललाई सोरनेमगोलामका रो-रोन्थुत्तो पाखानो ख्लुम्डी, मा सोरनेमकु लाम्चोको चम्ल्याम्डी। ३१ मेर्मिमका पावललाई सेन्मु खाप्मिडिम बाईडा। मेकोतिलो यरूशलेम शहरडा मुचुमिम येम्डिम-दुम्डिम ल्वा रोमी पल्टनडाम कमाण्डरका थोस्तु। ३२ गुका सिपाहीमिम नुड कप्तानमिम रेड्डुमीमा ओन्तो मेसिन्डा रोकता। मेर्मिमका कमाण्डर नुड सिपाहीमिम ल्वाम्डीमा पावललाई याल्मु डिड्मीडी। ३३ ऊ फार्डा रोकतामा मे कमाण्डरका पावललाई चुम्डु, मा नले सेल रिवाका बन्बेड्डुमी। मेकोतिमा मे सेर्पा मुचुमिमलाई गुका, “सु ओराम, मा ओरामका हाम बुडु?” ज्वाक्तामा हिलाबुडुमी। ३४ लावो मे सेर्पा मुचुमिमगोडाम याडका कोले ल्वा, याडका वाडमी डा ल्वा ज्वाम्डीमा

१२१:२१ *माम्चुनीकु मुचु ज्वाक्साका रेम्बेपा छेखोप।

१२१:२४ *यहूदीमिमका माम्चुनीकु डादोडा पेम्डिम कसम हुक्ता ज्वाक्पा रेम्बोमु।

येम्डी। मेम्मा मेर्मिम येम्डिमका गुका हाम वो ल्वा थेसिथेन्मु मेचाप्सुवा। मेकोतिमा पावललाई सेनामिमकु ब्यारेकडा लनी बुडुमी।^{३५} सिपाहीमिमका पावल लम्डीमा लम्डीलो सेर्पा मुचुमिमका चडचड खात्तो लम्डी। देम्कुलीलाम गेले गेमु खाप्पीडिलो सेर्पा मुचुमिमका पावललाई सेन्मु माल्मिडिमका सिपाहीमिमका पावललाई कोम्डीमा लम्डी।^{३६} हेडालोने सेर्पा मुचुमिमका “मेरामलाई सेट्नी!” ज्वाक्ता येत्तो ऊ चडचड खाट्मिडिम बाईडा।^{३७} सेनामिमकु ब्यारेकडा रेन्थिमु खाप्पीडिलो पावलका मे कमाण्डरनुड ज्वाक्ता, “डाचो, गो कोले-नले ल्वा गानीनुड जेमु चापु?” गुका ज्वाक्ता, “हाम गाना ग्रीक ल्वा जेमु थेना?^{३८} बास्ता-नेहोनेम डा रीबुसी किन्मु चोम्पा मा ब्ल-धुमसड(४,०००) रीबुसी किट्पामिमलाई सोब्दीथो लक्पा मिश्री गाना डा मे डे?”^{३९} पावलका ज्वाक्ता, “गो किलिकियाकु डोकपु शहर टार्ससडाम नागरिक यहूदी सो। गो गानीनुड ज्वाडु, ओर्मिम मुचुमिमनुड कोले-नले ल्वा जेमु ग्वाडुनी।”^{४०} कमाण्डरका पावललाई जेमु ग्वाक्तुमका, देम्कुलीडा येम्स्तामा ऊ ल्वा थोत्तो मे सेर्पा मुचुमिमलाई लिबा बाबेडुमी। मुचुमिम लिबा बाम्डिम चडडा गुका मेर्मिमनुड हिब्रू ल्वालाम आरे ज्वाक्ता,

२२ “माम-पाप, वा-ल्वाकनी, ओम्लो गो ईनीमा डादोडा आमा दुथाममिम ल्वा जेडुमिम थोनी।”^२ पावल हिब्रू ल्वालाम जेस्ताम थोम्डीमा मेर्मिम बासिम्डाम वो छोम लिबा बाम्डी।^३ पावलका ज्वाक्ता, “गो किलिकियाकु शहर टार्ससडा गडडोम यहूदी, लावो गमलिणललामका ईकीमा डाउ-खुउकु डुम्लामिम गो चडको-चडको दुम्साका सौसिडुडो, मा ओराम शहरडा बर्डाडो।

आनेप गानी माम्चुनीडा हाडको ईनीमा सो हन्पा बुनी, मेकोतिडा आमा वो सो हन्पा बाईडा।^४ गो ओराम लाम्डीडा लाम्डीपा मुचुमिमलाई उनी सिमथारीसम्म थोम तेसाक्तोमी। मेकोतिमा वोस्चो-मेसेममिमलाई बसाका भ्यालखानडा चक्थाल्तोमी।^५ डोकपु डाउ डुम्लाचो नुड डोकपु घ्रोम्डीडाम खोत्ले मुचुमिमका गानीलाई ओराम आच्छाडा ज्वाक्साका ज्वामु चाम्मी। दमस्कस शहरडाम थोरलुपामिमलाई चुम्मुमा देन्दे ग्वाण्डा यरूशलेमडा रेन्मु लागि मेर्मिमका दमस्कसडाम यहूदी डाचोमिमलाई चिट्टी ज्याम्डी, मा ग्वाडुसोडिडिम बाईडा।^६ नेम्फुम थारीबिली गो दमस्कसडा रोडफाडडोलो पाहिलामका कोचोत्ति कोड डोकपु ओल आमा होनोलाम-आथोलाम भवाक्ता,^७ मा गो क्वायु भार्डाडो, मा गोनुड आरे ज्वाक्ताम लोलाम थोउतो, ‘ए शाऊल, शाऊल, गाना हेडा आमा थोम तेर्नामिम?’^८ मेकोतिमा गो ज्वाडुडो, ‘डाचो, गानी सु?’ मेकोतिमा गुमीका गोनुड ज्वाम्डी, ‘गो नासरतडाम येसू, आमा थोम गाना तेर्तोडालेनामिम बु।’^९ गोनुड लक्पामिमका ओल ने ल्वाम्डी, लावो गोनुड जेपाकु लोलाम मेथोमिवा।^{१०} गो ज्वाडुडो, ‘डाचो, आथा गो हाम बेउमिम?’ मेकोतिमा डाचोका गोनुड ज्वाम्डी, ‘बका, मा दमस्कस शहरडा लक्सा, मा गाना बोमु बासिट्पा डादोडा मुलु बेउतोम मेराम खारीमिम गानालाई सीनामी।’^{११} मेराम ओलकु भवाक्सीका गो हाम वो मेल्लाउवा, मा गोनुड बाट्पामिमका आमा ल्वाडुडा भेसाका दमस्कस शहरडा रेट्डीरीमी।^{१२} “हननिया ज्वाक्सा माम्चुनीकु न-गो होप्पाम, मा मोशाकु डुम्लाका ज्वामिम होम्साका दोपा कोले मुचु बाईडा। मेरामलाई मेसिन्डाम खोत्ले यहूदीमिमका जोपा मिम्थाल्मिडिम

बाईडा।^{१३} गु आमाडा रोकता, मा आमा फार्डा येम्सिक्साका गोनुड ज्वाक्ता, “छारी शाऊल, ईमा मिक्सी ह्वासीनुमा ल्वानानु।” मेकोतिलोडा आमा मिक्सी ह्वास्ता, मा गुलाई ल्वाउतो।^{१४} मेकोतिमा गुका ज्वाक्ता, “ईकीमा डाउ-खुउमिमकु माम्चुनीका गाना उनीमा न थेसिथेन्मु मा *माम्चुनीकु न-गोनुडमा येशूलाई ल्वामु मा गुमीका जेमिमिम थोमु गानालाई थुट्नामिम बु।^{१५} हेडालोने उनीमा दुथाम गान हाम ल्वान्नाम, थोन्नाम बु, मेर्मिम खोत्ले मुचुमिमकु डादोडा गाना सोपा दुम्ना।^{१६} मेम्मिमका दाला बासा, बकामा कु-रुदुम रडा। मेकोतिमा उनीमा नडडा सोम्दी बेमा ईमा छुल हेप्डा।^{१७} यरूशलेमडा ख्लोसिड्डोमा रोडडो, मा सोरनेमगोनो सोम्दी बेउतोम बाडडोलो गो मिक्सीलाम ल्वाउतो,^{१८} मेकोतिलो गुमीका गोनुड आरे ज्वाक्तोडा बेम्डिम ल्वाउतो, ‘दाला बासामा यरूशलेमलामका लुकल्याडा, हेडालोने गाना मेर्मिमनुड सोनामिम आमा दुथाममिम ल्वा मेर्मिमका मेथोमी।’^{१९} मेकोतिमा गो गुमीनुड ज्वाडडो, ‘डाचो, गो घोम्दीनेम-नेमडा लडडोमा गानीडा थोर लुपामिमलाई भयालखानडा चक्तोमिम, मा याल्तोमिम ल्वा ओर्मिम खोत्लेका चमीमिम डा बु।^{२०} ईनीमा दुथाम सोपा स्तिफनस सेट्मडिलो गो मेर्मिमकु फार्डा डा येम्तासिट्डोरो, मा सेट्पामिमलाम बाडिसड्डोमा मेर्मिमकु ये-सेम लथाक्तोम वो मेर्मिमका चमीमिम डा बु।’^{२१} गुमीका गोनुड ज्वाम्डी, ‘मेलामका लक्सा, गो गानालाई हापा होनोवा बाट्पा वाडसामामिमकाडा थुर्नी।’^{२२} मेर्मिमका पावलकु ल्वा आकोतीडा थोम्डी, मा आरेसाका येत्तो प्रोमु चोम्मिडी, “ओराम मुचुलाई सेट्नी, हेडालोने ओराम मुचु सुबुडा बुमुका घेट्पा मिबु।”^{२३} मेर्मिमका

छोक्चोका उनीमा त्वाकु ये-सेम आक्तो नुड फुकुलुम फोत्तो येमु चोम्मिडी।^{२४} कमाण्डरका ज्वाक्ता, “पावललाई ब्यारेकगोनो रेट्नी, मा हेडा मेरामकु कोर्थोलाम मेर्मिम येमीमिम बुमी, मेराम थेसीथेन्मु कोक्तेकु रिवाका याल्तो हिलाबेनी।”^{२५} मेकोतिमा मेर्मिमका पावललाई कोक्तेकु रिवाका बट्मिडी। मेकोतिलो उमा फार्डा डा येम्तासिट्पा कप्ताननुड पावलका ज्वाक्ता, “हाम कोड रोमी नागरिकलाई डादो अदालतडा मुमा मेबेसाका डा याल्मु रोमी डुम्लाडा बु?”^{२६} कप्तानका ओराम थोस्तुमा उनी कमाण्डरकाडा लस्तामा आरे ज्वाक्ता, “गानी हाम बोमु खाम्नीमिम? ओराम ने रोमी नागरिक रेछा!”^{२७} मेकोतिमा मे कमाण्डर रोकतामा पावलनुड हिलाबुडु, “आच्छाडा हाम गाना रोमी नागरिक डा मा?” मेकोतिमा पावलका ज्वाक्ता, “गो रोमी नागरिक डा सो।”^{२८} मे कमाण्डरका ज्वाक्ता, “गो ने हापा खउलुड सोक्तोमा रोमी नागरिक दुम्डोडोम।” लावो पावलका ज्वाक्ता, “गो ने गडडोलोम आथाम डा रोमी नागरिक बाडडो।”^{२९} ओराम थोम्डी मेरे पावललाई हिलाहिसी बेप्डा रोकपामिम चडथो हेर्सिम्डी। मेकोतिमा पावल रोमी नागरिक ज्वाक्पा चडुमा मे कमाण्डर वो डिस्ता, हेडालोने गुका पावललाई बन्बेड्डुमिम बाईडा।

डोक्पु घोम्दीकु डादोडा पावल

^{३०} कमाण्डरका यहूदीमिम हेडा पावलकु कोर्थोलाम बेम्डिम ज्वाक्पा ल्वा थोसिथेन्मु न बुडुम बाईडा। मेम्मिमका मेरामकु दिकामनेम मे कमाण्डरका डोक्पु डुम्लाचोम्मिम, यहूदीमिम नुड खोत्ले डोक्पु घोम्दी खाम्बेड्डुमी। मेकोतिमा पावललाई

^{१२२:१४} *मसिहकु नड

बट्मा सेल रिवा फ्रोसाका मेर्मिमकु
डादोडा रेड्डुमा येम्सिबेड्डु।

२३ पावलका मे डोक्पु घोम्दीथो
किकिर्या रेण्डुमा ज्वाक्ता,
“वा-ल्लाकनी, आनेपसम्म गो माम्चुनीकु
डादोडा खोत्ले ल्वाडा जोपा न-गोका
डा गो उनीमा खारी बेउतोम बु।”

२ ओराम ल्वा थोस्तुमा डोक्पु डाउ
डुम्लाचो हननियाका पावलकु फार्डा
येम्सिक्पामिमलाई पावलकु सिड्डा
याल्बेड्डुमी। ३ पावलका हननियानुड
ज्वाक्ता, “ए *जारुली क्वाका क्लक्मा
ब्रोल! गानालाई वो माम्चुनीका यानामी।
गाना डुम्ला होम्साका आमा निया बेण्डा
गन्ना, मा हेडा डुम्लाकु कोथोला
गोलाई याल्बेन्डीमिम?” ४ पावलकु
फार्डाडा येम्सिक्पामिमका पावलनुड
ज्वाम्डी, “हाम गाना माम्चुनीकु डोक्पु
डाउ डुम्लाचोलाई डक्साका जेनामिम?”

५ मेकोतिमा पावलका ज्वाक्ता, “वा-
ल्लाकनी, गुमी डोक्पु डाउ डुम्लाचो
ज्वाक्पा गो चकतोम मेबायावा।
हेडालोने माम्चुनीकु सीजेमडा आरेसाका
ज्वाक्मा बु, ‘त्वाकु मुचुमिमकाम
साखामचोको कोथोला जेसी मिनु।’”
६ लावो मेराम डोक्पु घोम्दीडा याड
सदुकी नुड याड फरिसी बुमी ज्वाक्पा
पावलका चडुमका डोक्पु लोलामका
आरे ज्वाक्ता, “वा-ल्लाकनी, गो ने
फरिसीकु चो फरिसी डा सो। सिपा
मुचु सिमुलाम बगे ज्वाक्पा ल्वाडा थोर
लुडडोमका आसिन्डा हिलाहिसी बेण्डा
गो रेट्टिडरीमिम बु।” ७ पावलका आरे
ज्वाक्ताम थोम्डीमा फरिसीमिम नुड
सदुकीमिम उनी त्वाप-त्वापडा डा गो फ
दुम्मिडीमा फवासिम्डी। ८ हेडालोने मुचु
सि, मा आथा वो बगे ज्वाक्पा ल्वाडा
सदुकीमिमका थोर मेलुम्थाल्मिवा, मा
पाह्नीचो नुड पेल मेदुम ज्वाम्थाल्मिडी।
लावो फरिसीमिमका ने ओर्मिम सुले

ल्वाडा डा थोर लुम्थाल्मिडी। ९ मेसिन्डा
छोम येम्डी-दुम्डी, मा फरिसीमिमगोडाम
डुम्ला सीपा पातुम्रीमिमका बम्डीमा
आरे ज्वाम्डी, “ओराम मुचुकाडा गुकु
मेजोपा ल्वा हाम वो मेडोकुवा। पेल
नुड पाह्नीचोलामका वो ओराम जेस्ताम
दुम्मु चाप्सु।” १० मेसिन्डा सदुकीमिम
नुड फरिसीमिमगोडा छोम डोक्पु रीबुसी
गस्ता, मा मेर्मिमका पावललाई रोबोमी
लो सेन्मी ज्वाक्साका मे कमाण्डर
छोम डिस्ता। मेकोतिमा मेरामका
सिपाहीमिमलाई मेर्मिमकु थेतेलामका
रोन्थुटनीमा पावललाई ब्यारेकडा
रेटनी बुसोड्डुमी। ११ मेरामकु दिकाम
नेम्थाका डाचो येशू पावलकु डादोडा
रेम्बेम्सिम्डीमा ज्वाम्डी, “मेडिसा पावल,
यरूशलेमडा हेसाका आमा दुथाम
सोन्ना, मेम्साका डा रोम शहरडा वो
गाना आमा दुथाम सोमु बासी।”

यहूदीमिमका पावललाई सेन्मु मेजोपा मुलु बेम्डिम

१२ ऊ दिकाम नेमसोडडाम चडडा
यहूदीमिम कोड सि दुम्मिडीमा पावलकु
साम मेफ्याक्थुम हाम वो मेपेपा-मेडुपा
कसम पेम्डी। १३ आरेसाका सेन्मु
मुलु बेपा मुचुमिम ब्ल-धुम(४०)
डाम वो हापा बाम्डी। १४ मेकोतिमा
मेर्मिम डोक्पु डाउ डुम्लाचोमिम नुड
डाउमिमकाडा लम्डी मा ज्वाम्डी, “गुकु
पावलकु साम मेफ्याक्थुम हाम वो
मेपोकु ज्वाक्साका कसम पेतोकोम बु।
१५ मेम्मिमका डोक्पु घोम्दी नुड गानी
दुम्साका कमाण्डरकाडा लनी। मेम्मा
मेराम रीबुसी ल्वाकु दुथाममिम मुलु
आथा वो जोहोमका बोमुबासी ज्वाक्पा
लिनिसटनीमा पावललाई घोम्दीडा रेटनी।
पावल घोम्दीगोडा रोकतो डा बुलो गुकु
सेन्कु।” १६ पावलकु रुचुका ओराम
ल्वा थोस्तुमा ब्यारेकगोनी लक्साका

१२३:३ *मुचुमिमकु डादोडा जोपा लिसिक्पा, लावो न-गोडा मेजोपा ल्वा जुल्थाक्पा मुचु रेम्बु।

पावललाई थोबेड्डु।^{१७} मेकोतिमा पावलका कप्तानमिमगोडाम कोलेलाई येड्डुमा ज्वाक्ता, “ओराम स्वालालाई ईनीमा कमाण्डरकाडा सोन्थिट्टनी, हेडालोने ओरामका गुमीनुड कोसिनक्सि जेमु बासिक्पा बु।”^{१८} मेकोतिमा मेरामका पावलकु रुचुलाई लडुमा उनीमा कमाण्डरकाडा लस्तामा ज्वाक्ता, “चक्मा पावलका गोलाई येट्टिडरीमा ओराम स्वालालाई ईनीमाडा सोथिबेट्टिडडी, ओरामका गानीनुड हाम-हुम सोमु बासिक्पा बु ए।”^{१९} मे कमाण्डरका मेरामकु ल्वाड्डा भेड्डुमा कोथो लक्साका हिलाबुडु, “गाना गानुड हाम सोमु ईमा न बु?”^{२०} मेकोतिमा मेरामका ज्वाक्ता, “यहूदीमिमका पावलकु दुथाम ल्वा आथा वो जोहोमका हिलाहिसी बेपा लिसिसाका दिका पावललाई डोकपु घोम्दीडा रेट्टनी ज्वाक्साका गानीनुड ज्वामु मुलु बेम्डिम बु।^{२१} लावो गानी मेर्मिमकु ल्वा मेथोनी वो! हेडालोने मेर्मिमगोडाम ब्लधुम(४०) डाम वो हापा सेर्पामिमका पावलकु साम मेफ्याक्थुम हाम वो मेपेपा कसम पेम्डिम बु। मेम्मा गुलाई सेन्मु ज्वाक्साका चोपा बोम्थाट्टमीमिम बु, मा ओम्लो मेर्मिमका गानी ज्वानीमिम ल्वा लम्थाट्टमीमिम बु।”^{२२} मेकोतिमा मे कमाण्डरका मेराम स्वालालाई आरे बुडुमा थुसोक्तु, “गाना गानुड सोन्नाम ओराम ल्वा सुनुड वो मेसाया वो!”

पावललाई कैसरियाडाम किब्दी साखामचो फेलिक्सकाडा थुर्मिडिम

^{२३} मेकोतिमा मे कमाण्डरका कप्तानमिमगोडाम नलेलाई येड्डुची मा आरे बुडुची, “आनेप सिन्था गुले(६) जौमिम थारीका नक सड(२००) सिपाहीमिम, येत्धुम(७०) घोडाडला हुपा सिपाहीमिम मा नक सड जाते जेट्टपा सिपाहीमिमलाई कैसरियाथो

लमु रेट्टजोल्ची।^{२४} पावलकाम लागि वो घोडा रेची, मा गुलाई जोहोमका किब्दी साखामचो फेलिक्सकाडा रेथिक्ची।”^{२५} गुका आरेप्पाम चिट्टी वो ज्वाक्तु: ^{२६} “किब्दी साखामचो फेलिक्स, गो क्लौडियस लुसियसकाम सेव! ^{२७} पावल ज्वाक्मा मुचुलाई यहूदीमिमका चुम्मिडी, मा सेन्मु माल्मिडिम बाईडा। लावो ओराम रोमी नागरिक ज्वाक्पा गो थोउतोमा सिपाहीमिमनुड मेसिन्डा लक्साका ओरामलाई मेर्मिमलाम फ्वाक्साका गो बोत्तो-थार्तो। ^{२८} यहूदीमिमका हेप्पाम मेजोपा मुमा ओरामलाई बेट्टिमिडिम रेछा ज्वाक्पा जोहोमका थ्रेसिथेन्मु नका गो ओरामलाई मेर्मिमकु डोकपु घोम्दीकु डादोडा लक्तो। ^{२९} मेर्मिमका ओरामलाई उनीमा डुम्लाकु दुथाम मेजोपा ल्वामिम उमा बुईडा उट्टिमिम रेछा। लावो सेन्मु, चमु बासिक्पा मेजोपा ल्वा ओरामका बुडुम गो मेडारुवा। ^{३०} ओराम मुचु सेन्मु मुलु बेत्तोडा बोमी ज्वाक्पा गो थोउतो, मा ओरामलाई दालाडा ईनीमाडा थुर्तोम बु, मा ओरामकु कोथोलाम बक्पामिम वो ईनीमा डादोडा डा जेमीनु बेउतोमिम बु।”^{३१} मे कमाण्डरका ज्वाक्ताम होम्साका डा सिपाहीमिमका पावललाई सिन्थाडा एन्टिपाट्रिस शहरडा रेन्थिम्डी। ^{३२} ऊ दिकामनेम घोडाडला लक्पा सिपाहीमिमलाई पावलनुड थुसोम्डी, मा लाम्दीसाका लक्पा कप्तान नुड वाडमी सिपाहीमिम ने यरूशलेम ख्लोम्सिम्डी। ^{३३} कैसरिया रोम्थिम्डीमा मेर्मिमका किब्दी साखामचो फेलिक्सलाई चिट्टी ग्वाम्डी, मा पावललाई वो ऊ ल्वाड्डा ग्वाम्डी। ^{३४} गुका चिट्टी डाड्डुमा पावल उहेम जिल्लाडाम ज्वाक्साका हिलाबुडु। गु किलिकियाडाम ज्वाक्पा थोस्तुमा गुका ज्वाक्ता, ^{३५} “गानालाई मुमा बेट्टपामिम रोमीमा ईमा रीबुसी ल्वाकु दुथाम गो थोउ।” मेकोतिमा हेरोदका

बनेबुडुम ओगानेमगोडा पावललाई लनी बुडुमी।

**किब्दी साखामचो
फेलिक्सकु डादोडा पावल**

२४ डोलेम चडडा डोकपु डाउ डुम्लाचो हननिया, कोले-नले डाउमिम, तर्तुल्लस ज्वाकमा कोले वकीलनुड मेसिन्डा रोम्डी, मा मेर्मिमका पावलकु कोथोलामिम रीबुसी ल्वाकु दुथामिम ल्वा किब्दी साखामचो फेलिक्सकु ल्वाड्डा ग्वाम्डी। ^२ पावल मेसिन्डा यट्टिमडी, मा तर्तुल्लसका आरे ज्वाकतो मुमा बेन्मु चोम्डु, “खोत्लेडाम डोकपु डाचो फेलिक्स, ओराम नेब्दीडा गानी जोपा खारी बेन्निमका ईनीमा गोजुडा गुकु छोम आकी न-गो ब्रिसिक्पा बुकु। ^३ ओर्मिम खोत्ले ल्वाकाम लागि गुकु गानीलाई आकीमा न-गोलामका डा आलासो ज्वाकु। ^४ ईनीमा ज्वा मेओन्नु ज्वाकसाका ओम्लो गो हापा मेजेडु, मा गानी गुकु ज्वाकुमिम ल्वा थोनी, ^५ ओराम मुचु बान्तेमेनो थोम तेर्बाल्पा, सुम्दिसेरडा खोत्लेथोम खोत्ले यहूदीमिमगोडा रीबुसी किट्पा, मा नासरी दलगोडाम उनीमा डोकपु मुचु गुकु डार्तोकोम बु। ^६ ओरामका सोरनेम मेसेपा बोमु माल्लुम बाईडा, लावो ओरामलाई गुकु चुम्तोको । आकी डुम्लाका ज्वामिम होम्साका ओरामलाई देन्दे ग्वामु वो खाप्तोकोम बाईडा। ^७ लावो कमाण्डर लुसियस आकीमाडा रोम्डी, मा पावललाई चिरोत्तिकीमीमा लम्डी। पावललाई मुमा बेट्पा मिम ईनीमाडा रोमीनु ज्वाम्डी। ^८ आथा गानी ईनी त्वाका डा ओ पावलनुड हिलाहिसी बोनीमाला, गुकु ओरामलाई मुमा बेत्तोकोम खोत्ले ल्वा चनी।” ^९ मेसिन्डाम यहूदीमिमका वो मेर्मिम खोत्ले ल्वा आच्छाडा ज्वाम्डी। ^{१०} किब्दी साखामचो फेलिक्सका गुलाई ल्वा थोत्तो जेबेड्डु मा पावलका ज्वाक्ता,

“हापा थ आथाम गानी यहूदीमिमकु निया बेपा दुम्निम ल्वा थोउतोमका गो गेसिक्तो आमा दुथामिम ल्वा ज्वाडु, ^{११} गो यरूशलेमडा माम्चुनीकु सोरलोले बेण्डा लडडोम को-न(१२) लेम कोड्डा दुस्ताम बु ज्वाक्पा ल्वा गानी मेरेडा थेसिथेन्ल्यानी। ^{१२} ओर्मिम सुका वो गोलार्ड कोडनिमनुड सोरनेमगोडा ल्वालामका खाल्बेपाम बाट्पा, मा घोम्दीनेम, शहरबाडे मुचुमिमलाई कोक्तोमिम वो मेडाडिमिवा। ^{१३} ओम्लो गोलार्ड मुमा बेन्डीमीमिम ल्वाकु दुथाम वो ओर्मिमका आच्छाडा ज्वाक्पा हाम वो रेम्बोमु मेचाम्मी। ^{१४} लावो गो गानीनुड ज्वाडु, ओर्मिमका मेजोपा मिम्मीमिम कोले दल ज्वाक्पा लाम्दीडा लाम्दीत्तोडा बेउ। गो आकी डाउ-खुउमिमकु माम्चुनीकाम सोरलोले बेउ, मा मोशाकु डुम्लाडा नुड माम्चुनीलाम-जेपामिमकु किताबडा ज्वाक्पा खोत्ले ल्वामिमडा थोर बेउ। ^{१५} मेर्मिमका जोपा खारी बेपा नुड मेजोपा खारी बेपा मुचुमिम खोत्ले सिमीमा बमी ज्वाकसाका माम्चुनीडा लम्थाट्मीमिम होम्साका डा गो वो लथाक्पुमिम बु। ^{१६} मेर्मिमका मुचु नुड माम्चुनीकु डादोडा हेल्लो लावो आमा त्वाकु चाप्सी गो जोपा न-गो जुलु। ^{१७} गो हापा थ चडडा आमा मुचुमिमलाई ख्लोमु खउलुड नुड सासेन्नु भेटी रेत्तोमा यरूशलेमडा रोडडोम बाईडा। ^{१८} मेर्मिमका गोलार्ड सोरनेमगोडा डार्डिडीमिलो गो सेपा दुम्मुकु खारी वो बोमु दुम्तोम बाईडा। मकातिलो गोनुड खोम्सिक्पा मुचुमिम सु वो मेबामिवा, मा गो सुकाम वो उनीमा थोम तेर्साक्तोमिम मेबायावा। लावो मेसिन्डा एशियाडाम कोडनिम यहूदीमिम बाम्डी। ^{१९} मेर्मिम आसिन्डा ईनीमा डादोडा रोमु बासिक्पा बाईडा। आमा दुथाम कोडनिम मेजोपा-ल्वा बायावा माला मेर्मिमका ज्वामु चाप्मिवा।

२० ओर्मिमनुड हिलाबेनी, यहूदीकु डोकपु
घ्रोम्दीडा हाम मेजोपा खारी बेउतोम
डार्मिडी? २१ लावो ओर्मिमकु डादोडा
येम्सिङ्गोमा कोले ल्वा ज्वाङ्गोमा
बाईडा। मेराम, ‘मुचुमिम सिमुलामका
बम्पोट्मी’ ज्वाक्पा ल्वाडा गो थोर
लुडुमिमका ईनीमा डादोडा हिलाहिरी
बेण्डा रेट्ङडिमिम बु।” २२ फेलिक्सका
ख्रीष्टकु लाम्दीकु दुथाम जोहोमका चडुम
बाईडामका ओर्मिम खोत्ले थोमु दुम्स्तुमा
मेर्मिमलाई आरे बेसाका थुस्तुमी,
“कमाण्डर लुसियस आसिन्डा रोमा
ईनीमा रीबुसी ल्वा गो फ्यान्सानिनी।”
२३ मेकोतिमा फेलिक्सका कप्तानलाई
बुडु, पावललाई ईमा फारफार बे,
मेकोती मेबथाडा, उमा डोप्सोमिमका
गुलाई चाहेदुम्पा हाम-हुम कोर्मीलो
मेभोण्डामी। २४ कोलेम-नलेम चडडा
फेलिक्स ऊ यहूदी नाईमे दुसिल्लानुड
रोक्ची। मेकोतिमा पावललाई येङ्गुमा
येशू ख्रीष्टडाम थोरकु दुथाममिम
ल्वा पावललामका थोस्तु। २५ लावो
पावलका, “माम्चुनीकु डादोडा हाम
जोपा बु, मे डा बामुबासी, त्वापलाई
जोहोमका जुल्मुबासी, माम्चुनीका
खोत्लेकाम निया बेपा थारी रोक्तोडा
लेडु” ज्वाक्तालो फेलिक्स डिस्तामा
ज्वाक्ता, “आनेप आकोतिडा, गाना लना
लोवो नु, दिफु गो येनी!” २६ पावलका
खउलुङ्ग ग्वाडी वो ज्वाक्पा किब्दी
साखामचो फेलिक्सका मिम्डुम बाईडा।
मेम्मिमका गुका पावल हेल्लो लोवो
येङ्गुमा ल्वा बुथाल्लु। २७ लावो नक
थ चडडा फेलिक्सकु खुन्चुम पर्किअस
फेस्तसका रडडु, मा यहूदीमिमलाई
गेर्सिबेन्मु फेलिक्सका पावललाई
चकजोल्लुमा लस्ता।

किब्दी साखामचो फेस्तसकु डादोडा पावल

२५ किब्दी साखामचो फेस्तस
जिल्लाडा रोक्ताम सुलेम
चडडा कैसरिया शहरलामका यरूशलेम
लस्ता। २ मेसिन्डाम डोकपु डुम्लाचोमिम
नुड यहूदीमिमकु डोकपु मुचुमिमका
पावलकु कोर्थोलाममिम ल्वा गुलाई
थोबेट्मिडी। ३ पावललाई लाम्दीडा
डा सेन्मु म्लु बेम्डिमका गुकुडला
न-थोम रम्बेसाका यरूशलेमडा
येसाटिकनी ज्वाक्साका मेर्मिमका
फेस्तसनुड ज्वाम्डिम-ज्वाम्डिम डा
बेम्डी। ४ लावो किब्दी साखामचो
फेस्तसका मेर्मिमनुड ज्वाक्ता, “पावल
कैसरियाडा डा चक्साका जुल्मा बु, मा
गो वो दालाडा मेसिन्डा ख्लोसिङ्गुमा
लडु, ५ मेम्मिमका गानीगोडाम डोकपु
मुचुमिम गोनुड मेसिन्डा लमीनु, मा
पावलका बुडुम कोडनिम मेजोपा-ल्वा बु
माला गुलाई मुमा बेन्मीनु।” ६ लेतलेम-
कोधुमलेम(८/१०) कोती यरूशलेमडा
बाईडा मा किब्दी साखामचो फेस्तस
कैसरिया ख्लोसिङ्गुडा। मेरामकु
दिकामनेम डा फेस्तस नियाबेपाकु
गन्खोपडा गन्डामा पावललाई
रेन्बेङ्गुमी। ७ पावल मेसिन्डा रोक्तामा
यरूशलेमलामका रोक्पा यहूदीमिम
ऊ होनोलाम-आथोलाम येम्सिम्डी, मा
मेर्मिमका पावललाई हापा डा मुमा
बेट्मिडी। लावो मे मुमा बेट्मिडिम ल्वा
आच्छाडा ज्वाक्पा रेम्बोमु मेचाप्मिवा।
८ पावलका उमा दुथाम ल्वा जेस्ता,
“यहूदी डुम्लाकु कोर्थोलाम, सोरनेमकु
कोर्थोलाम, मा रोमी साखामचोकु
कोर्थोलाम गो हाम वो मेजोपा खारी
बेउतोम मिबु।” ९ किब्दी साखामचो
फेस्तसका यहूदीमिमलाई गेर्सिबेन्मु
नका पावललाई ज्वाक्ता, “हाम गाना
यरूशलेमडा लमुमा मेसिन्डा आमा

डादोडा ओर्मिम ल्वाकु दुथाम निया दुम्नु ज्वाक्पा न बोना?" १० लावो पावलका ज्वाक्ता, "गो रोमी हप कैसरकु अदालतडा येम्तासिडुमिम बु, आसिन्डा डा आमा निया दुम्नुबासी। यहूदीमिमलाई गो हाम वो मेजोपा बेउतोमिम मिबु ज्वाक्पा ल्वा ने गानी जोहोमका चनीमिम बु। ११ गो सिमुका घ्रेट्पा कोडनिम खारी बेउतोम बु माला, गो सिमुडाम मेडिडु। लावो गो मेम्पाम मेजोपा खारी हाम वो बेउतोम मिबु माला सुका वो गोलाई सेन्मु यहूदीमिमकु ल्वाड्डा ग्वामु मेचाप्सु। कैसरका आमा रीबुसी ल्वाकु दुथाम रेम्साडी नु ज्वाडु।" १२ मेकोतिमा किब्दी साखामचो फेस्तसका मुलुबोमु ख्लोपामिमनुड ल्वा हिलाबुडुमा ज्वाक्ता, "गाना रोमी हप कैसरकाडा लमु न बेन्नामका गाना कैसरकाडा डा लना।" १३ कोलेम-नलेम चडडा किब्दी साखामचो फेस्तसनुड घ्रोम्डा हप अग्रिपास नुड उमा जाउमो ल्वाक बरनिकी कैसरियाडा रोकफाच्ची। १४ मेर्चिप मेसिन्डा हापा डा बाच्चिम चडडा फेस्तसका पावलकु रीबुसी ल्वाकु दुथाम मेराम हपलाई थोबेतो ज्वाक्ता, "किब्दी साखामचो फेलिक्सका चक्जोल्लुम कोले मुचु आसिन्डा बु। १५ गो यरूशलेम लडडोलो डाउ डुम्लाचोमिम नुड यहूदीमिमकु एल्डरमिमका मेजोपा-ल्वामिमका मुमा बेन्मुमा मेरामलाई देन्दे ग्वामु बासी ज्वाम्डिम बाईडा। १६ लावो गो मेर्मिमलाई मेजोपा ल्वामिम बुईडला उन्ला सोसिक्पाका ऊ कोर्थोलाम बक्पामिमनुड सि मेकोलथुम नुड ऊ कोर्थोलाम बक्पामिमकु दुथाम जेमेबेथुम उहेम वो मुचुलाई मेरेडा देन्दे ग्वामु रोमी डुम्लाडा मिबु बेउतोमिम बाईडा। १७ मेर्मिम खोल्ले खोम्सिम्डिमा आसिन्डा रोम्डी, मा दाला-दाला बाडिस्डोमा ऊ दिकाम डा गो निया

बेपाकु गन्खोपडा गन्डोडोमा पावललाई मेसिन्डा रेन्बेतोमी। १८ पावलकु कोर्थोलाम बक्पामिमका गुका बुडुम मेजोपा खारीमिमलामका मुमा बेन्मी डे ज्वाडडोम बाईडा, लावो मेर्मिमका मेम बोमु मेचाप्मिवा। १९ उनी रीबुसी गस्ताम ल्वा ने उनीमा माम्चनीडा सारलोले बोमुकु दुथाम नुड सिप्ल्याक्पा येसूकु दुथाम रेछा। पावलका ने येसू आथा वो नुपाडा बुमी ज्वाक्साका ज्वाक्ताम बाईडा। २० ओर्मिम ल्वाकु दुथाम गो हाम वो हिलाबोमु मेचापुवा। मेम्मिमका गो पावललाई यरूशलेमडा लक्साका मेसिन्डा उमा निया बिईलो नु ज्वाडडोमा गुलाई हिला बेउतो। २१ लावो पावलका रोमी डोकुपु हपका आमा रीबुसी ल्वाकु दुथाममिम निया मेबेसाक्थुमसम्म आसी डा बुडु ज्वाक्ता। मेम्मिमका गो पावललाई रोम शहरडा बाट्पा कैसर हपकाडा मेथुथुम जोहोमका आसिन्डा रेप्नी बेउतोमिम बु।" २२ मेकोतिमा हप अग्रिपासका फेस्तसनुड ज्वाक्ता, "मेराम मुचुकु ल्वा गो वो थोमु न बु।" फेस्तसका ज्वाक्ता, "दिका थोनी।" २३ ऊ दिकाम हप अग्रिपास नुड उमा जाउमो ल्वाक बरनिकी ब्लासिक्चीमा कमाण्डरमिमनुड शहरडाम डोकुपु मुचुमिमलाई डादो चडडा जुल्चीमा घ्रोम्दीगोडा रोकची। मेकोतिमा किब्दी साखामचो फेस्तसका पावललाई रेट्नी बुडुमी मा रेट्मडी। २४ किब्दी साखामचो फेस्तसका ज्वाक्ता, "हप अग्रिपास, मा आसिन्डा बाट्पा खोल्ले वा-ल्वाकनी, गानी ओराम मुचुलाई ल्वानी, ओरामकु कोर्थोलाममिम मेजोपा ल्वा खोल्ले यहूदीमिमका यरूशलेमडा नुड आसिन्डा आमाडा रेट्मडी। मेर्मिमका ओरामलाई सेन्मुबासी ज्वाम्डीमा येम्डिम बाईडा। २५ लावो सिमु बासिक्पा मेजोपा खारी ओरामका हाम वो बुडुम गो मेडारुवा। मेकोतिमा ऊ त्वाका डा वो रोमी हपका

निया बोडसाडमीनु ज्वाक्तामका, गो ओरामलाई मेसिन्डा थुर्मु मुलु बेउतो।
 २६ ओरामकु दुथाम गो डोकपु हपलाई ज्यामु बासिक्पा ल्वा हाम वो मिबु।
 मेम्मिमका गो ओराम मुचुलाई हप अग्रिपास नुड गानी खोत्लेकु डादोडा रेत्तोम बु, मा गानी ओरामलाई हिलाहिसी बेनी। मेम्मा कोडनिम ल्वा लुक्ता माला गो हाम-हम ज्यामु चापु।^{२७} हेडालोने चक्मा मुचुलाई मेजोपा ल्वामिमका मुमा बेट्माकु दुथाम रेम्मेबेसाका गुलाई डोकपु हप कैसरकाडा थुर्मु जोपा मेलुडु।”

२६ हप अग्रिपासका पावलनुड ज्वाक्ता, “गाना ईमा त्वाकु दुथाममिम ल्वा जेमु चाम्ना।” मेकोतिमा उमा ल्वा कोस्तुमा पावल जेमु चोम्डु:
 २ “हप अग्रिपास, यहूदीमिमका खोत्ले मेजोपा-ल्वामिमका गोलाई मुमा बेट्मिडीमिम ल्वाकु दुथाम आनेप ईनीमा डादोडा जेमु ल्वाउतोमका गो छोम आलाकाम मिम्सिड्डोम बु।
 ३ यहूदीमिमकु खोत्ले बादुखाम नुड रीबुसी गस्ताम ल्वाकु दुथाम ने गानी चन्ल्यानीमिम डा बु। मेम्मिमका गो जेडुमिम जोहोमका थोडसाडनी ज्वाडु।
 ४ गो आमा नेब्दीडा नुड यरूशलेम शहरडा याक्केलोम डा हेसाका बर्तो गेडुडो ज्वाक्पा ल्वा यहूदीमिमका चम्डिम बु।
 ५ मेर्मिमका गो फरिसी बाड्डो ज्वाक्पा ल्वा माके आथाम डा चम्डिम बु। गुकु फरिसीका यहूदी डुम्ला छोम चडको-चडको बासिक्साका बोकु। मेर्मिमका न सोम्डी माला ओराम ल्वाकु दुथाम गानीनुड सोमु चाम्मी।
 ६ माम्चुनीका आकीमा डाउ-खुउमिमनुड डादो ज्वाम्डिम ल्वा लथाक्तोमका डा गो आसिन्डा ईनीमा डादोडा येम्सिमु बास्ताम बु।
 ७ आकी को-न(१२) दोचोमिमका मे माम्चुनीका ज्वाम्डिम ल्वा ल्वामुकाम लागि कोले न-थोमकाम दुम्मिडी, मा नेम्फु-सिन्था माम्चुनीकु

सोरलोले बेम्थाल्मिडी। हप अग्रिपास, ओराम ल्वाकु दुथाम डा यहूदीमिमका मेजोपा ल्वामिमका मुमा बेट्मिडीमिम बु।
 ८ माम्चुनीका सिपामिमलाई फमी ज्वाक्पा ल्वा गानी हेडा थोर मेलुनीमिम?
 ९ नासरतडाम येशूडा थोरलुपामिमलाई छोम उनीमा थोम तेर्सांमुमीबासी ज्वाक्पा गो वो मिम्तोम बाईडा।
 १० यरूशलेमडा गो मेम डा बेउतो। डोकपु डुम्लाचोमिमलामका साखाम ल्वासाका थोरलुपामिम हापालाई गो भयालखानडा चक्तोमी। मेर्मिमलाई सेटिमडीलो गो वो मे सेट्पामिमलाम बाडिसिडडो।
 ११ मेकोतिमा खोत्ले घोम्दीनेमडा मेर्मिमलाई याल्तो ख्रीष्टलाई डक्साका जेबेतोमी। मेर्मिमडाम आमा छोम छोकचो बक्तामका मिक्सीका डा मेल्वाउमिवा, मा वाडमिम नेब्दीकु शहर-शहरबाडे वो लडडोमा मेर्मिमकु छोम उनीमा थोम तेर्सांक्तोमी।
 १२ कोलेम गो डोकपु डुम्लाचोमिमलाम साखाम नुड चिट्ठी ल्वाउतोमा दमस्कस शहरथो लडडोलो,
 १३ हप अग्रिपास, नेम्फुबिली पाहीलामका नेप्सुडडाम वो हापा भवाक्पा ओल योक्तोडा बेपा गो ल्वाउतो, मेराम गो मा गोनुड लक्पामिमकु होनोला-आथोला-भवाक्तोडा लेडुडु।
 १४ गुकु खोत्ले क्वायु भार्तोकोलो हिब्रू ल्वालाम कोड लोलामका गोलाई अरै ज्वाक्ताम थोउतो, “शाऊल, शाऊल, गाना हेडा आमा थोम तेर्नामिम? जुजुयाम डुलुम्चाकु जुजुडा ईमा फेमखेलका यानाला ई त्वाकाडा डा मेनो?”
 १५ मेकोतिमा गो ज्वाडुडो, “डाचो, गानी सु?” डाचोका गोनुड ज्वाम्डी, “गो येशू, गाना आमा थोम तेर्तोडा लेना।
 १६ बका, मा ईमा त्वाकु खेलका येम्सा! गो गानालाई आमा डुल्चो नुड आमा दुथाम सोपा मुचु दुम्बेनी। मेम्मिमका गो ईमाडा रेम्बोडिसिड्डोम बु। आमा दुथाम ल्वान्नाम ल्वा नुड दिफु गो गानालाई रेम्बेनीमिम ल्वामिम

खोत्ले गाना वाडमिम मुचुमिमलाई थोबेन्मुमीबासी। १७ गो गानालाई यहूदीमिम नुड वाडसामामिमलामका सेल्नी, मा मेर्मिमकाडा डा थुर्नी, १८ मा गाना मेर्मिमकु मिक्सी ह्वाक्साडामी, मेर्मिम तुकुम्चिमलामका ओलडा र्ल्लोम्सिमोन, मा शैतानकु युमलामका माम्चुनीडा रोमीनु। आरेसाका गोडला बोमीमिम उनी थोरका मेर्मिमकु उनी छुल हेम्सी, मा माम्चुनीका छेट्टिमडिम मुचुमिमकु बाखोपडा मेर्मिमका बुमु ल्वामी। १९ “मेम्मिमका हप अग्रिपास, पाह्रीलाममिम मिक्सीलामडा ल्वाउतोम होडडा गो खारी बेउतो। २० डादो दमस्कसडा, मा यरूशलेमडा मा खोत्ले यहूदिया नेब्दीडा बाट्पामिमलाई, मा वाडसामामिमलाई वो ईनीमा छुल ईनीमा न-गोलामका मिम्सिट्नीमा माम्चुनीडा र्ल्लोन्सिट्नी, मा मेराम ल्वा ईनीमा खारीडा रेम्बेनी बेउतोमी। २१ मेम्मिमका यहूदीमिमका गोलाई सोरनेमगोडा चुम्डिडिमीमा सेन्मु माल्डिडीमी। २२ लावो गो ल्वाउतोम ल्वाकु दुथाम डोक्पु याक्के खोत्ले मुचुमिमनुड सोमु माम्चुनीका गोलाई ओम्लोसम्म र्ल्लोडिडमीम बु। मोशा नुड माम्चुनीलाम-जेपामिमका ज्वाम्डिम ल्वा कोड्डा सोत्तो डा लेट्पु, २३ मेर्मिमका आरे दुम ज्वाम्डिम बाईडा, “ख्रीष्ट सिमु डा बासी, मा सिमुलाम बग्गेट्पामिमडाम डादोम दुम्साका गुमीका यहूदीमिम नुड वाडसामामिमलाई माम्चुनीकु *ओल होप्पाम सीजेमकु दुथाम सोमी।” १२४ पावलका आरेसाका उमा त्वाकु दुथाममिम ल्वा ज्वाक्तो लेड्डुलो डा किब्दी साखामचो फेस्तसका डोक्पु लोलामका ज्वाक्ता, “पावल गाना ई न मान्थिम दुम्नाम बु। हापा ल्वामिम सीन्सिट्नामका गाना ई न मान्थिम दुम्नाम बु।” २५ लावो पावलका ज्वाक्ता,

“डोक्पु डाचो फेस्तस, गो आमा न मान्थिम दुम्डोडोम मिबु, ननुडमाका आच्छाडाम ल्वा जेतो बेउमिम बु। २६ गो हप अग्रिपासकु डादोडा मेडिसाका जेतोडा लेट्पु, हेडालोने हपका उनी त्वाका डा ओर्मिम ल्वाकु दुथाम चमी। ओराम ल्वा थसिसाका बेम्मा मेएँ, ओर्मिमगोडा कोल्ले वो ल्वा गुमीडाम थक्का मिबु। २७ अग्रिपास हप, हाम गानी माम्चुनीलाम-जेपामिमडला थोरलुनी ? गानी थोरलुनी ज्वाक्पा गो मिम्ताम बु। हप अग्रिपास, हाम गानी माम्चुनीलाम-जेपामिमडला थोरलुनी? गानी थोर लुनी ज्वाक्पा गो मिम्ताम बु।” २८ मेकोतिमा अग्रिपासका पावलनुड ज्वाक्ता, “हाम गाना गोलाई कति दुपा ल्वाका येशूडा थोरलुपा दुम्बेन्मु माल्डिमिम?” २९ पावलका ज्वाक्ता, “कति दुपा दुम्नुका हापा दुपा ल्वाका दुम्नु गानी कोड्डा मेएँ, आनेप आमा ल्वा थोपा खोत्ले डा गो होप्पाडा दुम्नीनु, लावो गो होम्साका सेल रिवाका बन्सिसाका ने मेएँ ज्वाक्साका गो माम्चुनीडा सोम्दी बेउ।” ३० मेकोतिमा हप अग्रिपास, उमा जाउमो ल्वाक बरनिकी, किब्दी साखामचो फेस्तस, नुड मेसिन्डा बाट्पा खोत्ले डा बम्डी। ३१ मेर्मिम मेलामका लम्डीलो उनी त्वाप-त्वापडा आरे ज्वाबेम्डी, “ओराम मुचुका सेन्मु नुड चमुका घेट्पा हाम वो बुडुम मिबु।” ३२ मेकोतिमा अग्रिपासका फेस्तसनुड ज्वाक्ता, “ओरामका रोमी डोक्पु हप कैसरकाडा लड्डु मेज्वाकावाम माला ने डिसोक्पाका लोवो नुयावा।”

कैसर हप बाट्पा रोम
शहरडा पावल लस्ताम

२७ दिरिदिनलामका गुकु इटालिया
नेब्दी लमुबासी ज्वाक्पा मुलु
दुस्ता। मेकोतिमा मेर्मिमका पावल

नुड याड चकमामिमलाई हप अगस्तकु
सेनामिमगोडाम युलियस कप्तानकु
ल्लाड्डा ग्वाम्डी। ^२मेकोतिमा गुकु
एडामिटेनोस शहरलामका एसियाडाम
*बन्दरगाहमिमलाम दुम्तो लक्पा कोले
डोकपु कुबी-बोक्साडा हुत्तोकोमा
लाम्दीत्तोको। माकेडोनियाडाम
थेसलोनिके शहरडा बाट्पा अरिस्तार्खस
वो गुकुनुड बाईडा। ^{१३}ऊ दिकाम
गुकु सीदोन शहरडा लुक्तोको।
युलियसका पावलडला न-थोम रेम्बुडुमा
पावल ऊ डोप्सोमिमकाडा थुर्साका
चाहेदुम्पा ल्वामिम र्ल्लोलार्सा बुडु।
^४मेकोतिमा मेलामका डोकपु कुबी-
बोक्सा लाम्दीमु चोम्डु, मा ब्लोजु गुकु
लक्पालाम्दीथो फुत्तोडा बुडुमका गुकु
ब्लोजु मेफुट्पा साईप्रस टापुकु सोपलाम
लक्तोको। ^५गुकु मेराम डा दिरिदिन
दुम्तो किलिकिया नुड पामफिलिया
रोक्थित्तोको, मा लुकियाकु कोड शहर
माइराडा रोकफात्तोको। ^६मेसिन्डा
कप्तान युलियसका अलेक्जेन्ड्रिया
शहरलामका इटालिया नेब्दी लक्पा
कोड डोकपु कुबी-बोक्सा डास्टुमा
मेरामडा गुकुलाई थुर्सावित्की। ^७गुकु
लक्पा लाम्दीलाम ब्लोजु फुडुडुमका गुकु
हापा नेमडा वाखा-वाखावा लक्तोकोमा
चाप्तो-मेचाप्तो कनीडस शहर फार्डा
रोक्थित्तोको। मेकोतिलो ब्लोजुका आथा
वो डादो लमु मेग्वाक्किवा। मैम्मिमका
गुकु ब्लोजु मेफुट्पा क्रेट टापुकु
सोपलाम सालमोने फारभाल लक्तोको।
^८मेराम भाल चाप्तो-मेचाप्तो गुकु 'जोपा
बन्दरगाह' ज्वाक्माडा रोकफात्तोको।
मेराम फार्डाडा लासिया शहर बाईडा।

६गुकु छोम छुत्तोकोम बाईडा, मा डोकपु
कुबी-बोक्सालाम लमु वो छोम डिमलुपा
बाईडा। हेडालोने यहूदीमिमकु *उपास
बुमु चाडकु थारी वो हुक्ल्याड्डामका
पावलका मेर्मिमलाई आरे ज्वाक्तामा
डिमसाड्डुमी, ^{११०}डोप्सोनी, ओराम
डोकपु कुबी-बोक्साडा ओम्लो गुई
लाम्दीईलो डोकपु कुबी-बोक्सा नुड
ओराम गोडा बाट्पा हाम-हम कोड्डा
ब्लाम-ब्लाम दुम्पा मेएँ, गुई ईकी
त्वाब डा सिमु वो चाप्सी ज्वाक्साका
आमा डिम लुहोम बु।" ^{११}लावो
पावलका ज्वाक्ताम ल्वाडा कप्तानका
थोरमेलुसाका डोकपु कुबी-बोक्सा
थोपा नुड डोकपु कुबी-बोक्साकु
मुचुका ज्वाक्चिम ल्वाडा हापा थोर
बुडु। ^{१२}ओराम बन्दरगाहडा जुनेमका
बुमु मेभापामिमका हेसाका लोवो
फोनिक्स शहरडा डा रोक्थिसाका बुई
ज्वाक्साका हापा सेर्पा मुचुका मेलामका
डोकपु कुबी-बोक्साडा लस्ल्याडी
ज्वाम्डी। मेकोतिमा जु थारीका मेसिन्डा
बाम्डी। क्रेट टापुडाम कोले बन्दरगाह
फोनिक्स बु, मेराम दक्षिण-पश्चिम
नुड उत्तर-पश्चिमथो र्ल्लोसिक्पा बु।
^{१३}दक्षिणलामका जु वाखावा फुन्मु
चोम्डु। मेर्मिम खोत्लेका आथा ने
गुई लमु चाप्सी ज्वाक्पा मिम्सिसाका
मेर्मिमका हाम्बेटिमडिमा जुल्मिडिम
*लङ्गर थाटिमडी। मेकोतिमा डोकपु
कुबी-बोक्सा क्रेटकु सोपभाल थोमु
चोम्मिडी। ^{१४}लावो घरिकोडका मे
क्रेट टापुलामका उत्तर-पूर्वी ज्वाक्मा
छोम डोकपु ब्लोजु फुडुडु। ^{१५}मे
ब्लोजुका डोकपु कुबी-बोक्सा बोहुण्डु,

^१२७:२ *जहाज डेसिखोप (बन्दरगाह चित्र #)

^१२७:६ *डोकपु डाड डुम्लाचोका मुचुमिमकु छुलकाम लागि सासेथाल्लु(लेवी १६, २३:२६-३२; गन्ती २६:७-११)। भदौ/असोज बिली ओराम थारी बँथाल्लु। ओराम थारीका दिरिदिनडा छोम डोकपु ब्लोजु फुडुमिमका कुबी-बोक्साकाडा लाम्दीमु छोम डिमलुपा दुस्थाल्ला।

^१२७:१३ *डोकपु कुबी-बोक्सा(जहाज)डेसिबेन्मीलो मेदोनु ज्वाक्साका सेल रिवाडा बसाका डोकपु कुबी-बोक्साकु चडलाम आल्मा लिपा सेल।

मा मेरामकु डादोडा गुकु हाम वो बोमु
मेचाप्कुवामका डोकपु कुबी-बोकसा
बान्ते ल लनु ज्वाक्तोकोमा डिसोक्तोको।
१६ क्लौडा ज्वाक्मा ब्लोजु मेफुट्पा कोले
याक्के टापु फार्डा लुक्तोको, मा
गुकु डोकपु कुबी-बोकसाडाम *याक्के
कुबी-बोकसालाई ज्वाप्डा सित्तो
थुसाका डोकपु कुबी-बोकसाडला जुल्मु
चाप्तोको। †१७ मेर्मिमका मेरामलाई
थुट्मिडिमा डोकपु कुबी-बोकसाडला
जुल्साका कोड डोकपु ेरिवाका डोकपु
कुबी-बोकसाकु हानोलाम आथोलाम
बट्मिडी। मेम्मा सिरिटस ज्वाक्मा
सेक्रेधेप्देडा हु ज्वाक्पा डिमका मे
पाल धाली डम्सोम्डी, मा डोकपु
कुबी-बोकसा ऊ त्वाप डा लमु चोम्डु।
१८ ब्लोजुका गुकुलाई कोक्तीकीमा
लेप्लेबोमं चोम्तिकी, मा ऊ दिकाम
मेर्मिमका डोकपु कुबी-बोकसाडा बाट्पा
मोमसोजाममिम घ्रामु चोम्मिडी। १९ ऊ
नहाद्दामनेम डोकपु कुबी-बोकसा थोमु
चाहेदुम्पा मोमसोजाममिम उनी त्वाका
डा घ्राम्डी। २० हापानेम डा नेप्सुड नुड
सोरलुड हाम वो मेल्ल्वाकुवा। ब्लोजु
छोम फुड्डुम-फुड्डुमका गुकु सेल्समु
वो हक्ताम रेछा ज्वाक्पा मिम्सिक्तोकोम
बाईडा। २१ मेर्मिम हापानेम डा हाम वो
मेपेसाका बाम्डिम बाईडा। मेकोतिमा
पावलका मेर्मिमकु डादोडा येम्स्तामा
आरे ज्वाक्ता, “डोप्सोनी, गानी गो
ज्वाडडोम थोनीवामा क्रेट टापुलाम
डोकपु कुबी-बोकसा मेशोनिवा माला,
गानी आरेप्पाम दुखा मेल्ल्वानिवा मा
ईनीमा हाम वो मेदाम्सावा। २२ लावो
ओम्लो गो गानीनुड ज्वाडु, “मेडिनी,
डोकपु कुबी-बोकसा भ लोवो गानीगोडा
उहेम वा हाम वो मेदुम्नी।” २३ हेडालोने
गो सोरलोले बेउमिम आमा माम्चुनीकु
उनी पाह्नीचो बासिन्था आमाडा रौक्ता,

२४ मा गोनुड ज्वाक्ता, “मेडिसा पावल,
गाना रोमी हप कैसरकु डादोडा येम्सिमु
डा बासी, मा गाना बुनामिमका गानानुड
लक्पा खोत्लेलाई माम्चुनीका सेल्नीमी।”
२५ मेम्मिमका डोप्सोनी मेडिनी,
माम्चुनीका गोलाई हे ज्वाम्डिम बु, मेम
डा बोमी ज्वाक्पा गो थोर लुडु। २६ लावो
गुई हुड्डिम डोकपु कुबी-बोकसा ने कोले
टापुडा दुडुमा भ।

डोकपु कुबी-बोकसा भस्ताम

२७ गुकु मेम्साका को-ब्ल(१४)
सिन्था भाल-आथो दुम्तोकोम बाईडा,
मा एड्रियास ज्वाक्मा मेरामडा
दिरिदिनडा उन्सित्तो लेत्तोको। मेकोतिमा
सिन्थाबिली डोकपु कुबी-बोकसा
थोपामिमका गुई कोडनिम बायफार्डा
रोम्थिमु खाप्डीमिम बु ज्वाक्पा मिम्डिम
बाईडा। २८ मेकोतिमा मेर्मिमका कु
थोप्मिडीलो सुक-येत्(३७) मिटर छ्लुम्पा
डार्मिडी, मा किचो होनोक्थो लम्डीमा
थोप्मिडीलो नक-रु(२६) मिटर डार्मीडी।
२९ मेकोतिमा कोडनिम धिप्लुडडला
डोकपु कुबी-बोकसा दुडु ज्वाक्पा
डिमका मेर्मिमका डोकपु कुबी-बोकसाकु
चडलाम ब्लले लङ्गर डम्डी, मा नेम्सोनु
ज्वाक्साका सोम्डी बोमु चोम्मिडी।
३० मेकोतिलोडा डोकपु कुबी-बोकसा
थोपामिमका डादोनोम लङ्गर डक्पा
लिम्सिम्डीमा याक्के कुबी-बोकसालाई
डोकपु कुबी-बोकसालामका डक्साका
स्वामु मालिमिडी। ३१ पावलका कप्तान
नुड सिपाहीमिमलाई ज्वाक्ता, “ओर्मिम
मुचु डोकपु कुबी-बोकसागोनो नेबामिवा
माला गानी सामनुडमा मेदुम्नी।”
३२ सिपाहीमिमका मेराम याक्के कुबी-
बोकसा बट्मा रिवा क्रिम्साम्डी, मा
डिन्सोम्डी। ३३ नेमसोमु खाप्डुम बाईडा।
पावलका मेर्मिम खोत्लेलाई पेनी-डुनी

†२७:१६ *डोकपु कुबी-बोकसालाम लक्सीलो मेराम फाल्स्ता माला दिरिदिनलाम पाखा लुमु ख्लोपा कुबी-बोकसा।

बुडुमी। गुका ज्वाक्ता, “गानी ईनीमा लो दाम्स्तामका हाम वो मेपेसाका मान्जाडा बुनीमिम आनेप को-ब्ल(१४) लेम दुम्मु दुम्स्तुम बु। ^{३४}मेम्मिमका गानी हाम-हुम पेनी ज्वाडु। हाम-हुम पेनी माला ईनीमा सो बेडु, मा गानीगोडा सुकाम वो कोरिप सम वो मेआल। ^{३५}आकोती ज्वाक्तामा पावलका सोबेम भेडुडु, मा खोत्लेकु डादोडा माम्चुनीलाई आलासो ग्वाक्साका चस्तुमा पोमु चोम्डु। ^{३६}मेकोतिमा उनी सो हन्डामा मेर्मिमका वो हाम-हुम पोमु चोम्मिडी। ^{३७}(डोक्पु कुबी-बोक्साडा गुकु न सड येत-रुले(२७६) बात्तोको) ^{३८}मेर्मिमका खोहोम पेम्डी, मा डोक्पु कुबी-बोक्सा फाप्तेर्मा दुम्बेन्मु मेगोनोम जेप्सेर दिरिदिनगोयु पोर्मिडी। ^{३९}नेम्सोडडामा दिरिदिनकु सोप ल्वाम्डी, लावो डोक्पु कुबी-बोक्सा थोपामिमका छेमु मेचाप्मिवा। दिरिदिनकु फार्डा सेक्त्रेधेबदे बेट्पा ल्वाम्डी, मा मेर्मिमका डोक्पु कुबी-बोक्सा मेनो डा रेन्थिमु न बेम्डी। ^{४०}मेर्मिमका लङ्गर डम्डीमा दिरिदिनगोयु डा डिन्सोम्डी। मेकोतिलोडा कुबी-बोक्सा थोखोप कोर्चोमिमिम बन्थाट्पा रिवा फ्रोम्डी। मेकोतिमा डादोनोम पाल फम्डीमा ब्लोजुथो हिम्डी, मा डोक्पु कुबी-बोक्सा दिरिदिनकु सोपथो लमु चोम्मिडी। ^{४१}लावो नले दिरिदिन डोलिसखोपडा डोक्पु कुबी-बोक्सा दुडुडुमा क्रोसिड्डा। डोक्पु कुबी-बोक्साकु बुई हाप्डुमा दोमुडा मेचाप्सुवा, मा डोक्पु कुबी-बोक्साकु मेर ने कुकु बाबारिमका याक्तुमा भमु चोम्डु। ^{४२}चक्मामिम वाकु बेसाका स्वामी ज्वाक्साका सिपाहीमिमका मेर्मिमलाई सेन्मु मुलु बेम्डी। ^{४३}लावो कप्तानका पावललाई बोमु-थार्मु न बुडुमका सिपाहीमिमलाई मेम बोमुडाम भोप्डुमी। मेकोतिमा वाकु बोमु थेट्पा-थेट्पा डादोडा डोक्पु

कुबी-बोक्सालामका प्रोक्नीमा पाखानो लुक्नी बुडुमी। ^{४४}मेकोतिमा मेमका लमु मेचापामिम ने सडडलामका नुड डोक्पु कुबी-बोक्साकु फ्वाक्चोलमिमलामका होम्बु लक्नी बुडुमी। आरेसाका खोलेडा हे वो मेदुम्साका दिरिदिनकु होम्बुनो लुम्डी।

पावल माल्टा टापुडा

२८ गुकु जोम-नुमका दिरिदिनकु पाखानो लुक्तोकोमा मेराम टापुकु नड माल्टा रेछा ज्वाक्पा गुकु थोत्तोको। ^२मेसिन्डाम देल्पामिमका गुकुडला छोम न-थोम रेम्बेम्डी। व योक्तामा जु लुडामका मेर्मिमका मु होटिमडीमा गुकुलाई भुड्डा येत्तिकी। ^३पावलका वो को बालाम सड रेडुडुमा चायुडु। मुकु सामका कोले ब्लो लुक्तामा पावलकु ल्वाडुडा रिम्सिड्डा। ^४मे देल्पामिमका पावलकु ल्वाडुडा ब्लो रिम्तासिट्पा ल्वाम्डीमा उनी त्वाप-त्वापडा आरे ज्वाबेम्डी, “ओराम मुचु ने मुचु सेट्पा डा दुम्मुबासी। ओराम मुचु दिरिदिनलामका ने सेल्सिड्डामा लुक्ता, लावो देवीकु नियालामका ने सेल्सिमु मेचाप्सु।” ^५लावो पावलका मे ब्लो मुडुडा थिरक्तुमा आल्स्तु, मा पावल हे वो मेदुप्सावा। ^६मेर्मिमका पावलकु रोम होममा क्वायु पुलुभारसाका सि ज्वाक्साका लम्थाटिमडेम बाईडा। लावो थामासम्म लम्थाटिमडी लोवो गु हे वो मेदुप्सावामका मेर्मिमका उनी न र्लोम्डीमा आरे ज्वामु चोम्मिडी, “ओराम ने देउता डे रेछा।” ^७मेराम टापुडाम उनी डोक्पु मुचु पब्लियसकु ये-द मेराम फारबाडे डा बाईडा। पब्लियसका गुकुलाई उमा नेप्डा लक्तिकीमा पोमु-डुमु ग्वाक्तिकी। गुकु मेरामकु नेप्डा सुलेम बात्तोको। ^८पब्लियसकु पाप डार्चुमोका नुड सिसि-एपा सोमोरीका भाल्याक्पा बाईडा।

पावलका गुलाई क्रोम्डा लस्तामा मेरामडला ल्वा जुल्साका सोम्दी बुडुमा सबेडु। ९ ओराम थोम्डीमा मोसिन्डा बाट्पा सोमोरीनुडमा वाडमिम हापा मुचु वो रोम्डी, मा पावलका सबेडुमु। १० मेर्मिमका गुकुलाई जोहोम-नुहोम बेत्तिकी। गुकु डोकपु कुबी-बोक्साडा हुमु थारीका आकीमा लागि चाहेदुम्पा मोमसोजाममिम मेगोडा फिक्सावितकीमी।

हप कैसर बाट्पा रोम शहरडा पावल रोकफाड्डाम

११ सुक मुनाम चडडा गुकु अलेक्जेन्ड्रिया शहरलाम रोकपा डोकपु कुबी-बोक्साडा हुतोको। ओराम डोकपु कुबी-बोक्सा जुनेमका ओराम टापुडा डा बाईडा। डोकपु कुबी-बोक्साकु डादोगोनो निची देउताकु डाली जुल्मा बाईडा। १२ मेकोतिमा सुराकुसाई शहरडा लुक्तोको, मा गुकु मेसिन्डा सुलेम बात्तोको। १३ मेलामका गुकु डोकपु कुबी-बोक्साडा हुतोको, मा रेगियन शहरडा रोकफात्तोको। ऊ दिकाम दक्षिणलामका ब्लोजु फुन्मु चोम्डु, मा ऊ नहाद्दामनेम गुकु पाटओली शहरडा रोकतोको। १४ मेसिन्डा गुकु येशूडा थोरलुपामिमलाई डार्तोको, मा मेर्मिमका येतलेमसम्म गुकुलाई बुई ज्वाम्डी। आरेसाका गुकु रोम शहरडा रोकफात्तोको। १५ रोमडा बाट्पा थोरलुपामिमका गुकु रोकतोडा बोकु ज्वाक्पा थोम्डीमा अप्पियसडाम बजार नुड 'सुक पाटी' ज्वाक्पाडा घ्रोम्डा रोम्डिम बाईडा। ओर्मिमलाई ल्वास्तुमीमा पावलका माम्चुनीलाई आलासो ग्वाक्तुमा उमा सो हन्डा। १६ गुकु रोमडा रोकतोको, मा पावललाई ऊ त्वाप डा बुमु ग्वाम्डी। लावो कोले सिपाहीका गुलाई रेप्याल्लु।

पावलका रोमडा माम्चुनीकु सीजेम दोस्तुम

१७ सुलेम चडडा पावलका मेसिन्डाम यहूदीमिमकु डाचोमिमलाई येडुडुमी। मेर्मिम खोम्सिम्डीमा गुका मेर्मिमनुड ज्वाक्ता, "वा-ल्वाकनी, गो ने त्वाकु मुचुमिम नुड त्वाकु डाउमिमका बम्बेम्डिम डुम्लाकु कोर्थोलाम ने हाम वो बेउतोम मेबायावा। लावो यरूशलेमडा बटिडरीमीमा रोमीमिमकु ल्वाडडा गोलाई ग्वाड्डीमिम बु। १८ रोमीमिमका गोलाई हिलाहिसी बेडिडमी, मा सेन्मुका घेटपा ल्वा हाम वो मेडार्मीवामका गोलाई डिन्सोमु न बेम्डिम बाईडा। १९ लावो यहूदीमिम ने आमा कोर्थोलाम बम्डिमका गो रोमी डोकपु हप कैसरका आमा रीबुसी ल्वाकु दुथाम रेम्साडनु ज्वाड्डी। आमा त्वाकु मुचुमिमकु कोर्थोलाम जेमु गोनुड हाम वो ल्वा मेबायावा। २० मेर्मिमका गो गानीनुड घ्रोम्मुमा ल्वा बोमुलाई येटिननिम बु। हेडालोने इस्राएलीमिमका हाम ल्वापा न बेम्डिम बाईडा, मेरामडा थोर लुडडोमका ओराम सेल रिवाका गो बन्सिड्डीम बु। २१ मेकोतिमा मेर्मिमका पावलनुड ज्वाम्डी, "गुकु ने ईनीमा दुथाम यहूदियालामका कोले वो चिट्टी डोर्तोकोम मिबु। ईनीमा कोर्थोलाम मेजोपा ल्वा मेलाम रोकपा सुका वो आसिन्डा ज्वाम्डिम, जेम्डिम मिबु। २२ लावो गानी हाम ज्वामु माल्निमिम बु, मेराम थोमु आकीमा न बु। हेडालोने ओराम दलकु कोर्थोलाम खोत्लेका बान्तेमेनो जेम्बाल्मी ज्वाक्पा कोड्डा गुकु चकुमिम बु।" २३ मेकोतिमा मेर्मिमका पावलकु ल्वा थोमु लागि कोलेमनेम घ्रोम्सी ज्वाबेम्डी। सेर्पा मुचु पावल बाट्पाडा खोम्सिम्डी। पावल मेर्मिमनुड नेमसोसोलो आथाम नेम गाम्स्तामसम्म डा जेस्ता, मा गुका

माम्चुनीकु-किब्दीकु दुथाम सीड्डुमी,
 मा मेर्मिमलाई थोर लुबेन्मु नका येशूकु
 दुथाममिम ल्वा मोशाकु डुम्ला नुड
 माम्चुनीलाम-जेपामिमकु किताबलाम
 सीड्डुमी । ^{२४} गुका ज्वाक्ताम ल्वाडा
 याड-याडका थोरलुम्डी, याड-याडका
 थोर मेलुमिवा । ^{२५} मेर्मिम उनी त्वाप-
 त्वापडा डा गो फ दुम्मिडी, मा मेलाम
 ब्र्वाम्सिमु खाप्पिडिलो मेर्मिमनुड
 पावलका ओराम कोले ल्वा ज्वाक्ता,
 “ईनीमा डाउ-खुउलाई माम्चुनीलाम-जेपा
 यशैयाकु सिलामका माम्चुनी-पेलका
 ज्वाम्डिम ल्वा आच्छाडा रेछा:
^{२६} ‘ओर्मिम मुचुमिमकाडा लक्सामा
 ज्वाका, “गानी थोमु ने थोनी, लावो
 हेल्लो वो थेसिमेथेनी, रेमु ने रेम्नी,
 लावो हेल्लो वो मेल्वानी।” ^{२७} हेडालोने
 ओर्मिम मुचुकु न-गो लुड होप्पाम दुस्ताम
 बु, मा मेर्मिमकु नोफला मेथोपा दुस्ताम
 बु, मा मेर्मिमका उनी मिक्सी क्रिमिडिम

बु, मेरँ माला ने मेर्मिमका उनी मिक्सीका
 ल्वामिवा, नोफलाका थोमिवा, न-गोका
 थेसिथेटिमवा, मा र्लोम्सिटिमवा,
 मेम्मा गो मेर्मिमलाई सबेटुपुमिवा।’
 (यशैया ६:६-१०) ^{२८} मेर्मिमका गानी
 ओराम चनी, माम्चुनीकाम सेल्सिक्पा
 ओराम सेला गुमीका वाडसामामिमकाडा
 थर्मिडिम बु, मा मेर्मिमका थोमी।
^{२९} * [पावलका आरे ज्वाक्ताम चडडा
 यहूदीमिम उनी त्वाप-त्वापडा डा
 ल्वोलाम खाल्बेबेत्तो ब्र्वाम्सिम्डी
 ।] ^{३०} पावल खउलुड सोक्साका
 बाट्पा नेप्डा नक थ बाईडा, मा उमाडा
 रोकपामिम खोत्लेलाई गेरिक्तो हुनाखाना
 बुथाल्लुमी। ^{३१} पावलका मेडिसाका डा
 माम्चुनीकु-किब्दीकु दुथाम मुचुमिमलाई
 थोबेड्डुमी, मा येशू ख्रीष्टकु दुथाम
 सीड्डुमी, मा सुका वो गुलाई मेम
 बोमुडाम मेभोप्पिवा।

^१२८:२६ *माकेम ग्रीक बाइबलमिमगोडा याड-याडडा ओराम पद मेडासी।